

**SPEAKER** : In thiltih chu ngun taka ngaihtuahin ti rawh u; mihring tana rorel in ni lova. LALPA tan a ni zawk si a: rorelnaah chuan in hnenah a tel zel a ni.

Starred Question 121-na zawt turin  
Member zahawm tak Pu Lalduhoma i lo sawm ang.

**PU LALDUHOMA** : Pu Speaker, zawhna 121-na GAD Minister zahawm tak chhan atan -  
(a) Govt. of India leh Mizoram Sorkar hnuaiia order of precedence copy min pe thei em ? (b) Chairman, Sinlung Hill Development Council hi order of precedence-ah a tel ve em ? (c) VIP Light chhi thei chin bithliah dan engnge ? (d) Tutenge Mizoram Sorkar hnuaiiah chhi thei ? tih a ni e.

**SPEAKER** : Chhang turin G.A.D. changtu Minister zahawm tak Chief Minister i lo sawm ang.

**PU ZORAMTHANGA  
CHIEF MINISTER** : Pu Speaker, kan Member zahawm tak Pu Duhoma zawhna chhanna (a)-na chhanna chu "Pe thei e" tih a ni a. Tin, (b)-na chhanna chu "Tel ve lo" tih a ni e, (c)-na chhanna chu VIP light chhi thei chin hi provision (iii) of Rule 108 of Central Motor Vehicle Rules, 1989 hnuaiiah bithliah a ni, tih a ni. Tin, (d)-na chhanna chu a list-ah chuan hengte hi Mizoram Sorkar hnuaiia chhi thei chin kan neihte chu a ni a. (1) National Flag tar thei chin a ni phawt a. (2) Leader of Opposition (3) Vice Chairman of Mizoram State Planning Board (4) Deputy Govt. Chief Whip (5) Adviser to Chief Minister (6) Chairman/Vice Chairman of Corporation/Board ( if they are MLAs) (7) Chief Secretary of Mizoram (8) Director General of Police (9) Chairman, MPSC (10) Judges of High Courts (11) Chief Executive Members of District Councils (12) Principal Secretary and Commissioner Secretaries to the Administrative Departments, Govt. of Mizoram. Hei hi Administrative Department ami cut a, Secretary hote, 13-na, Deputy Commissioner leh District Magistrate leh District S.P te, anmahni jurisdiction chhungah, tin, 14-na Fire Service ami, Fire Service atana hman lai mekte, 15-na Ambulance, 16-na District Council pathuma Chairman-te, anmahni jurisdiction chhungah, 17-na State Chief Information Commissioner leh State Information Commissioner-te duty-a an awmin, chung chu kan chhanna chu a ni e.

**PU LALDUHOMA**

: Pu Speaker, Chhinlung Hill Development Council Chairman kha order of precedence-ah pawh a tel lo tih kan hre ta a, chuti chung chuan

VIP light leh escort nen a lal khawp mai a, a lan danah chuan, chu chu danin a phal a nih chuan kan lawmpui a, a tha a. a phal lo a nih chuan a phal loh chin midang lo chhite pawh an awm mai thei a. Hei hi enfiah theih a ni angem? tih a ni a. Tin, a dawt lehah chuan Chhinlung Hill Development Council Act hi siam ni rawh se tih hi he House-ah hian kan sawi zing tawh a. He Resolution hi ka pulut ziah a, an vanduai nge ka vanduai, ka la pawt fuh thei lova, tun tumah pawh pawhfuh lohah a tang leh a. Hei hi hman atanga Sorkar intiamna a ni a. Tunah hian Act a awm lova, Act a awm loh chuan Rules pawh a awm thei lova. Adhoc leh term pawh an nei lo a nih avangin ruling party-in an duh zawng Chairman-ah an dah thin a. Inthlan huna an mahni pui tur an dah thin a, an lung an tihawi loh chuan duh hun hunah an ban a, an lung an tihawi deuh chuan an term an extend sak mai bawk a. Tunahnaia an han appoint thar leh pawh hi a tluang vak dawn lo nge ni, tawngtaia hel ho thlah liam parukte kha hmanni lawkah khan kahhlum an ni lehngal a, a pawl hlein ka hria.

Elected body a awm loh chuan khing kan bial leh a area chhung amite khi an buai em em a ni. Council member-te pawh appoint vek an ni mai a, mipuiah mawh an la lova, khatiang reng renga a kal chuan administration set-up dik a nilo hrim hrim a. Hei hi tihtawp a, tun term ral hma ngei hian Act hi pass a, Act hnuaia thlantlin ten he Council hi enkawl ve tawh sela tih hi mipui duh dan a ni a. A council enkawl lai ten inthlan an chak si lova, an nawr chak duh bawk si lova, mahse, mipuiin an duh si a, hei hi a rang thei ang berin Sorkarin a rawn buatsaih thei tawh angem tih hi ka zawt tel duh a.

Tin, hmannah khan Sinlung Hills Development Council Session neih a ni a, ka telpui hman lova. Chutah chuan zawhna leh chhannate an nei ve a, zawhna pakhat, Chairman-in a chhannaah chuan Chairman kalchhuak Pu Lalmalsawma Darngawn khan leiba nuai 54.418 min hnutehchiah a ni a ti a, hetiangte hi a nih chuan a fello em em dawn a, tuna a thar hnuaiah hian a fello lehzuat dawnin ka'n hre nghe nghe a ni. Kan hmuh lawk dan chu chu a ni. Hengte hi nikum lama Local Fund (Audit of Accounts) Act kan pass hmang khan Audit fel sak ve an ni thei tawh angem? tih ka hre duh a ni e.

**PU LALRINLIANA SAILO**

: October 2, 2004 khanin M.L.A. pali Delhi Mizoram House sak lai VASANT VIHAR-ah khan kan zuk kal a, hei Aizawl South-II bialtu

zahawmtak Pu Khawpuia hovin, Pu H. Vanlalthaliana, Lawngtlai bialtu zahawm tak nen, Pu K. Lalrinliana, Kolasib bialtu zahawm takte nen Mizoram House sak khu kan han piat a, Cement kha kan piat thla thei vek a ni, MLA paliin, a chhe em em mai a, a pawl ka ti a, khu khu, tuna sakthar leh khu kan hriat danin hei Chanakya Puri

ami khu a ngaiin an sa dawn niin a lang a, khawngaihtakin a ngai hian sa lo se, mipui tan a him dawn lo a ni, Delhi zirlaite pawhin sawi tur an nei a ni. GAD hnuai ani bawk a, chu chu a sa ngai khan sa lo se a theih em ? tih kan rawn zawt e.

**PU S. HIATO**

: District Council-a kan hotute C.E.M. te, Chairman-te, Executive member-te an order of precedence-ah hian eng dinhmunah chiah nge tunah hian dah a nih ? tih pakhatnaah ka zawt duh a, tin, National Flag hmang theilo ten DGP te, IGP te, S.P. te, D.C. te Chief Secretary-te mahni Flag siamchawpin an hmang a, Council hotute tan hian hei hi a siamchawp ve theih em ? siamchawp theih loh ni ta se, insiamchawpa hmang maite hi engtia tih tur nge ? tih ka zawt e.

**SPEAKER**

: Relevant lo kha supplementary-ah khan a tam mai a, a chhang turin kan Chief Minister ilo sawm ang.

**PU ZORAMTHANGA  
CHIEF MINISTER**

: Pu Speaker, kan Member zahawm tak Pu Duhoma zawhna kha Sinalung Hills Development Council Chairman, VIP chhiin escort-in a kal tih kha, escort kha security-ah hian chuan tu ate pawh an nunna atan tul ni a hriat chuan tupawh pek an ni a, chumi a tul ni a hriat anih chuan Police-in kumkhua atana pek ni lovin, a tul hun atan te a tul rei leh an pe rei a, khatiangkhan an ti thin a, pek loh tum pawh a awm a, khalai kha escort chu ni ta sela. Amaherawhchu, VIP light chhi tur erawh chuan tuna kan order of precedence leh hemi VIP light chhi thei list-ah hi chuan a tel lova, khalam kha chu kan lo enzui anga. Mahni duha lo chhit ngawt kha a dik lova, chuvangin tute fiamthu nge tak tak nge Taxi pakhat pawhin a mawi ema a chhi ve ngawt e tih thute pawh kha a awm a. Khatiang kha awm palh thei a ni a. Hei chu kan lo en zel ang e. A chhi tur tak ten an chhit hi a zahawm a, chu chu keini pawhin la enforce kan lo tum anga.

Tin, pahnihnaah chuan a Act hi min pe thuai thei angem tih kha a dik khawp a. Hei kan siam a, a hmasa pheih kha chu kei pawhin, a hmasa ti ila, a lokal a kha kan en a, a chhah em em mai a, heti lutuk lo deuh hian a tih dan a awm ang, tipan leh deuh teh u, lakkhawm dan a awm ang ka'n ti a. An han bei leh a, tichuan, tunah hian an propose kha chu an rawn zo tawh a, kei pawhin ka lo en a, kan hmuh chinah chuan a thalo lutuk awm ka hmu rih lova. Cabinet ngaihtuah turin rawn chhawp rawh u kan ti a. Political

Affairs-ah an rawn dah tawh a, kan Cabinet Meeting hmasaah te kan en a. kha kha Act-a kan tih turin hei hi chu hemi a siamna stage-ah chuan kan zo tawh a, kan rawn tihnai e tih kha kan sawi leh duh a. Tin, khatianga Act hnuaia awm an nih loh avang khan order of precedence-a han dah dawn leh i han tih dawn pawh khan legal stand kha kan la siam that sak loh avangin remchan lohna chen a awm a. Kha kha tuna an ni pawh an khaihlak lai deuh hi a ni a.

Tin, a pathumnaah Chairman kalchhuak ta khan a ba tam em mai a, hei hi audit theih a ni em kan audit-na dan kan tihah khan tih a ni a. Hei chu lo enzui zel kan tum anga, chuti lo chuan diklo taka miin pawisa hmanga khata a va pawe, a zia lo tia pawng tih liam ngawt kha a ni lova. Chuvangin hei hi chu a dan kalhmanga a tih theihna tur chin chinah nakin hnu zelah a lo awm tak tak a nih pawha miin an tih lohna turin mawhphurhna a keng tel a ni tih kha kan lan tir zel a ngai a, tute lakah pawh. Chuvangin hei hi chu a tih theih dan hnuaiah ka lo enzui zel ang e. A chhan chu Mizoram Sorkarina kan sanction kan pek a ni si a, kha kha audit lova a kal ringawt leh a dik lo chhui chhuah lova a liam ringawt kha chu a diklo reng reng a. Chuvangin kan lo en ang e. Tin, kan Member zahawm tak Pu Lalrinliana Sailo a tih kha chu, khu tuna Vasant Vihar kan sak kha chu chutianga Cement piai thlak theih khawpa chhia a nih lama kha kan lo hre bik lova, uluk takin khu khu chu kan ti a, khawilai emaw chu han piai vakah chuan a piai thlak theih chu awm pawh chu a lo ni thei a. Mahse, a building hrim hrim khu chu chutiangan a chhiatna lam pawh kan Engineer-te lam atang pawhin kan hre lova. Amaherawhchu, a design erawh khu chu

**PU LALRINLIANA SAILO**

: S.D.O. in-charge khanin inti lo em ni hetiangte chu kan tih khan, min hriih danah chuan Contractor kan ngam ngang lo

a ni a ti a ni, a pawe khawp mai, Contractor kan ngam ngang lo a ni a ti. Ngam loh dan a awm a ni ang a.

**PU ZORAMTHANGA  
CHIEF MINISTER**

: Chumiin a ti, ti lo, tih, awm ve lote tawngkama heta keini kha a ti ang, ti lovang (Pu Lalrinliana Sailo : Member

4 vel kha an awm a ni a, an hre vek a ni a, MLA zahawm tak 4 te an la awm tlat. I adviser-te a ni, Pu Speaker.) Aw, Pu Speaker, kan sawi duh chu P.W.D, a vengtute khan, a thawktutena an thawh that loh chuan an enkawl that lohna mawh chu tuman an phur lo, an mahni khan an phurh avangin. Chutianga an sawite a nih pheii chuan an mahni mawh a ni hrim hrim a. Chuvangin khatiangan an ti ngei em tih lam erawh chu Department pawhin kan lo en dawn nia. Tuna kan hmuh chinah chuan chutianga chhiatna awm kan hre hran lova, tin, chu lovah a thar sak tur khu a ngaia min sak tir leh dawn tih kha tender pawh la finalise a la ni lova.

Pu Speaker, ..... tir leh dawn tiha kha tender pawh la finalise a la ni lova, a satu ngaiten a chhan pawh an chhang lo niin ka hria. Tender kan tender-a chhan a lo lut a, chu pawh la finalise a la ni lova, khumi a satute a khu a chhangtuteah an tel bawk lova, chuvangin kan kherh hma lutuk deuh hret niin ka hria, sak tir turin a chhan pawh an chhang lo hrim hrim a ni tih kha ka'n sawi duh a ni. A chhangtuah an tello hrim hrim a ni.

**SPEAKER** : Khawngaih takin, relevant lo in chhang a in polite a, a kalkual mai mai a ni. Relevant lo kha chu chhan loh theih a ni.

**PU ZORAMTHANGA  
CHIEF MINISTER** : Pu Speaker, awle, kan Member zahawm tak Pu Hiato zawhna kha District Council order of precedence tih kha, hemi kan order of precedence

neih hi copy pawh kanrawn pe dawn a. Kan order of precedence Mizoram Sorkarina kan neih hi 1990 ami kha a ni a, hei hi up-date-a siamthat tum pawhin tunah hian kan ti mek a. Hetah hian khangah pawh khan anawm a, chutah chuan 23-naah hian Secretary to the Govt. of Mizoram, Legal Remembrancer, Secretary, Legislative Assembly, Deputy Commissioner holding the rank of Deputy Secretary to the Govt. of India within their jurisdiction, 23-naah hian CEM, EM, Chairman, Vice Chairman, MDC Autonomous District Council tih aawm bawk a. 23-naah khan 1990 kan order of precedence-ah kha chuan aawm a ni. Amaherawhchu, order of precedence hi India Sorkar pawhina an thiam hi 26<sup>th</sup> July 1979 ami kha an hman a kha a la ni a, amaherawhchu, a pumpuia thlak lovin order tharin belh zeuh zeuh leh thil dang kha an nei thin a, khata tanga lokal kha a ni a. Keini pawh hei kan order of precedence-ah hian awmlo lo awm tharte a awm thin a, chung chu belh a ngai a. Entirnan, kan Public Service Commission-te pawh a awmna a la rei lova, khangte kha belh a lo ngai a, Election Commission tihte nakinah pawh a lo la awm anga. Tin, tunah kan Information Commission-te pawh a thar a lo la awm anga, kha kha order thara belh ve zel a ngai a, chutiang chuan India Sorkar pawh khuan an lo tih dan a ni a. Chumi kanrawn supply turah pawh khan kan member zahawm tak ten kan lo hriata kan duh chu a va hlui tawh ve mawle tiin India ramina an siam pawh kha kan lo ngaihtuahnaah a awm mai thei a, mahse an belh zeuh zeuh a, kha kha tiin India ramina an siam pawh kha kan lo ngaihtuahnaah a awm mai thei a, mahse an belh zeuh zeuh a, kha kha a base a chu a ni a. Keini pawh 1990 a kan siam lokal zelah khan 23-naah kan District Council amite pawh kha an awm e tih kha ka'n sawi duh a ni a.

Tin, mahni Flag an hmang thei em? tih hi kan hotute chuan tunhma Mizorama lo awmte chuan kei ai pawhin in hrechiang zawk mahin ka ring a, kan Chief Secretary-te kan D.C. te pawh khan engemaw ram buai lai leh thildanga in-identify awlsam nan khan anmahni Flag ti mai

ila National Flag nilo kha lo siam a, khatia lo dah kha an nei a, kha practice-a kha a la kal ta zel a, hmundangah pheichuan an ti vek chuang hauh lova. Tunah hian District Council-te pawhin khatiang khan an Flag/banner emaw pawh kha an tar ve thei em ? tih kha chu National Flag a nih loh chuan han tar ve hrim hrimte kha chu an mahni Emblem an siam a, kha kha a piece of cloth a an dah a, khami tar a kha chu thil dang, dan kalh leh i pawh a awm chuang lova, an mahni kutah pawh a awm thei thova, khalama kha chu dan leh dun fel tak zam sak pawh kan la nei chuang love.

**PU SAILOTHANGA SAILO** : Pu Speaker, ka lawm e. Starred Question No. 122-na, "Sorkarin District tinte development hrang hrang atana pawisa a pekchhuah thinte hi Rural Development Department Directorate atang hian 2% DRDA te kaltlangin a thing thin" tih hi a dik em ? tih leh dik ni se engvanga laksak thin nge an nih ? tih ka zawt e.

**PU AICHHINGA MINISTER** : Pu Speaker, member zahawm tak Pu Sailothanga zawhna kha a chhanna chu (a) Rural Development Department, Govt. of India leh kha No. B.11018/10/01 SGRY-RD dt. 22.7.04 in a phal angin 2% hi SGRY Fund atangin DRDA ten an rawn thehlut a ni. Hei hi Development Fund dang ni lovin SGRY atang chauh khan a ni. (B) SGRY Fund atanga 2% lak hi SGRY hnuaiia Food Grain buhfai phurh man atana hman a ni tih kha ka han chhanna chu a ni e.

**PU SAILOTHANGA SAILO** : Zawhbelhna, thil pawimawh tak niin ka hria, ka zawh hmian a awmzia ka'n sawifiah lawk anga. Project implementation Agency chungchang a ni a. A awmziaah chuan I.W.D.P. hnuaiia ram hectre 8000 tihchangtlun nan Central Sorkarin Ministry of Rural Development Department of Land Resources kaltlangin Rs. 480 lakhs DRDA Kolasib hnenah a rawn pe a. Hei hi Haryali guidelines ang thlapa thawh tura neih a ni a. Tichuan, ram 1 hectre khat siam nan Rs. 5500/- ruahman a ni bawh a ni a. Hetah hian Central share Rs. 440 lakhs a nih laiin State tum tur hi Rs. 40 lakhs niin alang bawh a. Tichuan, President of India remtih nain Rs. nuai 66 chu first installment atan Kolasib DRDA hnenah sanction a ni bawh a. Tichuan, Mizoram Sorkar chuan a corresponding share first installment Rs. 6 lakhs chu a reng thei ang berin ni 15 chhunga release sanction tura hriattir a ni bawh a. Tichuan, Pu Speaker, Kolasib District Project- V atan Central Sorkarin Rs. 480 lakhs a pekna khua, heng Vairengte, Phainuam lui, Khamrang, Thingdawl leh Aizawl Block a ti a.

Serkhan, Meidum, Rajthali, Hortoki leh Bukvannei, Sairilui, tihte heng hmun atana hman tura tih hi a ni a. Tichuan, he Integrated Wasteland Development Project hi tlumtea thlir taka kan lo thlir thin a ni a, Kolasib District khuan. Tichuanin pawisa an rawn sanction, hemi PIA chungchangah hianin eng eng emaw, inhriatthiam lohna a lo awm ta a. PIA ruat chungchangah, tichuanin Kolasib District, AMFU hotuten PIA ah hianin keini Kolasib District AMFU te hi an ni tur a ni, an ti a. Tichuanin helaiah hianin PIA an rawn ruat dan, Pu Speaker, kan sawi hmasa leh lawk anga, tichuan, tunah hian ka hriat danin PIA ah hian Kolasib District AMFU te ruat an lo ni ta a, mahse, chutihrual rual chuan Central Sorkar atanga lehkhaha kan hmuh, hetiang hi a ni. IWDP Haryari, Kolasib-V ah hian Project Implementing Agency (PIA) chu Govt. of India, Ministry of Rural Development, Department of Land Resources letter No. K.11011/156/2006/IWDP/D-11 Dated 19<sup>th</sup> July, 2006 in a tarlan angin PIA chu BDO, Thingdawl a ni tih a ni. Tichuan, Pu Speaker, hetah hianin PIA Central Govt. of India hi a rawn ruatna chu hei hi a lehkhaha a ni, order a ni a. Tin, chutihrual rual chuan he an rawn sanction ang, Govt. of India atanga an rawn sanction-na lehkhaha leh No. te hi ka nei ta a, tichuan, Pu Speaker, kan zawh duh tak chu, hemi chungchangah hian PIA ah hianin Kolasib District AMFU hotute nge ruat tur ni a. Central Sorkar order anga BDO, Thingdawl, a khawi hi nge PIA ni zawk tur ? tih kha ka'n zawt duh a ni.

**SPEAKER** : Vawiin kan hotute thil tih dan hi a mak riau mai. Original question a awm a, khami lo deuhah khanin in supplementary ta zel mai a, original question-ah hian i kal hram hram ang u. Pu Lalduhoma i lo sawm ang (Pu Sailothanga Sailo : Hemi sum atan hianin PIA atan khan BDO, Thingdawl ruatfel vek a ni tawh a, chutiah laiin Kolasib District AMFU in keini hi kan ni zawk tur a ni tih kha a ni bawk si a, a khawilai chu nge ni dik zawk ? tih kha ka zawhna a ni) DRDA pawisa 2% kha RD Directorate-in a thing thin em ? tih atang khan IWDP kan kai ta daih mai a. Le, Pu Lalduhoma sawm ang.

**PU LALDUHOMA** : Pu Speaker, ka lawm e. SGRY guideline Para 7.7-ah hian DRDA te Monitoring atan 2% an cut thei, tih hi kan hre ve thova. Amaherawhchu, ka zawhna chu, engatinge Monitoring atana DRDA ten an hman tur ni si hi, a sumin DRDA a thlen hmain Directorate level-ah an lo cut sak daih thin ? DRDA hman tur a ni si a tih a ni a. Tin, hei hi Monitoring hman tur a ni a, engahnge buhfai phurh nan an hman daih ? hei hi a dik em ni ? SGRY buhfai hi khaw tinin anmahni senso in an phur a ni tih lah kan hre vek bawk si a. A 2-naah chuan, BADP hnuaiah pawh 4% an cut a ni tih hi a finfiahna tha tak kan nei a. Pu Speaker, he House-ah hian a finfiahna zawng zawng nen ka theh lut tawh a, hmanah khan 4% BDO te hnena an cut dawn hian "Account buah lo ziak fel vek ula, hmanral tawh angin lo show rawh u" an ti nghe nghe a.

Chutiang anga hmanral tawha, 4% an ziahbo tak tlingkhawm chu a tam hle ang. hmanral tawh anga ziah a ni si a, kha sum kha tuten nge nei ta tih ka hre duh a. A 3-naah chuan chutianga endik hna thawktu SLMC-te kha Central Sorkar thu anga State Level Monitoring Cell kan neih kha kum 2005 ah kha chuan thawktu 22 lai an awm a. Inspection an han nei a hetiang an han hmuhchhuah khan kan Sorkar hian chawimawi a hnekin hnawksak an ti ta a. an sawn darh ta vek a. Account Officer pakhat chiah a awm tawh tih kha kan hria a. Tunah hian endiktu nei lova R.D. suma awm ta mai hi a ngaihthat thlak loh em em a. SLMC hi tundin leh a, tihphuisui theih a ni angem ? Tunah hian Officer engzatnge awm tih ka zawt duh e.

**PU LALRINLIANA SAILO** : Pu Speaker, zawhbelhna. IAY leh PMGY semah hian kan Minister hi ka fak thlawt a ni. Hetia mirethei leh harsa zawkte chung a inrawlh ve pawh hian a lehkha ziakah thingtlang mite chu a thlen hmaa thlen a mi rawn hmuh tirta a awm thin a, tling leh awm in tih chuan tih hi a ziak thin a, hei hi ka fak a. Tin, kan fak leh na chu R.D. hian hma a sawn hle a ni, a rorel danah hian hei hi ka fak a, chutihrualin IAY thlan danah amah atang ni lova, party emaw leh pressure dang atanga lo kalahte AAP, V/C level atanga Block level-a, hetia BDC, DRDA te chumi a pawm hnua danglam duai maia lokal thin a hi a tha lo ka ti a. AAP ang hian kal thei se.

Tuna kan ngaihthlak zawh chiah SGSRY tihte, tam inhlawhna tur ang chi mimal hnena pek tam lutuk ang chite hi a pawl ka ti tak meuh meuh a, hmanlaiin "all road leads to Rome" an tih ang deuh hlekin Champhaiah hian a lut tam lutuk a, Khawbung bialah nen hian. Khawzawlah te hmundangah te hian thleng/lut ve thei tawh se, keimahni bial bikah hian. Chutiang chuan AAP khawi hmun dang dangah pawh DRDA in kan neih ang te hian kal tam deuh hlek turin min tiam thei em ? tih ka'n zawt a ni.

**PU LIANSUAMA** : Pu Speaker, ka lawm e. M.L.A. Development Fund kan Sorkarin min siam sak hi a lawmawm khawp a. R.D. in direct-a an chan chu a ni lo nain, a tawpa BDO level thlen ngaihna te a lo awm ve fo avangin R.D. nena inkaihhnawih deuhna lai a awm ve si a. Hetia Sorkar order panggaia administration charge-a an lo lak sak piah lam hi min laksak nasa khawp mai a. Entirnan, M.L.A. Development Fund-a Tuikhur siam tur lo ni ta se, a Scheme siamna man an ti leh a, administration charge khan keng tawh mai awm taka kan ngaih lai khan M.L.A. Area Development Fund-ah hian a thawktute lak atang hian pawisa an la nasa khawp mai a. Hei hi min lo enfel sak thei angem ? Tin, tihreh dan a awm angem ? tih ka zawt a ni.



**PU H. ROHLUNA**

: Pu Speaker, SGRY chungchang a ni a, a relevant viau turah ka ngai a. A percent cut-na pawh SGRY pawisa a ni a, SGRY pawisa 2007-2008 allotment hi Mizoram kan hmu tawh em ? tih ka zawhna hmasa ni sela. Tin, mipui hi helaiaw pawh hian ka sawi tawh a, an tam em em a, kan bialte pawh nikumah khan SGRY atangin inhlawhna DRDA atanga BDO a lokal in tumkhat deuh chauh an siam thei a, kumina kan allotment hi Mautam runpui tur a nih tawh avangin a tam thei deuh em nikum aiin ? tih leh allotment tunah in hmu tawh a nih chuan Champhai District DRDA in engzatnge kan hmuh theih ? tih kha ka zawhbelh a ni.

**PU AICHHINGA  
MINISTER**

: Pu Speaker, zawhbelhna kha ka chhan theih lohte pawh a awm thluahin ka ring a. Zawhna hnuhnung ber Pu Rohluna zawhna kha ka lo inralring chiah lova, Champhai District kha ka chhang theilo turah ka ngai a. Tin, Pu Sailothanga khanin IWDP kha a rawn sawi ta daih a, IWDP chungchang thu kha a in relevant lo a. Kolasib-V atana PIA tur chungchang thua khan hetah Sorkarin ngun takin kan ngaihtuah a, NGO te hi PIA ah hman ve theih tho an nih avangin kan ramah hian enchhin nan AMFU ho hi Kolasib-V ah hian hmang ila kan ti a. Chumi chu Sorkarin order a siam a, chutihlai karah chuan Central khan a hma daiha proposal lo awm tawh ang khan order chu an rawn siam na a, kha kha Mizoram Sorkar atanga change theih tho a nih avangin Kolasib-V kha AMFU kuta awm turin kan dah a ni. PIA turin, chu chu ka chhanna ni sela.

Tin Pu Duhoma khan hemi kan pawisa chingpen engemaw zat 4% an cut tih kha kan hrechiang hauh lova, keia hriatah chuan 4% cut a awm ka hre lova, 2% erawh hi chu monitoring a ni emaw a nilo emaw anmahni lam atang hianin buhfai phurhna hi a awm siloh avangin Central atanga min phalsak chinah hian, bag khat phurhna atan (100 Kgs. Phurhna atan) hian Rs. 50/- chauh min pe a, chu chu FCI godown atanga kan B.D.O. Headquarter thlenga phurhna tur atan khanin Rs. 50/- chauh Central atangin kan hmu a. Chumi a nih avang chuan a daih si lova, a daih siloh avang khan hemi monitoring atana 2% DRDA tin tana Central Sorkarin a rawn phalsak a hi a phurh nan hmang mai ang, chuti a nih loh chuan supply pawh khan min phurh sak hlei thei tawh lo kha a nih si avangin Department-in an take-up dawn chuan hemi hi kawng dangah hmanna tehchiam an nei lemlo bawh a, churang chuan a phurh nan i hmang mai ang tiin Sorkarah rawn pekir turin kan ti a, chu chu DRDA tinte hian hemi SGRY pawisa bik atang hian 2% kha sorkarah an rawn pekir a, chu pawh chuan a daih chuang lova, kan State Sorkar atangin kan Chief Minister thahnemngaihna a zarah Planning leh Finance-in nikum hmasa pawh khan nuai 50 lai min pe a, kuminah pawh khan nuai 50 ai tam min pe leh a. Tichuan, kan BDO Headquarter hi kan thlen thei chauh a ni a. Mipuiin an phur tih kha chu, BDO

Headquarter atanga anmahni khua an phurhna kha chu kan va pe zel thei tawh lova. kha erawh chu an mahniin an thiam thilin an lo phur ve a. Amaherawhchu. FCI

godown atanga BDO Headquarter thlenga phurh man a kha a pawimawh tlat avangin pawisa kha khami atan khan hman a ni tih kha kan chhanna ni sela.

Tin, SLMC chungchang thua kha a han sawi a, ni e, a hre fuhlo deuh hlek a ni mai thei a. SLMC hi a awm a, tunhma atanga awm a ni a, a tangkai khawp a. Amaherawhchu, Central Sorkar atangin guideline thar a lo awm ta a, monitoring leh Vigilance Committee kan M.P. te Chairman-na hnuaiah State level a awm a, District level a awm a. Block level an rawn siam tak vek avangin a awmziaah khanin khami keinin kan lo neih ve rikngawt a kha a double ta riau a, chuvangin khatiang a double a kan neih khan an tangkai tho na chungin anmahni kan State level te, kan District level te, kan Block level-te nen khan a function-ah khan a intibuai zawk dawna kan hriat tak avang khanin kan SLMC lo neih ve sa zawk a chu engpawh nise hei hi chu function tawh lo mai sela a tha ang e tiin kan ti ta a. Chuvangin Sorkarin kha kha chu kan thiat ta zawk a ni a. Chu chu a chhan chu a ni ber mai a. Tin, Pu Rinliana khanin IAY chungchang thua khanin an tihdan Block level-ah te kan AAP ang hian chhuak thei hram se a lawmawm ange a ti a. Kan han hriat theih chin leh thupek danah hi chuan hemi AAP ang thlapa kal tura thupek vek hi chu an ni a. Amaherawhchu, hmun thenkhatah a lo that famkim vek sen lohna laite chu a awm lovang kan ti hauh lova, a lo awm palh pawh a awm ang. Amaherawhchu hei hi chu theihtawpin kan lo enzui zel ange tih kha kan chhanna ni sela.

Tin, Pu Suama'n MLA Fund chungchang an sawi kha chu ka chhang thiam vak lova, keini pawhin kan tawrh ve deuh tho mai kha a ni a, kan bial chhungahte kan ti ve thova, hetiang zawng hianin, dik tak chuanin khami atan khanin 10% kha cut sa hrim hrim a kha monitoring atan khan a awm a. Khami piah lamah khanin a bill siamna tih ang vel MR siamna tih angreng zawng khan an la cut fo deuh nia hriat a ni a. Khalai kha chu engpawh ni sela. Nia, zawhna a nih takah chuanin kan sawilang ni sela, a titu ber chu ka ni hauh lo mai a, en theih dan danin kan lo en ve mai ang chu.

Tin, Pu Rohluna kha chu ka chhang tawhin ka hria.

**PU LALDUHOMA**

: Pu Speaker, kan danah hian Minister-ten House-a false statement an siam chuan a hranpa tihdan a awm tih phei chu ka hre tho a. Hetianga House pawh zah lova, Zoram mipui pawh zah lova, wrong information kan inpe fo mai hi a dik lovin ka hria. BAPD sum 4% an cut thu hi keiin ka hria a ni lova, SLMC, inspection tituten official note-ah an ziak vek a, chu chu anmahni Department document a ni a, an hre tur a ni Minister chuan. Chu chu RTI hmangin kan lachhuak

ve mai chauh a ni. A hriat lutuk avangin SLMC nuaibo hi a rawt ta a, lehkha a ziaik a, Cabinet-ah pawh lut lovin Chief Minister nena inthurualin SLMC hi an nuaibo ta mai a ni. A document kan nei vek a ni. District level-a keini monitoring thute, State level-a thute hi kumkhatah vawikhat bak kan thu ngailo, engmah a ni lo, inspection pawh vawikhatmah kan ti ngailo, hei hi chu over-all-a an thil tih thlirtu mai mai kan ni. Hemi chhuanlam dawrawm lutuk hmanga mithiam bikte, hetiang sum endiktu tura an dah, an han dah fo ta hi, heng thil an haichhuah avanga an chungang action lakna chikhat a ni. Chuvang chuan heng hi kan hrelo tih kha a dik lovang. Anmahni lehkha copy-te, note-sheet-a an ziah dante zawng zawng nen keini pawhin kan neih ve theih chuan anni phei chuan an hmu chiang lehzuang ang chu.

Lawngtlai-a DRDA Building sakna tur cheng nuai 14 an lak let leh dante pawh Minister thua tih vek a nih kha, a document kan neih vek kha.

**PU AICHHINGA MINISTER** : Pu Speaker, BADP a sawi a nih chuan kan cut tehreng e, kha kha chu BADP lam kha a sawi tih ka lo hre lo a ni. BADP-ah chuan monitoring lam pawh ni tawh lovin work hrim hrimah hian Engineer hmanga kan kal tak avangin 4% cut sanction atang khan estimate leh planning leh survey atan hian hman nise kan ti a. Mahse, Finance lamin a tam deuh an tih avangin 3% ah tihhnam leh tak a ni nghe nghe a. Tachchuan kan hman, kan zep lo.

**PU LALDUHOMA** : Hei hi lo ziaik bo rawh u, tihtel kher kher kha, kha kha a diklo lai chu a ni. Finance-ah a hnuaah regularise an dil a, an hlawhchham a nih zawk kha.

**SPEAKER** : Kan thusawi lai a ni chiah lo bawka, duh tawka rih mai ila. Starred Question 123-na zawt turin Pu Lalchandama Ralte, Member zahawm tak i lo sawm ang.

**PU LALCHHANDAMA RALTE** : Pu Speaker, ka lawm e. Starred Question No. 123-na Information & Public Relations Department changtu Minister chhan atan - (a) Accredited Journalist-te tan Mizoram Sorkarin hamthatna engnge a pek ? (b) Tunhnaiah pekbelh tumna a awm em ? tih ka zawt e.

**SPEAKER** : Chhang turin Information & Public Relations Department changtu Minister zahawm tak Dr. R. Lalthangliana i lo sawm ang u.

**DR. R. LALTHANGLIANA MINISTER** : Pu Speaker, kan member zahawm tak Pu Lalchhandama Ralte zawhna pakhatna chhanna chu Mizoram-Accredited Journalist-te hnenah

hamthatna pek a ni thin a, chungte chu han tarlang ila. Sorkar function pawimawh, Minister leh VVIP rawn zinte, Press Conference-ah te tel tura tih an ni thin a. Pahnihna - Information & Public Relation Department-in Sorkar pawimawh leh hmalakna hrang hrang puanzarna thu a chhuah leh lehkhavute a chhuah reng reng a thlawna pek thin an ni. Pathumna, State chhunga project pawimawh deuhte a hmuna kala an hnathawhte hrechiang turin programme buatsaih sak an ni thin. Palina, State pawn lamah Press Tour buatsaih sak thin an ni. Tin, State pawnlama Mizoram House hrang hrangah concessional rate-a thlen tir an ni thin. Parukna, Chanchin puangdarhtute intuaihriam nan Workshop on Journalism Seminar leh thildangte huaihawt sak an ni thin. Pasarihna, Mizoram Journalist Association (MJA) Lungleiah Headquarter te, Lunglei MLJA te Chhimtuipei lama Journalist Association-te an President-te theuh chu Sorkar Committee pawimawhah leh Sorkar Board hrang hrangah Member atana ruatte an ni thin. Pariatna, Power & Electricity Department-in power supply-ah a duhsak bik thin. Pakuana, Public Health Engineering Department pawhin tui connection a pekah ngaih pawimawhah a nei thin. Sawmna, Accredited Journalist-te chu Directorate of Information & Public Relation recommend-na angin Telephone quota-ah duhsak an ni thin. Sawmpakhatna, Railway rules-in a phal angin concession coupon hetiang hian pek an ni thin, second class-ah 50%, first class-ah 14%. Sawmpahnihna, State Sorkar chuan Press Club sakna tur hmun laili tak Directorate building bulah khian hmun a pe a. Press Club tha tak a din sak bawk a ni. Tin, a dang lehah chuan, cost plus insurance plus freight an ti mai a, CIF value of cheng nuaikhat custom duty-a awl tir an ni thin.

Zawhna pahnihna chhanna chu Accredited Journalist-te an lo boral chuan Director of Information & Public Relation kaltlangin Press Information Bureau atangin cheng nuaikhat ralna angin pek a ni thin a. Heng a hnuai amite hnenah hian Pu Speaker, pek an ni tawh a. Pi Lalthanzami W/o Pu Vanlaltluanga, Editor Zoram Thlirtu. Helen Zopari W/o R.L. Rina, Editor, Hunthar, Zothangpuia W/o Zothanpuia, Jt. Editor, Highlander, Pi Lalbiakthangi W/o K. Lalthanzama, Editor Chhim Aw. Chung chu ralna anga PIB kaltlanga kan lo tihte a ni a. Tin, heng bakah hianin Mizoram Journalist Association hianin harsatna tam tak kan nei ve thin a. Cancer-te in kan lo damlo ve a, Kal (Kidney) thlak ngaite pawh kan awm thin a, natnain min chim reng a, harsatna bik atan hianin Journalist Welfare Fund hi Sorkarah budget head-ah min dahsak ve hram ula an ti a, hei tan kan han la mek a. Planning Department-te, Finance Department-te nen pawh kan han inrawn tlang a, chu chu kalpui theih dan tur kawng kan zawn sak mek a ni tih kha ka chhanna a ni e.

**PU LALCHHANDAMA RALTE** : Pu Speaker, zawhbelhna. Accredited Journalist-te Sorkarin kan enkawl dan leh facilities kan pek han ngaihthlakin a lawmawm a, duat an phu ka ti a.

Chutih rual chuan Accredited Journalist hi engtingge thlan an nih dan. thlan an nih dan criteria kha, tunah hian ergzatnge Accredited Journalist kan neih mek? Tin, zawhna 3-naah chuan Sorkar facilities kha tuna an han sawi hrang hrang han pek Zoram pawna zin nikhua pawha House reservation engemaw siam sak tihah khan eng status angin nge, eng level angin nge pek an nih tih kha kan hre duh a. A chhan chu hmanni deuh khan Journalist hotute nen kan zin tlannaah room allotment siamah khan tlemin buaina lek lek, eng chin hi nge pek tur an nih dan tih a kha hriat thiam loh deuh a awm a, khalai kha ka'n zawhbelhna a ni e.

**DR. R. LALTHANGLIANA  
MINISTER** : Pu Speaker, Accredited Journalist thlannaah hian Committee mumal taka siam a awm a, a Member composition erawhchu ka pe thei chiah lova,

amaherawhchu, thil pakhat chu MJA lam atangte pawhin hengah hianin Member an ni ve a ni tih kha hre ta ila, leh Sorkara kan Director-te leh mipawimawh dangte, chu chuan uluk takin a criteria neuh neuh kha chu ka rawn inring lova. Thil tam tak an zawm tur ang chite pawh awmin ka hria a. Publication chungchangahte pawh hian regular taka an publish a ngai a, tin, copy chutizat a ngai tihte pawh awmin ka ring a. Khatiang an qualification criteria kha engemaw zat a awm a, chu chu ziakin Session zawh hunah hian ti mai ila, kar lehlamah chuan kan inpe thei turah pawh ngai ta ila.

Tin, Accredited Journalist kan neih zat chiah pawh hi hman deuh lawk khan an chhu a, upto-date khan ka hre chiah lova. Kha pawh kha a number leh an list nen House Member-ten kan duh phei chuan kan pe vek thei ang che u tih kha ka'n sawi duh a. Mizoram House-ah te leh House danga an thlena eng category ti mai ila, eng status-ah nge an awm tih lai tak a hi ka chiang lutuk chiah bik lova, class I officer kan han tih ang chi khan kan dah ta niin ka hria a. Kha kha keimahni, information lampang subject kha a ni lutuk lova, GAD te nena thil tih tlan a tih niin ka hria a. Chulai chu karleh lamah chuanin khang engemaw list kan han furnish rual khanin kan hrilhfiah thei mai ang a.

**SPEAKER** : Le, Starred question 124-na zawt turin Member zahawm tak Pu Lalhmingthanga i lo sawm ang.

**PU LALHMINGTHANGA** : Pu Speaker, ka zawhna Starred Question 124-na Minister zahawm tak Disaster Management and Rehabilitation Department-in a chhan atan - Mautam tam tuar mipuite chhawk zan nan disaster management Department-in eng inbuatsaihna nge a siam ? tih ka zawt e.

**SPEAKER** : Chhang turin Disaster Management and Rehabilitation Department changtu Minister zahawm tak Pu Lalrinchhana ilo sawm ang.

**PU LALRINCHHANA MINISTER** : Pu Speaker, Member zahawm tak Pu Lalhmingthanga zawhna chhanna chu hei hi a ni e. Mautam sazu puang avanga tam tuar mipuite chhawk zan nan Disaster Management and Rehabilitation Department chu dan angin tanpuina pe turin a inkau a. Deputy Commissioner tin atanga detail report kan hmuh hunah CRF pawisa atanga tanpuina Central-in norms a rawn siam hmangin la pek a ni ang. Tin, pawisa hi a tul ang zela Central lama dilbelh theih a ni tih kha ka chhanna a ni e.

**PU LALHMINGTHANGA** : Pu Speaker, kha kan Minister-in min chhanna kha a lawmawm kati khawp mai a. Mautam hi disaster item zingah khan telh loh a nih ka hlauh deuh avanga hei hi zawt ka ni a. A sawiah khan a chiang chho maiin ka hria a. Tin, disaster hnuai fund hi a limit ve lova, a tul dan ang zela, engemaw budget provision-in a tlin love, tih a ni lova, Central leh State tangkawpa source mumal neih a nih avang hian scheme mumal tak buatsaih chhoh a, a thleng chawp ang zela buatsaih kha kan ram tan a tul a rinawm em em a. Chutiang angah chuan tunah hian Local TV leh heng Department hrang hrangin a bik takin Agriculture leh Horticulture ten an rawn tihchhuah thin kan hmuh hian sazu puangin a tihchhiat hi a tam tawh fuin a lang a, Fu hmunte, thlai hmunte, advance deuh hleka a lo suasam buh hmunte. khangangah khan engang report nge hemi Department-ah hian rawn lut tawh a. eng magnitude ang chin vel nge tihchhiat awm tawh kawng hrang hrangin ? tih ka zawt leh e.

**PU ZODINTLUANGA** : Pu Speaker, zawhbelhna. Kan zawhna neitu khan a rawn zawt deuh ti tih tho a, a zawt chianglo deuhin ka hria a. Hmanni kan Minister zahawm tak khan disaster list a tih khan Mautam kha a tel lova. Hei Mau a tam tan ta a, kan buai viau mai a, a kaihhnawih sazu puang kher lo pawh kha, kan disaster list-ah hian Mautam hi kan Sorkar hian a telh ve thei angem ? tih ka rawn zawt e.

**PU SAIKAPTHIANGA** : Pu Speaker, Mautam chungchang hi Disaster Management Department-in a khawih tur a ni lo emaw ka lo ti deuh a, mahse kan Minister zahawm tak khan a rawn chhanna kha a lawmawm kati a. Sazuin a sehte tanpui turin an inkau tih kha. Nikum khan Khawdungsei leh a chheh vel Chiahpuite, Khawkawn te, Kawikulh te. Phulmawi zau thenkhatah Sazuin an buh nasa takin a sehin a tihchhiat sak a ni tih kha tlang hriat a ni a. Disaster Management hi khatianga inkau a nih chuan heng khua leh mipui buh a sehsakah hian hmalakna a nei tawh ? Kum 2008 hi kan nghak thleng kher dawn em ni ?

**PU R. LALZIRLIANA** : Pu Speaker, Mautam hi hmanni khan ka sawi tawh a, a hminga ka bial ve Saitual lo neitu thenkhatte tanpuina tur ni awm taka lo chhuak, khawtlang tam ve thoin V/C ten inhlawh nana an lo hman thu kha ka sawi tawh a. Mahse, an mahni bik buh sazuin a seh zawh sak Tuivawl kam neitute kha kan rawn dil leh a, khami kha engzatin nge mipakhat tan in pek thin ? Sorkar anga khilaia Sorkar hruaitute Civil SDO tena an han record danahte chuan a actual a nihna tak kha a ni ta a. Khatiang khan in lo pe thei em ? tih kha ka'n zawt a ni.

**SPEAKER** : Khi dar 11:30 a ri dawn a, a pel hretin ka ring a. A pelh hret pawhin pawh kan filo tlang mai dawn lawm ni ? Aw, a nih leh a chhan theih ang anga chhang turin Minister i lo sawm ang.

**PU LALRINCHHANA MINISTER** : Pu Speaker, ka lawm e. Ni e. Mautam hi Disaster Management-in Mautam hrim hrimah chuan Sorkarin "Disaster" tia a puanna a awm hma

chuan Disaster Management chuan a keng lova, a huam hran lova. Amaherawhchu. Disaster thilin a huam, hmannah pawh kan chhiar chhuah tawhah khan, "rannung puangin mihring leh kan thil a tihchhiat" khami tanpui theihna kha kan nei a. Chu chu disaster hian a huam a ni. Chuvang chuan sazu kha rannung puang, kan buh leh bal ei chhetu an ni a. Khami puang avanga an eichhiat a kha chu Disaster Management hian tanpuina a pe thei a ni. chutiang chu a kalphung a ni a. Chuvang chuan Mautam avangin sazu lo puangin, buh leh bal a rawn eichhia a nih chuan, chutah chiah chuanin Disaster Management lam atangin CRF sum a tanpui theihna kan nei a ni.

Tin, BAFFACOS atanga sum kal a awm a, keimahni, disaster atanga CRF sum hi a awm bawk a. Khalai tak kha a kalphung a hrang tih erawh chu kan hriat a pawimawhin ka ring a. Saitual bialtu zahawm takin a sawi pawh kha BAFFACOS sum lam a ni mai awm mange kati. D.C. hi agency-ah kan hmang ve ve a, BAFFACOS lampang sum pawhin. Tin, disaster lampang pawhin D.C. bawk agency-ah kan hmang a. Chuvang chuanin tlemin a kalphung hrang deuh hlek siin a financial source-ah khan a hrang siin kan awm a. Tunah hian keinin instruction kan pekah chuan, heng thil hrang hrang chhiatna lo thleng, CRF sum hmanga kan tanpui theih chi 11 vel kha kan tichhuak a, chu chu chhiar nawn a ngai tawh lovin ka ring a hmannah ka chhiar tawh a. Hemi avanga lo neituten harsatna an tawh chuan D.C. ah, V/C kaltlangin report-na, V/C emaw Disaster Committee kaltlangin emaw report-na an pe anga, an nin CRF sum an neih hmangin Central-in norms a siam ang khanin tanpuina an lo pe thin a ni. Chu chu kan kalphung hi a ni ber mai a. Tunah hianin Sazu avanga chutiang tuarna chu D.C. lamin eng ang chiahin nge an lo pek tawh tih ka hrechiang lova, hemi avanga D.C. in harsatna bik an tawh a, sum leh pai rawn dil belhna hi a la tawh vak lovin ka hria a. Amaherawhchu, Mizoramini hei hi kan hmabak niin kan hriat avangin hemi kawngah chuan a tul ang anga ti tur erawh chuan kan lo inralring a ni tih kha kan rawn sawi tawh ang khan kan inpuahchah dan a ni ber mai. Chu chuan a tlangpui thuin kan zawhna kha a huam mai em aw ?

**SPEAKER**

: Question hour a tawp a, list of business-ah kan kal anga. Kan hriat angin vawiin Zirtawpni Private Member's Business kan khawih ni a ni a. March ni 20 khan Private Member's Resolution kan hmuhte re-ballot a ni a, chungte chu indawtin kan la anga, tah chuan hei kan hmuh angin Pu F. Lal Thanzuala resolution hi pakhatna a ni a, chu chu kan chai hmasa ber anga, chutiang zelin a indawtin kan chai dawn a ni.

Pu F. Lal Thanzuala Resolution hi "District Headquarters tin te inkalpawhna kawng double lane-a lokal tur hi chak zawka hmalak nih theih nan Central Sorkarah nawr ni rawh se" tih a ni a, tunah a Resolution move turin Member zahawm tak Pu F. Lal Thanzuala i lo sawm ang.



**PU F. LAL THANZUALA**

: Pu Speaker, ka Resolution "District Headquarteras tinte inkalpawhna kawng double lane-a laih tur hi chak zawka hmalak a nih theih nan Central

Sorkar-ah nawr ni rawh se" tih move thei tura min sawm avangin lawmthu ka brilh hmasa che a.

A hmasa berin kawng pawimawhna tlem han sawi lawk ila. Kawng tha neih hi a pawimawh em em a, mihring nun leh ram pumpui pawh hmasawanna tura a phur kualtu ber a ni a. Mihring nunah hian fundamental, tak mai a bulpui tak mai a ni a. Mi te te, milian te, miretheite, mihausate pawhina kan tangkaipui vek mai, a tel lova kan awm theih loh a ni. Chuvang chuan kawng tha kan neih hi a pawimawh tih hi Sorkar tinten kan hre vek a, theihpatawpin kan buaipui thin a ni. Chutiang chuan India kan Sorkar bulpuite pawhin chumi chu hriain ram kilkhawr zawkte hemi North East lam chekhawh ho awmna lai vel, tlang ram vel atante pawh ruahmanna tha tak mai an siam a. Hemi kawng tha tel lo chuan hmasawanna a awm thei lova, kuthnathawktute kan ti a, kan lainat a, kan sawi thin pawh hi kawng tha tello chuan puih an harsa hle a. Ram tha tak takte pawh hi nei mah ila kawng thain a pawh loh chuan chhawr tangkai a harsa hle thin a ni. Chuvang chuan, a tlangpui hrim hrim maiah hian kawng tha neih hi a pawimawh em em a, chumi kal zelah chuan heng kan District Headquarter-te kawng hrang hranga kan inawpna hmasawanna kan khalh kalna hmunte hi kawng tha tak sam tak leh chak taka kan intlan pawh zung zung theihna tur atana kawng tha neih hi a tul tak meuh meuh a.

Tin, Law & Order chungchang thu thleng hian kawng tha hi loh theih loh a lo ni a, kawngte a lo chhiat chuan misual man mai turte pawh an tlanbo thuai thei thin a. Chuvangin, kawng tha neih hi kawng tinreng atan a pawimawh a ni ringawt mai a ni. A sakhuaan lam thlengte pawh hian a pawimawh a, kan Lal Isua lo pian laite pawh khan Pathian hian a hunbi dik takah thil a ti thin a nie an sawi uarnaah chuan, Rom ram Kaisar ropuia'n tha tak maia Remna leh Muanna awma a awp lai, tin, inkalpawhnate pawh tha tak maia siam a nih tawh hnu, khang hun lai khan kan Lal Isua pawh lo piangin chanchin tha brilh darh hunlaite pawh khan kawng tha leh muanna awm kha a tangkai hle a ni tih hi an sawi ve bawh thin a ni. Chutiang chuan a hmasa ber atan kawng a pawimawhna kha ka'n sawi duh a. Chutianga kawng chu pawimawh a nih chuan India Sorkar hianin inbuatsaihna neihsa a nei a, chu chu Special Accelerated Road Development Programme in the North East tih hi a ni sa a ni. Hemi Hmarchhak ho tam ber zawk chu tlangrama awm an ni a, heng hote tana kawng tha tak neihna, a rang lama develop-na tur special taka buatsaih kha neih sa hi a nei a. Hemi hianin National Highway awm tawh sate, General Staff Road an ti a, hei hi Defence Road lampang chi a ni a, hengte leh State-ina kawngpui a lo neihte khang ho huam vek khan an siam a. Phase A leh B in an then a, amaherawhchu, phase A hian keini Mizoram hi min khawih loh avangin sawi a ngai lem lova, phase B-ah hian kan tel ve a, chumiah chuanin zawi zawia hmalak hi a ni a, feasibility study and detail project report han buatsaihna tur te pawh kha Central Sorkar hian a buatsaih tawh a, hei hi a tlangpui thuah chuan Border Road Organisation tih tura dah kha a ni a.

Amaherawhchu. BRO ho hianin an mahni enkawl lai nilo, state P.W.D. ten an lo enkawl, an lak a kha harsatna kan nei a, tiin Central-ah an thlen a, chumi avang chuanin State-in kawngpuia a lo neih, he programme-in a huam ve pawh kha ni sela BRO kutah khan awm ta lovin, State kut lamah awm zawk tur a lo ni a. Tichuan, keini ramah hian kan khawpui district -- headquarter hote awmna hi chu national highway hian pawh vek a ni a, national highway 54 hian khutah Vairengte atangin sawtah Tuipang thleng an hawh pheih a, chumi dawtah chuan No. 54 A an ti a, sawmi highway pangngai atanga Lunglei pana kalna Lunglei khaw thleng Theiriak ram chhung. Hrangchawkawr atanga Lunglei thleng saw a awm a. Tin, Zero-Point, Tuipang road kal zel atanga Saiha pana kalna kha national highway 54 B a awm bawk a.

Tin, Champhai kawng Seling atanga Champhai kawng hi BRO ho kuta awm a ni bawk a, khang ho kha tunah hian BRO kutah khan a awm ta a ni. Tichuan, hemi ka Resolution hian tihpuitlin a duh chu, hetiang anga Sorkarina ruahmanna a lo siam a, ama speed tawk chuan an kal chho ve bek bek a, amaherawhchu, kawng tha neih a nghahhleth awm a, a tul si a, nawr hmanhmawh, tuna a speed pangngai aia chaka kal tura Central lama BRO hmunpui ngei zawk atangtea nawr hmanhmawha, he kan Mizoram Assembly ngei mai ina nawr hmanhmawhna thu kan pass hi a tulin ka hria a. Kawng tha neih tha kan ti theuh a, hetiang double-lane-a kala buatsaih tur hian tunah thil hi chu tih ve bawk ni mahsela a chak tawk thin lova. Tin, BRO ngei pawh hi tunhmain hna an thawk tha hle an ti thin a, an lo chhuah tih lai vela an hnate chu khatih hunlaia kan P.W.D. hnate nen khan thiam leh thiam lo khan kan han khaikhin thin a. Pioneer ho BRTF ho kawng kha tha kan ti zawk thin a ni. Nikhua a lo rei zel a, kan kawngte pawh tha ta lo siaua hriatnate pawh a awm a, kan P.W.D. ten hma an lo sawn zel a, P.W.D. ngeite pawh BRTF aia hna tha zawk thawk theiin kan hmu tan ta nghe nghe a. A laih thuai bakah quality sang tak neia kawng an laih theih nana kawngtinrenga Mizoram atanga a tha tichhuak tura kan nawr ve kha a tulin a lang a ni.

Tin, Aizawl atanga Mamit lamte pawh kha Programme-ah khan a tel ve tho. Mahse, keimahni P.W.D. kuta awm hi a ni a, keimahni central programme ni mahse, P.W.D. hi a titu tur an ni dawn a. Sairang atanga Lengpui chu Double Road-a peih tawh a ni a. Lengpui - Mamit lamah hian Dapchhuah - Lengpui hi kawng chhuk leh chhoh dante ennawna ruahman that lehte pawh a ngai a. Chungte pawh chu hemi Special Accelerated Road Development Programme hian a huam a. DPR thala peihthe pawh tum a ni. Hengte hi chu keimahni Sorkar Department tum tur a ni a, kan innawr hmanhmawh ang, an ni pawhin tha takin an ti ang tih kan ring sa a, mahse, ka Resolution hian a tum tak hi hemi kan Sorkar hnuai ni lemlo Central Sorkarin kawng lai tura mawhphurhna a pekte leh a tul dan ang zela Central Sorkara hemi kawng hi laih a nih thuai theih nana tihmanhmawh tura nawr a ni a. Four Lane a laih hi thu chu a awm a, mahse, a laih dan tur ruahman vel dan enin Central-ah pawisa pe lova tender chhangtuin an chhana a laihna senso leh hlep tur zawng zawngte a kawng hmangtute hnen atanga chhiah atanga lalet tur ang thilte a awm a. Khatiang a nih kha chuan Traffic veivakte a tam tawk bawk si lova, a chhuttute chhut danin tihhlawhtlin hi a har fu anga tih hi a ni. Chu chu nimahse, Kolasib lamte, Mamit lamte Champhai lamte Saiha, Tuipang

thlengin District Headquarter zawng zawng kalkawng kan sawi laiin, Mizoram kawngpui pawh a ni hrim hrim bawh a, hmanhmawh zawka hmalak a nih theih nan Central Sorkarah nawr ila tih hi Resolution kan thehltut a, chu chu Member-te min thlawp turin ka duh a ni. Ka lawm e.

**SPEAKER** : Private Business dangah hian tlai dar 4 kan pello thin a, chutiang chuan kal tum ila a tha ang. Tichuan, sawiho kan tan anga, member pakhatin minute 10 ni ta se, Parliament-ah chuan Bill zawng zawngah hian party strength azirin time allot a, chumi chhungah chuan duh leh pakhat an sawi tir a, duh tawkin an ti thei thin a ni. Mahse, keini chu bial kan sawi duh ziah a. (Pu Lalduhoma : Agenda deuh hlekin party tinah hian ngaihda la la, tichuan kan thutluk a zir a niang chu mawle ) Term hmasaah khan Business Advisory Committee-ah uluk takin ka sawi a, a tlang zo lo a ni. Engpawh nise, minute 10 bawh i ti leh mai ang aw.

**PU R. KHAWPUITHANGA** : Pu Speaker, ka lawm e. Kawng chungchang hi kan sawi zing a, mipuite pawhin double lane leh four lane tihte pawh hi kan sawi thin a, a bik takin Chief Minister pawhin a sawi tawh hnu kha a ni a, kan nghakhlel a four lane neihte kha, a zau dan turchin a namen lo tih kan hria a. Double Lane pawh a ni a, tunah hengah hian motor chu a kal thei vek a, amaherawhchu, kan mamawh chu kawng zau a ni tih kan hria a. Delhi khawpuite pawh khu plan a ni a, plan khuah reng reng hi chuan kawngpui hi an dah zauva, keini Aizawl-te ang hi chu plan lo tih tluk a ni a. Chuvang chuan kan in awmdante pawh hi Kohima ang mai a ni a, kan awm deuh chek chuk mai a, kawngpui han zauh leh dawn pawhin tihngaihna a awm lo tih hi a ni ringawt mai a. Chu chu a nih avangin a theihna laia a zau kan nei hi a tha a. Kolkata te pawh khu in kal anga, kawng khu a zau tha em em mai a. Shillong-te pawh sap hovin an duh tawka an lo che a nih avangin kawng pawh a zau thei a ni. Amaherawhchu, keini Mizoram-te leh Silchar nena kan inkar kawngte hi a zau tak tak lova, National Highway kum 1986 atanga a han nih chhohah khan a zau chho ve ta deuh a. Hengte pawh hi kawng zau tak tak chu a la tling chuang lo a ni. Four Lane-te chuan han kal ngat sela chu Silchar leh Aizawl inkarte hi tunah darkar 6 vel kal anga chhut a ni a. Motor tea hmanhmawh taka kan kal chuan Silchar-te pawh kan thleng ve zung zung a. Amaherawhchu, four-lane-te hi han ni ngat sela chu darkar 5-ah kan thleng ngei ngei ang. A chak zualte pheih chu darkar 4½ ah pawh thleng thei an awm ang. Khatiang a nih kha chuan petrol senso kha a lo tlem phah a, hun kha a lo tlem bawh a. Chutiang chuan kawng zau a tangkai hle a ni.

Tuna Mizoram chhunga kan kawng laih mek hi PMGSY kan tih hi 6 metres a zau a ni a. Hei hi zau tha ve tak a ni a. mahse kan kawng neih tlangpui ho hi chu a zau vak lem lova. PMGSY hi a lo zau leh deuh a, a dawt leh NEC road hi erawh chu a zau tha khawp mai a, 7.5 metres a ni a, hei hi chu zau tak a ni. Laih zawh hlimah phei chuan a hma amite nen han khaihin chuan khawte field tiat zet kham karah kan lai a nih hi tih tur a ni a. a lawmawm em em a. Chung kan han laih tawhte chu kan zawh tawhte pawh Keitum atanga khitah Khawlailung chhoah Lungdar chho lamah khian thui tak kan lai a. Tin, hetah Saitual atanga Phullen kawng laihchhuah tawh a ni bawh a. Tin, Mamit atanga Bairabi laih chhuah tawh a ni a. laihchhuah mai ni lovin pavement lian tih black top ang chi hi. engtirnan, hemi Saitual atanga Phullen inkar chu tunah hian tender vawi inihna tih leh mek a ni a. A vawikhatna thawktuten an thawk mek a, an thawk mawlh mawlh a, Keitum atanga Tahkawn pawh an thawk mawlh mawlh a. Tin, chutiang bawkin hetah Mamit atanga Bairabi pawh an thawk mawlh mawlh a. Bairabi atanga Zamuang pavement bawh kha a laih a an laih zawh tawh kha black top dah kha tunah hian khatiing kawng zau kha an thawk mawlh mawlh bawh a ni. NEC kawng hi a tha hle a, khawpui lian deuh inkarah chuan tih zel tur a ni bawh a, sawi tur tam tak khang kawngah khan a awm a ni.

Tuna a move-tuin a rawn move tak ang hian District Headquarters tinte inkalpawhna kawng double lane-a laih tur hi chak zawka hma lak a nih theih nan Central Sorkar-ah nawr ni rawh se tih hi thil kal mek chu a ni na a, a move-tuin a sawi ang deuh khan thil hi nawr a ngai thin a. chak zawka kal tur chuan. Tin, keimahni State P.W.D. ngei ngei pawh hi engemaw chenah chuan nawr ngaihna lai pawh hi a awm ve thova ni, khami kal pah khan. A chhan chu kan ngaihthlak tak ang khan Aizawl atanga Lengpui thlang khu chuan double lane-in a kal vek tawh a, kan hria a. Amaherawhchu khumi thlang lam erawh khu chu a la zau tawh lo em em a, Mamita kaltlang chuan kan hre vek anga, Tut kan han thlang a, Tut atanga chhoh leh phei khu chu a chho nen, a kikawi nen a hahthlak hle a ni. Chutiang chuan a ni a. Mamit, hnai te khu hla tak ang hian a ngaih theih a ni. Amaherawhchu, double lane-a a kal ngat chuan double lane chu a zau zawng hi 10 M a ni a, 10 M kawng chu in hrethiam mai anga, 30 Ft. ai chuan a te lo tawp mai a, a zau zawng kha 35 Ft. vel tur a lo ni a. Tin, a metal chin tur a kha 7 M a ni a, a metre ringawtin emaw alkatara hmanga han tih chin a kha. khatiing kha metre 7 kha a ni a. A..... han theihngihl thut chang hi a awm ve a, sawi sawi lai pawh kha. Black Top chin a kha 7 M zau helh hawh tak a ni. Kan sawi tak ang khan NEC kawnga a zau zawng pumpui ang tiat kha, khatiing tiat kha a ni dawn a ni tih kha a ni a. Chuvang chuan neih hlan a nghahhlelawm hle a.

Tuna Sairang kawng, Sairang atanga Lengpui inkarte pawh khu tlan a nuam em em mai a, kan thlawk emaw tih mai tur hi a ni a. Tin, kawng a zauh chuan a tlan thui theih bawh a, hmalam thui tak kha a hmuh theih a. Chuvang chuan khuta tanga a hranpa a tuna DPR an han tih leh mek a pawh hi P.W.D. ina an siam mek a hi an siam muang delh delh ang tih kha a hlauhthawnawm ve bawh a. Chuvang chuan P.W.D. te pawh hi kan nawr tel a ngaiin ka hria a. Tin, P.W.D. ina a Project Report an han siam thehluh thlak leh tur kha Central lamah khan an chho zel a, tunah hian kan zo tep chu a ni mai a.

Amaherawhchu, khami rual khan Central-ah khan zuk nawr kha a ngai a ni a. Accelerated Road Development Project kha min phalsak ta rau rau North Eastern Region tan kan nawr khan awmzia a nei dawn a ni a. State dangachte pawh kawng zau sa te an nei a, Shillong leh Guwahati-te phei chu zau tak an ni a. Khatiang khan an ni pawhin an la mamawh tho a, North East bik tana a package hi pek a ni a. Mizoramah phei chuan hei kan kawngte pawh a zau tha tan hle tawh a, pavement pawh tunah hian hmun tam takah tihmek niin kumtharah hian nikum aia tam zawk kha PMGSY-ah pawh dil leh mek a ni a, khami a lo chhuah chuan tuna kawng laih mekte pawh hi metal-in kal tir a ni anga, khami metal an kal kha chuan chak tak takin kan tlan thei dawn a ni tih kha a hriat reng mai a ni. Chu chu a nih avangin a zau kha a pawimawh ta a.

Tin, chutiang bawkin Champhai kawngte khi tuna a kawng hrim hrim hi chu a mam tha a, tlan pawh a nuam a, tlan chhung rei vakloah Champhai kan thleng chho thei a ni. Amaherawhchu, tuna hisap anga double lane-a kal chuan Seling atanga intan chhovin metre 10 a zauin tlangchho selang chuan a lehlamah lane khat an tlan anga, a lehlamah khatiang khan hemi karkawngah hian chak deuh deuhin kan tlan thei anga, chawhma lek lekah kan thleng chho anga, duh tan phei chuan langin kan kal thei deuh thaw mai dawn a ni, double lane a nih kha chuan. Chuvangin a nghahhlelawm em em a, chak zawka a kal theihna turin Central-ah kan nawr hi a tul em em a ni. Kan nawr loh chuan kan hria a, kan tih ngei ngei turte office lam hnaah te pawh hianin chumi chuan a khawih a, chumi kutah a awm tihte a umzuitu awmlah chuan ni hnih khat leka zawh mai turte kha thla 4/5 laite kha a mu reng thei a. A thente phei chu kumkhua khan khawih lovin a awm thei a ni a, chu chu a nih avangin nawr leh nawr loh kar hi a awm em em a ni.

Tunah hian kan Resolution ang hian heng District Capital inkar laih tur bik tihte hi chak zawka a kal theihna turin Central-a nawr hi a tul hlein ka hria a. A move-tu pawh khan chiang takin a rawn sawi tawh a, hmun thenkhatah entirman, District Capital-te chu pawh sa a ni a. Serchhipte pawh sawi ngailo a ni a. National Highway kawng a kal vek a, Lunglei te pawh a kal vek a, Lunglei atanga Tlabungte chu a hranpa a kawng nawr mek a ni a, kawng a tha tawh viau nain. Hetiang ni lovin Chawngte kawngah chuan World Bank kawng a kal tawh a. Tin, Lawngtlai atangin Saiha lamah a kal chho mek a, nawr a ngai lovang tih veilam amite khan an rawn sawi ngei mai dawn a, mahse a ngai em em a ni tih hi ka'n sawi duh a ni. Ka lawm e.

**PU ANDREW LALHERLIANA** : Pu Deputy Speaker, ka lawm e. Vawina kan Member zahawm tak Pu F. Lal Thanzuala resolution, District Headquarter tinte inkalpawhna kawng double lane-a laih tur hi chak zawka hmalak a nih theih nan Central Sorkarah nawr nise tih resolution hi a Sorkara awm. Planning Board Vice Chairman move atan

chuan a athlak theih tawpin ka hria, athlak tak a ni. Han ngaihtuah ila, tun thla ngeiah 2<sup>nd</sup> March khan kan Chief Minister zahawm tak consultative committee kohah P.W.D. chungchang thua kohah chuan ka hriatsual loh chuan Engineer senior tawh takin hmalak dan leh Central nena an in-relation dan a report a. Hei hi Central Sorkarin District tin Headquarter-te inkalpawhna tura kawng double lane-a laih theihna turin pawisa rawn dil rawh u, pawisa kan dah e, detailed project report rawn thehlut ula, tichuan, chu pawisa chu kan lo pe ang che u a ti a ni. Chumi a sawi atanga wawiinni hi han chhut ula ni 20 vel chiah a ni. Anih leh DPR pawh duhsak em em min rawn pekin siam rawh u a ti a, a siam pawh kan la siam zawh hmain i nawr ang u zu tih chu athlak tak a ni. Kan Chief Minister zahawm takin wawiinniah budget-ah khan a pharhah khan MLA tinte local area development fund 15 lakhs theuh pek a ni tih a puang, a lawinawm a, "khawi i nawr ang u" a athlak zia hi han ngaihtuah teh u, athlak tawp a ni. Min duhsaktuten project rawn siam ula pawisa kan lo pe ang che u ti na mawlh mawlh a, i nawr ang u han tihte chu, a mawl thlak veng veng. Tin, thil nawr hrim hrim hi Central Sorkar hian pawisa hi a hun takah min rawn pe thin a, kan hman dik loh avangin a delay-a a muang thin a ni tih hi chu kan hre tlang awm e. Engpawh nisela, thil nawr hrim hrim hi kan unau, i dinglama thute hi Pu Deputy Speaker, thil hi zirtir an ngaiin ka hria. Chuvangin hun pawh min pekbelh dawn nia.

A awmzia chu U.T. Sorkar kan nih lai khan Central-a Home Ministry Budget kan tawm a ni. Duhsak takin transition period a nih avangin kan pawisa te a lo daih thin loh hian hei chu transition period a ni a, development-ah engkim an mamawh e ti hian mi pekbelhin a awlsama rawn dil belh rawh u, rawn nawr rawh u an ti thin a. UT lai chuan pangchang takin a hranpa a consolidated fund neilo kan nih avangin kan hmuitu Home Ministry Budget tawma kan tawm ngei hnenah khan pangchang takin kan nawr thin a. Nawrchhuahte pawh kan nei a, min duhsak a, dik tak chuan a hma ai pawhin min pe tam thin a. Chuvang chuan over-estimate a tam thin em em a. Amaherawhchu, kha dinhmuna kan din lai khan puitling kan la ni lova, naupang kan la ni a, U.T. kan nih avangin ngaihnathiam kan ni. Wawiina State kan nih tawh hnua consolidated fund kan neih tawh hnu hian kan pawisa chan tur hi a nihna ang taka an rawn allocate ang bak Centrally Sponsore Scheme-te a nih loh pheih chuan pawng nawr mai mai chi a nilo. Tin, a indaih loh dan kha kan hman tawh hnuahte justification tha a awm a, chutiang a nih chuan tihbelh leh dan a awm a, duhsak taka min petu tur tena min pek dan tura ruahmanna rawn siam rawh u tih pawh tih hma a nawr hi chu a hahthlak em avang hian U.T. period kan nilo tawh bawh nen ngaihtuah chian a ngai a, thil nawrah hian Central Sorkar khu kan Chief Minister hote ngei pawn thil nawrah hian kan kaltlang thin a, ka lo zui ve thin a. Central khu chuan thil reng reng nawr awm a tih ang chiah te nawr theih tak a nih lain engemaw riruung fel tak a neih tawh bak hi chu nawr ngaihna hi a awm lo reng reng a. All India pumpui thil ngaihtuah a nih avang hian a pawimawh ber chu guideline-te constitution provision-in a phal em tih a ni a. Khatieng khan dan tlawhchhana tih theih a ni em tihte an lo en thin a, hei a ni chuan a nawr thei a ni.

Entirnan, 2004-ahte khan he House ngei hian thil kan pass a ni, kan pass chu Assembly seat hi 40 atangin 60 ni ve

tawh rawh se, state dang angin tih kan pass a, awm kan ti viau a ni. Kan chhukthla a, kan Chief Minister ho ngei hian tahchuan, kan Home Minister kan hmu a LK Advani kan hmu a, a theih theih kan zuk hmu tlang a nih kha. Kan han sawi ve a, India Constitution provision-te pawh kan han quote ve a, 60 seat hi a nihna takah chuan kan nihna tur zawk a ni, India Constitution Article 170-na chuan State Legislature hi a number hi, a MLA seat zat hi a tam berah 500 aini a tam tur a ni lova, a tlem berah 60 aini a tlem tur a nilo tihte a awm a kan zu nawr a ni. Chungte chu kan zu quote ve a, tin, chumi siamrem dan chu Article 82 ah pawh hian a siamrem theih dan a awm a. Census zawh tirhah hian re-adjustment of seat leh territorial adjustment hi a awm thei a ni tihte pawh kan hmu a ni. Tahchuan, kan zuk kal a, amaherawhchu chiang takin thil min lo hrilh a ni. In constitution rawn quote chu a dik khawp mai, in sawi pawh kan pawm. Amaherawhchu a pawina em em chu kan hotute hian India ram Constitution Amendment 84-na ah khan kum 2026 hma chu Member a tihdanglam theih tawh loh a ni tih kha kan Constitution Amendment-ah in lo dah tlat mai a, in sawi kha awm ti em em mahila a theih loh a ni an ti a, lungbang sut angin kan hotupa hovin kan rawn let leh tawp mai a ni.

Chutiingin, hmanni lawkah pawh kan hria, thil hi a na zawngin a nawr theih loh, JNNVRM-ah pawisa min rawn pe a, ear-mark-ah chu (ngawi rawh ala tlinglo nasa ania) 2011 crore min pe a, ear-mark a ni e, tiin kan lo hria a. Chu chu kan Chief Minister pawn a puang a ni, chu pawisa chu zu la turin kan officer-te an zu kal thla a, amaherawhchu, e khai, a lo theih hleinem, Municipality bill in neih loh chuan pawisa hi chu a lak theih loh e an lo ti a nih kha. Tahchuan, kan hotupate inbepawpin Aizawl Development Authority kan nei a, hei hi Municipality aiawh a ni e, chuvangin, hei hi kan nei tawh bawk a hemi hmang hian kan hmang mai dawn alawm an zu ti a. "Amaherawhchu, he JNNVRM hian guide-lines a nei a ni" an lo tikhum a nih chu. Chu a guide-lines-ah chuan he pawisa hi hmang tura lachhuak turin Tripartite Agreement a ngai a, Central leh State leh Municipalities sorkar 3 in a Tripartite Agreement an sign based-a lakchhuah tur a ni e, tiin an lo nawr avangin pawisa zu hmu theilo rawn let leh chuan hawh u, rang takin Municipality bill i pass ang u, kan ti leh chuk chuk a nih kha. Chuvang chuan, a kaida hi a awm a ni, thil nawr dawn reng reng hian guide-lines-te tlawhchhan a ngai a ni.

Tin, min pek tur period hi hmanni lawk ni 20 vel lawk kalta a thil sawi a nih chuan an ni pawn tun budget-ah te pawh hian (engeni kha an department kha, ka hriatsual loh chuan) Central Ministry-ah khan Ministry of Transport tih a nih kha, khangte pawh khan budget-ah te pawh an pass ve phawtte a ngai ang chu. Budget-ah an pass turte pawh nghak hman lovin, an tawngkam tha leh min lainatna khati khawpa kawngpui double land-in District Headquarter tinte inpawh theihna turin pawisa kan pe ang che u, chuvang chuan detail project report rawn siam rawh u, tia min duhsak a chu a detail project report pawh siam lova, hawh u, i nawr ang u zu tih ngawt ang chi ho hi chu hawh u, i ching tawh lovang u, lawmthu i sawi zawk ang u. A nihna tak zawkah chuan vawiinniah hian khatiang chungchang thu kha Resolution kha pass-in move dawn ta ila, kan Member zahawm tak Pu K. Vanlalauva Resolution "Silchar atanga Aizawl National Highway four lane a laih theihna tur hi chak zawka hma la turin Central

Sorkar i nawr ang u", tih zawkte hi nawr ti se chuan hengte hi a awm deuh. Hetah hi chuan Detail Project Report pawh hi pekthlak tawh vek a ni. Chuvang chuanin, Pu Deputy Speaker, vawiinnia kan Member zahawm tak Planning Board Vice-Chairman ni ve bawk, he kan Sorkar kalphung leh a kaida engkim Central Sorkarte nena kan in-relation leh kan pawisa pek dante hre vekin min duhsaktute tawngkam tha hi lawmthu sawi aia, zu nawr chung chung mai a tum a hi a athlak em mai, kan duh taw ang maw ? Aw, all right a nih leh aw.

**DEPUTY SPEAKER**

: I duh taw ang aw. Pu Zodintluanga hi a pharna a rei tawh mai a.

**PU ZODINTLUANGA**

: Pu Deputy Speaker, hei vawiinniah Pu F. Lal Thanzuala, Hnahthial bialtu zahawm tak Resolution hi sawiho turin hun kan nei dawn a ni a. Pu

Deputy Speaker, kan Resolution, i dinglama thuten an rawn putlul reng reng hi han en hian Zoram mipuite hian min nuhzat ang tih a hlauhawm a ni, a ho angreng lutuk a he House-ah nilengin mipui sum kan hmang dawn a, hetiang ang Resolution ho lutuk angte, a pumpui mai han en a 9-na thleng hi chu, hetiang ang deuh vek hi a ni a. Tin, kan Resolution hi Central Sorkarah nawr ni rawh se tih hi a ni deuh vek mai a. Hengtiangte hi Delhi Drip khai ngai lova Sorkar tumtute tih dan tur pawh a ni dawn lawm ni ? Hengte chu kan Sorkarin kan ti ang tih ve mai awm kha a ni a. Delhi Sorkarah i nawr ang u ! chak takin nawr ang u tih a ni thla vek mai a. Bamboo Link Road emaw, hengtianga mipui sum thil awm tur sa thil awmsa lokal mai tur sawiho tura mipui sum tam tak ken seng tur hi a paw kati a. Chu chuan Pu Deputy Speaker, kan ramin a mamawh em em zawk nimirah pawh he House chhunga kan sawichhuahte khilai maiah Tuikhuahtlangah supplied Tankey siamna tur Rs. nuai 24 chuang mipui pawisa a bo daih maite kha a tichingpentu kha i chhuichhuak ang u te ti zawk ila, mi hian he House hi rinna an nghah theih ka ring zawk a

Nimin maiah kan Public Health Engineering Department Minister zahawm tak pawhin a write-off ti tih a ni a, cheng nuai 24 chuang kha, nuai 24 a bova, chutah chuanin kha pawisa kha engtin nge kan hmuh leh ang tih pawh sawilo, Departmental-in kan thawk te an ti leh ringawt mai a. Khangtiang ang zawkte kha mipui tana thil tangkai, mipui sum a ni a, khangte kha sawichhuak zawk ila, a tha a. Tin, khami piah lamah pawh 2003 kuma MLA condidate-te an kidnapped-a inthlang thei lova kan awmte kha vawiinni thlenga chhuichhuah loh he House zahawm tak hian chhuichhuak turin i nawr ang u, te rawn ti zawk ta sela, a lawmawm zawk tur, mipui hian kan lawm zawk ang. Kan ram tana thil tha tur ang pawimawhte hi han sawichhuak ta ila, hei vawiinniah Suangpuilawnah kan MLA condidate-pui an kidnapped a, vawiinni thlengin a titu kan la man thei lo te hi Sorkar tan leh Mizoram mipui tan pawh a zahthlak a ni.



Chungtiangte chu Pu Deputy Speaker, han sawi zawk ta ni ila, a lawmawm zawk tur a ni a. Tin, a hlawk zawk pawh a rinawm a, nikum lamah he House chhungah ngei pawh kan sawi a, Agriculture Department-ah cheng nuai 78 chuang teh meuh mipuite ta tur. farmer-te hnena thleng tur pawisa a bo daih ringawt mai a. Khang pawisate kha wawiinniah hian chhuichhuah a la nilo, a titute pawh man an la nilo. Khangte kha he House hian mipui pawisa, farmer-ten an hman tur, an intodelhna tur, an changkan vena tur pawisa tam tak bote kha chhuichhuak tura he House hian recommendation-te, inquiry commission-te din turin rawt zawk ni ila chua kan tih tur niawm takah mi pawhin an ngaih ka ring a. Chutiang ni lova. District tinte inkalpawhna tur kawng double-a laih tur hi chak zawka hmalak a nih theih nan Central Sorkarah nawr ni rawh se tihte hi chu Pu Deputy Speaker, wawiinniah hian kan tih tur a ni em ?

Nichinah kan Member zahawm takin a sawi tawh. He kawng laihna tur nawr tur hian detail project report-te an theh thla tawh reng em ? han move-tu khanin a rawn sawi lai ka hrelo tlat a ni. detail project report-te an la thehluh siloh chuan zuk nawr ringawt mah ila boruak nawr kan ni ringawt dawn a ni. Chuvangin, helai hmunah hian thil sawi tur tam tak a awm a. Kan Minister tena Farm House tha tak tak an neih angte hi MLA zawng zawng ten an neih vena turin kan Sorkar hian hma min lakpui rawh se ti zawk ta ila tih tur ang chi kha tam tak a awm a ni. Chuvangin Pu Deputy Speaker, he resolution-ah hian sawi tur tam tak a awmlo. Chuvang chuan kan resolution move-tu zahawm tak hian heti hian move sela, siamtha zawk sela a tih chi zawk angem aw kati a. District Headquarters-tinte inkalpawhna kawng double lane-a laih tur hi chak zawka hmalak a nih theih nan State Sorkar hian detail project report hi chak takin rawn siam rawh se ti ang zawkin siam thei sela a tha ang e tih ka rawt ve a ni e, ka lawm e.

**PU LALCHHANDAMA RALTE** : Pu Deputy Speaker, ka lawm e. Kan Hnahthial bialtu MLA zahawm tak, Pu Zuala Resolution hi a pawimawh hlein ka hria a. A move tur awm tak Planning Board Vice Chairman ni bawkin kan ram kal zel tur atana hmasawna tur ngaihtuahna khawp kan Chief Minister thachhang dawltuin a rawn move a. a tihawm tak niah ka ngai a. Tun maia i veilama awm ten an sawi, Central Sorkarah nawr ni rawh se ti a, khulama an pute nawr dawn apianga thokang uk uk thin, nawr ngai an pute an nih zia kan hriatchian avanga he MNF Ministry kum 9 dawn kal tawh hian Central-a Sorkar nawr ngai an ni tih kan hriatchian avanga House-ah Resolution pe kan ni tih an hriat tha kati a. Nawr ngailo anga an sawite kha ngaihtuah let leh ila. Mizoram in remna leh muanna kan siam hlim khan University hrang neihte pawh kha a awm a, amaherawhchu, Central Sorkar remna kan siampui ngeite khan min pe lawk thei lova, kawng chi hrang hrangin zirlai pawl angte, pawl hrang hrangin kan nawr a, kan bei a, chawte kan nghei a, Jail tang khawpte pawhin kan bei a, a nawr a nawr kal a ngaih avangin a tawpah kan nawr chhuak a. High Court-te pawh inremna min ziahpuitu ngeite, tuna UPA min kaihruiute ngei khuan

kha kan inremna kha nawr hut hut loh phei chuan chu min pe leh lawk dawn lo tih a hriat reng. Policy awmsa tihte pawh remna leh muanna ziah a khatianga thuthlung nei kan ziah pawh vawiinni thleng min la hum hlum duh lote hian nawr a ngaih zia a langin ka hria a.

Tin, kan Chief Minister ni bawh kan Finance Minister-in Budget a pharh a, a specch-ah khan kan ngaithla a, tuna kan Mautam, tam chho tur pawh seng a hun a, Mizoram economy a that chhoh theihna turin vaibelchhe tam tak kan Maute hi kan senghawi hman chuan bamboo road-te min siam sak hman chuan hei hi kan revenue a tha dawn tia vawi tam tak a zuk sawi, a zuk nawr ngat ngat, a zuk vahvaihpui hnuah a tam ral dawnah chauh sanction a rawn pe a, khatiang kha nawr ngai, an pute an nih zia kan hriat avangin hei hi kan ti ang tih policy siam mahse, i nawr ang u, Assembly meuhah i pass ang u, tia rawn ti angah ka ngai a. Tin, Assembly-ina kan pass chuan khilama an pu zawmtute nen kan pass ho dawn avangin a tha hleah kan ngai a.

Chumipiah lamah chuan, Pu Deputy Speaker, kan sawi leh duh a chu a kawng lehlam ngaihtuah ka nei a, resolution tur copy kan han pawhchhuaha kan han hmuh khan Pu Zuala hi aw, a va tiuiawm em ! tih mimal rulruah ka nei a ni. Hetiang ang kawngpui tha tak mai kan han nawr a, kan han nawr chhuak anga, MNF Ministry hmalakna kan han sawi tur, an zavaia House-a kan sawiho a hi House-a kan pass ta min han tihpui tur hi ka lo ui deuh a, a party angin ka lo ui khawp mai a, hetia House-a putluh chu he Sorkarin Central policy kallai kan han nawr chho anga, kan han tihlawhtling anga, a hlawhtlinna kan han hmuh hunah chuan tih kha min han pass-pui anga, House-a kan pass a ni, House-in kan nawr a ni an han ti anga, khangte kha kei ka lo ui angreng khawp a. Vawiinah hian langchiang ta chu he Sorkar hi huapzo Sorkar, tute pawh thliar lo, ram hmasawna atan chuan tupawh thawhpui thei, Assembly-ah pawh sawipui ang hmiang, tia hnialtu pawh kan awm kan rin lohnaah a lehlam zawnga an han ti a, an han sawi a, an han lakual a, a thu han phuah thar, a thluk han sak thar erawh kha chu Pu Deputy Speaker, ram thil hnuk a khawih lo a ni tih kha kan sawi duh hrim hrim bawh a ni.

Tin, a dawt leh a kan sawi duh chu he resolution-a rawn tarlanah hianin nichinah khanin a move-tu khan a rawn sawi tawh a, special acilated road development programme, North East atan bik atana hei hi tih a ni a ti a, a ziak thenkhat kan han hmuhah khan Kilometre 7616 hemi atan project-ah hian tih a ni a ti a. Phase-A leh B ah siam a ni a rawn ti a, a rawn sawi chiang em em a. Kha Phase-A-ah khan kawngpui sawm 17 Kilometre 1310 cover tura ngaih a ni a. North East-a district kawng 58 zet te connecting line tur atana tih nia lang a ni. Tunah hian Phase-B-ah kan tel miau avangin 6306 Kms. laih la hmabak District 68 zette a nih avangin khalai han then hret hretah khan he Sorkar hian Central kal dan han en hian a nawra nawrte zuk taimate an sanction hma thin a ni tih hriat avanga Planning Board Vice Chairman ni bawkin i nawr ang u hmiang a rawn ti hi a dik hlein ka hria a. Tin, chumi piah lamah chuan an rawn sawi thenkhat kha ka lo hriat ve dan chuan Seling - Champhai Road phei kha chu BRO ho kutah awmin tunah hian DPR pawh firm muma! takin siamin an ti chho mek a.

DPR siam phalna sanction a tak taka DPR peihfel hnuah sanction a kal thin avanga he House-ah i ti angu ti a rawn move-ah ka ngai a. Tin, Mamit lampang pawh DPR an rawn phalsak a ni awm e tih hi kan State P.W.D. ten an lo enzui thuai thuai turah ka ngai a. House-in kan pass phei chuanin a bawhzuitu keimahni Sorkar hnuaha mite ta phei chuan he House-in a ngaih pawimawh ngei phei chu rang taka kalpui zung zung tur chi nia ka ngaih avangin vawiin niah House-a tih hi Pu Deputy Speaker, kan tihmakmawh niin ka hria a ni. Ka lawm e.

**PU R. LALZIRLIANA**

: Pu Deputy Speaker, ka lawm e. Hei vawiinnia kan debate-na subject hi District Headquarters tinah inkalpawhna lane Double lane-a laih

tur hi chak zawka hmalak a nih theih nan Central Sorkarah nawr ni rawh se tih a ni a. Ka hmaa M.L.A. zahawm tak tak thusawite kha ka lo hriat ve danah chuan Buichhe laih loh inpuang a ang khawpin ka hria a. Anmahni Sorkar hi an thil tih tum ngawih ngawihah pawh tite ti lova nawr an ngaih zia an mahniin an inhmu Chiang hle niah ka ngai a. Chief Minister Advisor, M.L.A. zahawm tak phei hi chuan thil a hrechiang a, chuangin file pakhat pawh hi a kal rei ziate thla li thlanga te pawh a kal theih zia kha a rawn sawi a ni a. Khalaiyah khanin mahni inenchian nan chuan a tha hle awmin ka hria a. Tichuan, Tlungvel bialtu zahawm takte kha thil hre deuh mai a ni a, amaherawhchu, tunhnai lawka lo lut ve mai a nih avangin Bamboo Road Sanction-te kha hmanni lawka lo thleng ni ang te khan an sawi a, hmanni khan ka sawi tawh a. Bamboo Road Sanction-te chu hmanah khan a lo thleng tawh a, an lai tawh a, amaherawhchu, Mau awm lohna lam hawi khan an laih avang zawka vawiinnia Mautam ral ta, ro ta mai mai zawk a ni tih kha ka han hriattir leh duh a. Tin, kan Resolution neitu hi mahni Party-a an thlan tlinna ngei pawh bansana MNF lama lokal kha a ni a, hei hi ka zu deu em em pawh a nilo, a ban na chhan kha a bial a hmangaih vang a ni a, a bial kha District Headquarters-ah MNF Sorkar hian kan dahsak ang che u, an tih avangin a biala hmangaih em em a, chutiang chuanin zahthlak tak khan a bang a ni. Tiang chuanin amah Kohhran lama a nihnate zawng zawng pawh phatsan khan politics-ah ram mipuite, a bial mipuite a hmangaih avang zawk khanin mualpho takin a awm a ni tih kha kan hria a. Chutiang ang ni reng chung si chuan hetiang ang resolution ho leh mawlmang lutuk a rawn pulut mai hi chu, a buaithlak ngeiin ka hria a. MNF Sorkar pawh hian lo bum mai mai theih lek a ni awm mange aw, tihte pawh khan ngaihtuahna a kal thui thei hle a ni Pu Deputy Speaker. Hetiang aite hi chuanin a tih awm taka ka ngaih sak zawk a chu, hemi resolution-ah hi chuan, Private Members' Resolution atan hi chuanin Hnaththial hi tun tum Financial Year chung ngei hian min tiam ang ngeiin District Capital-ah hlankai ni rawh se, tihte hi rawn ti selang chuanin, a hmingchhiatnate pawh kha a khuh thei deuh lo maw? Helaiyah tih tak zetin Sorkar pawh kha an thlem lai vel khanin an tiam a ni tih kha mipui hnenah hian, in-direct-a ava puannate pawh a ni anga, a that dawn tehlu nen. Amaherawhchu, vawiinniah hian tih ata awm that hi a pawl kati ngawt mai, Pu Deputy Speaker. A bialte hian an duh fu thin a, keipawhin ka duhsak a. Amah hi mitha a ni a, Pathian thuawih a ni a, ka hria a. Amaherawhchu, a kal lohna lamah hian a kal ta emaw ni chu aw, tihte pawh hi

ka zu ngaihtuah deuh rum rum thin a. Pu Thlenga kha Pu Deputy Speaker, lo nui vak lo sela, nakinah a resolution-te pawh hi ka sawi ve tho dawn a nia. Tiang chuanin Chief Minister Adviser berin hei, a thlangah hian a rawn nei lehngal a. Tiang chiah mai hian, hetiangte hi an ngaihtuah chiang lova, Pute hi No-Confidence an move-na a ni tih hi, in-direct-a No-confidence an move-na a ni tih hi a chiang em em a ni. Vawiinniah hian kan Chief Minister hi kei, kan han insawi bawrh bawrh thin tak nain, Central zu nawr kawngah hi chuan nawrpui a ngailo, hrilh a ngai lo, zahthlak khawpin a duh zawngah hi chuanin a bial mipuite, Zoram mipuite min hrechiang a, kan hniam zia hi. Chutiang ang chuanin hniamtein a zu tang peih tlat a ni. Amah hi tihpui a ngai lo reng reng. Hetianga Central policy awmsate hi chu, a titlang ngei ngei dawn tih hi a chiang sa reng a. Chuvang chuan Chief Minister Adviser ber tena a hnuaiyah hetiang chiah resolution han neihte hi chu, a pu hi ala hrechiang lo em mai tih hi ka ngaihtuah a ni. Chuvangin a dinhmun pawh hi a ngaihtuahawm viau ang. In-direct-a No-Confidence a move-na tih hi Chief Minister hian a hriatpui phak em em ang tih hi a rinawm tlat a ni.

Hetianga aite chuan, ram hmangaihtu tak takte, a rama mipuite harsatna ngaihtuaktu tak tak an ni ngai a nih hi chuanin Sawhthing hralh theih loh kuma Sawhthing hralh theih loh in kawtkaiyah Rs. 10/-in kan lei ang tituten hmannah ka bial Maite-ah ka han kal a, an kawtkaiyah chuan an dah hnuk mai a, a rate a awm e, awmlo mahse Rs. 2.50 in Keifangah chuan an hralh thei a ni awm e an ti, han phurh theih ngaihna kha a awm lo reng reng. Chutiang ang a nih lai chuan hengezte zawk hi Sawhthing hralh thei lo hi, kuthnathawktute hmalak ngaihna avangin hmana Congress-hovin vawibelchhe 5 lai an tih tawih ang deuh khan i lei sak ang u te pawh han tih ve mai mai awm hi a ni a, ngaihtuahna hi ram leh hnam tan tak tak chuan kan MLA zahawm takte hian an hmang peih lo lulai deuhin ka hria.

Tin, chutiang chiah chuan hmanni lawkah pawh, nimin piah lawkah pawh he Aieng, Mautam tam lo thleng tur avanga Aieng kan chin tir vak chungchangte kan sawi a, chu chu khawiahnge i kal dawn kan ti a. Nikum favang atang tawha kan Agriculture Minister-in a hralhna ka zawnga ka la hmulo a tih mai maite kha, vawiinnia aw, Resolution hi hemi kaihnawihna ka sawi vek a ni a Pu Deputy Speaker, a leng vek a ni lawm ni, tiraw. Tiang chuanin Aiengte pawh hi a hralhna tha zawk nakumah kan hmuh theih nan, Company-te nena Memorandum of Understanding sign kher lo pawhin kan chin tirte hi an tha tho theih nan nakumah Rs. 20/- zelin Kg. khatah, an kawtkaiyah leisak ni rawh se, tihte hi Resolution ni awm tak a nih laiin hetiang ang thil ho ang reng lutuk Central Sorkar-tena an tum sa han tih mai maite hi a awmlo hlein ka hria a tunah chuan. Tichuan, a awm zawk a chu NREGS (National Rural Employment Guaranty Scheme) tihte hi kan ramah vawiinniah kan tam em em a, District pahnih chuaha hmang lo hian Mizorama State pumah hian Central hian kan hman min phalsak rawh se tia rawn lakchhuah awm takah hian ka ngai a. Amaherawhchu, kan miretheite hi hrek riltam ila, tirethei te te ila, election-ah hian sum leh paiin thlem ila, tah chuan min vote tling leh mai ang tih rilru pu niawm taka hetiang thil tih awm zawk takte kan ti duh lo tlat mai hi a pawh hlein ka hria a. Chutiang angte kan ram corruption hluar lutuk

ta hi CBI kohluh ni rawh se tihte, rinhlelh zual project-te hi chhui ni rawh se tihte hi kan Resolution awin tak a ni. Hengte hi a puitlingin ka hria. Tin, Indo-Myanmar, Indo-Bangladesh tihte, heng Fencing-te kan han ti a. Hengte hi kan ngaihtuah chiang lovin ka hria a.

Tiger Project-te kan han ti a. Sazuk leh Saite kan rama kan sarep pawh nilo Bangladesh leh Myanmar lam atanga lutte an ni a. An lo luh lehna turte kan hung phui tlat mai hi chuan thil chi loh tak a ni.

Tin, helaia Resolution kan passed tawh Phura kawng, nikum hmasaa M.L.A. P.P. Thawla'n a moved-a kan passed-puite kha vawiiniah hian laih a ni tawh em ? Laih ni silo PMGSY-ah tih kan tum tih ang chi vel mai mai a nih chhoh dawn chuan, hetiang ang Resolution han sawi chiam chiam hi kan Member zahawm tak, Pu Deputy Speaker, a sentence ka titawp lawk ange.

Pu Zodintluanga sawi ang khan kan thutna hi nitin Rs. 350/- D.A a ni vek a. Hetiang mipui pawisa ei hi a zahthlak em em a ni tih ka sawi duh a ni. Ka lawm e.

**PU K. LALRINLIANA**

: Pu Deputy Speaker. Resolution. District Headquarters tinte inkalpawhna kawng double lane-a laih tur hi chak zawka hmalak a nih theih

nan Central-ah nawr ni rawh se tih M.L.A. zahawm tak Pu F. Lal Thanzuala putluh hi a lawmawm hlein ka hria a. A chhawr ve tur Saitual bialtu te, Khawzawl bialtute khan an sawi chhe tlat mai kha chu mak kati a. An va hmanhmawh love aw kati a ni.

Tunah hian National Highway-in a paltlang lai mek District Headquarters thenkhatte Double Lane nilo si bialtu thenkhatte sawi chu ni se thil awm pawh a ni a. A paltlang ve loh Khawhai bialtute leh Buarpui bialtu ten an lo sawi kha chu sawi pawh ni se a la awm tho. A paltlang tur bial, Highway pawha la puan loh P.W.D. enkawl single lane, BRTF enkawl lai Double Lane pawh nilo tan vawiina a tha love hei hi chu nawr lovang tia sawichhiat a kha a mak kati a ni. An bial mipuite ngaihdan a ni angem aw tihte ka ngaihtuah a ni.

Tin, a puluttu kan Planning Board Vice Chairman, a mimal taka party-a MNF a support-na sawichhiatna/uirea puhna hi mak kati a ni. Constitution-in a phal chin chu 'uire' a ni theilo reng reng a. Constitution sawichhiatna a ni. Tunah hian phal ni lo se kan zingah a awm lovang, he thil insawichhiatna thalo avang hian a thlavang ka han hauh duh a ni. A bial mipuite duh dan anga awm a ni. Chuvang chuan a puluttu hi a mimal taka sawichhiat turah ka ngai lova, a rawn put luh chinah hian kan duhlo a nih chuan sawi nise

chuan a awm kati a. Kei chuan vawiinnia a rawn putluh hi putluh awm tak, kan ram tana pawimawh a ni kati a ni. Ka bial District Headquarters Kolasib-te chu kan hmuh angin double lane-in tunah hian min paltlang tawh zawk a, kan tan chuan sawi ve tur vak a awmlo, four lane lampang sawi hi ka chak zawk mah mah a. Tunah hian National Highway 154 Bairabi Panjgram atanga lokal double lane turin an thawk mek a. Khu khu a design-ah chuan 30 Km per hour tur a ni. Tunah khuan a design an thlak dawn e an ti leh a, 50 Km per hour-in an thlak leh dawn niin a lang a, curve improvement-te leh a grade-te pawh siam that tur niawm tak a ni. Chutiang ang chuan keini District Headquarters chu thlur hnihin, double lane-in min rawn paltlang dawn a ni. A hlawkna la hrelo ten an sawisel hi chu an lo sawisel palh a nih pawn an tih tur an hriat loh vangah pawh ngai ta ila. Keini Double Lane nei chin tawh chuan petrol, diesel a save zia kan hria a, hun a save zia kan hmu a ni. Tunhma chuan Silchar khu darkar thum, darkar li te kan tlan thin a, tunah chuan double lane-a nih tak chinah chuan darkar hnihah te kan thleng thei tawh a ni. Chu chuan kan hun tam tak min save a, chumai bakah chuan kan petrol senso thin kha a letin a lo tlem tawh a ni. Bairabi te pawh Kolasib atangin darkar hnih te kal nan hun kan hman thin a, tunah chuan minute sawmliah kan thleng thei tlat tawh a ni. Chutiang chu vawiinnia double lane hlawk zia a ni. Chuvang chuan kan resolution puluttu Pu F. Lal Thanzuala'n District Headquarters tinte hi double lane-in paltlang theihna tura Central Sorkarin a hmalakna a neih mek a hi vawin hian chak zawka a kal theihna tur atan i nawr teh ang u, a tih hi tihawm tak, a hlawkna leh thatna hmu chin tan chuan niin ka hria a ni. Member thenkhatten Central-ina hmalakna mek nawr a ngai em ni ? kan han ti a, Member zahawm tak thenkhat ten he thil a hi tih ngei ngei ngai a ni, an ti bawk a.

Special aculerated Road development programme-in the North Eastern Region tih a ni. He programme-ah hian Central Sorkar chuan a ruahman ngei mai, nichina kan ngaihthlak tawh ang khan Phase 'A' leh phase 'B' ah then a ni a. Phase 'A' hi 2008-2009 a zawh theih tura ruahman a ni. Nakum kum leha phase 'A' hi zawh tura ruahman niin kan hriatna atang chuan a lang a ni. Chumi ang chu a la ni daih a ni. 2009-a phase 'A' zawh tur a ni a, keini phase 'B' a awm mek ten kan nawr chak loh chuan phase 'A' pawh bul an lo la tan lo a ni a, 2009-ah pawh an la zawh loh pheih chuan keini phase 'B' te hi kum 2020 ah pawh zawh hman a ni lovang tih a hlauhawm tlat a ni. Chuvang chuan nichina Tlungvel bialtu zahawm takin an pute nawr a ngai a ni tih an hriat loh vang a ni, nawr an ngaih zia hi a tih ang deuh khan vawinah pawh hian thil kallai mek niin lang mahse, a chak zawk theihna tur leh mipuiten kan chhawr tangkai ran theih zawkna tur atan hian thil pawimawh tak a ni tlat mai a ni. A bik takin Aizawl leh Mamit inkar pheih hi chu State P.W.D. kut a ni a, dik tak chuan BRTF leh State P.W.D. te pawhin vawinah hian an chanpual chin tur, National Highway 54 leh 54 'A' & 'B' te hengte hi BRTF chan a ni. 54 'A' hi Theiriak leh Lunglei inkar a ni a, KM tam a ni lova, KM 6 or 7 or 8 vel lek a ni a. 54 'B' hi Tuipang kawng Zero point atanga Saiha inkar 26 Km bawr vel a ni. 54 hi Silchar atanga Saiha inkar a ni. Chu chu BRTF kut a ni. Chungte chuan tunah hian detail project report siam theih turin phalna an nei tawh a, chumi an siam lai mek, chak taka ruahmanna an siam mek lai hian, he phase 'A' tan a nih lai hian keini pawhin tan kan lak ve a. Central-ah kan nawr a hun tlat a ni. Chuvang chuan, vawina kan Chief Minister-in

a ngaih pawimawh em em kawng kan neih that hian, Zorama kuthnathawktu ten kan thlai tharte awlsam zawk leh man man zawka kan hralh theihna tur a ni tih hria a. kawng hrang hranga kawng laih theihna tur kan neih Bamboo Link Road a ni emaw PMGSY emaw Highway emaw anga chak taka kan laih mekte kan hmantangkai lai mek hian a nia changkang zawk double lane kan neih theihna tur atan hian kan nawr hi kan tih makmawh a ni. Chumi mai bakah chuan four lane-a chhun tlang tur. State Capital chhuntutlang tur. Central Sorkarin programme a siam mek a ni a. Hei pawh hi tel thei nghe nghe se, nawr tel thei nghe nghe ila, tih hi ka duthusam a ni. Hei kan Resolution chailai mek hi chak zawka a kal theihna tur atan tan kan lak a ngai a ni. Vawiinah hian Central zawmpui kan ni, keini party chu, titu phei hi chuan, e ti teh u, kan hming thatna tur a ni, i zawm teh ang u, ti zawk awm an ni.

Tin, insawichhiatna nilo se, Sorkarna la chang lo kan ZNP unaute, Khawzawl bialltu ten an han sawi angte phei kha chu Sorkar nawr chak a ngaih dan kha an la hrethiam pha lo a ni mai thei. Ruling party-a awm chuan eh chu kan hre tlat a ni. Central hi nawr ngai an ni tlat a ni. Chuvang chuan, an tan chuan lo sawi pawh nise a awmin ka hria, helaiah an nauten khawilai thingtlang khuaah emaw, heng mite hi kan lawmlut a, an ti a, helai atanga paper-a an lawmlut thin ang kha a ni ngawt lova, chian a, a ni tak tak em ? kan lawmlut tur kha tia va chian phawta va lawmluh chauh tur kha a ni a. Chutiang deuh chuan vawiinah pawh hian Central Sorkarin heng hi kan programme a ni, an tih a, kan ngawihpui mai a, kutkuangkuaha kan lo awm ringawt chuan engtikahmah an rawn ti dawn lo. North East State hrang hrangte chanpual a ni a, District 85-ina kan chanpual tur a ni. District Headquarters 85 hmarchhak State ami ten kan inchuh tur a nih avangin phase 'B' phei chu nichina kan ngaihtiak tawh angin Km 6000 chuang a ni a. Chuvang chuan chuh chak a ngai a ni. Keini hi a kil tawpa awm kan ni lehngal a, vawiinah chuh chak a ngailo e titute hi chu ingaihtuah chian angaiin ka hria a. Pu Deputy Speaker. Chuvang chuan vawiinah kan Resolution hi kan pass ngei tulin ka hria a, ka rawn thlawp tlat a ni. Ka lawm e.

**DEPUTY SPEAKER**

: Awle, midang kan sawm leh hmian thil pakhat ka han sawi duh chu, hei vawiinah Member-te zalen taka helai hmuna hun kan hman hun a ni a.

Private Member Resolution kan sawiho mek a ni a. Un-Parliamentary expression, entirnan, uire han tih ang chite, khang kawngahte khan fimkhur takin Member-te tawngkam hman i tum hram hram ang u tih kha kan sawi duh a ni. Pu S. Hiato i lo sawm ang.

**PU S. HIATO**

: Pu Deputy Speaker, ka lawm e. Vawina kan Resolution hi fak pawh ngailo, a tha awm sa a ni a. A move-tuin a move a. Adviser to

Chief Minister pawh khan a that zia, a nawm tur zia, motor kal chak tur zia a sawi a. Thil tha kan hre vek a ni hei hi chu. A tha tih kan pawm vek. Amaherawhchu, hemi resolution kan tih hian engnge kawngro a sut ang tih kha ka ngaihtuah a. A pakhatnaah chuan, kan Chief Minister hi budget Session lai zawngzawng khan thil a ti thei a ni, a chak a ni. Central a nawr thei a ni tih kha, khalam zawng khan an fak tlunchhuak zak a ni a. Crore 850 plan a zu sawichhuakte kha ropui tih kan sawi kha nimin mai kha a ni. Khatiang khawpa thil tithei, khutah Central-ah pawh zu nawr thei thin a kan ngaih, tin, amah pawh a taima a, theihtawp pawh a chhuah thin a. Khami zawng zawng a zu tih tur thil kha tunah kan pass-pui tura tih hi kan Chief Minister hi kan ti te ta viau a ni lo maw ? Tin, indirect-in No-Confidence an move a ni mai lo maw ? tih hi Pu Zira sawi ang kha kei chu ka ngaihdan a ni. Tin, hemi pass lo pawh hian Pu Deputy Speaker, PMGSY te, World Bank atanga kawng laih kan thawhte pass ngailo a kal mup mup hi a awm a ni a. Chu pawh chu dik chiah chuan a tha viau kan tih laiin sawisel tur tam tak a awm. Mittlung lo tam tak hengah hian a awm a ni. Tin, tunah Silchar - Aizawl chu 4-line bawkin laih phalna min pe tawh a, engemaw chen laih a ni a. Hei hi resolution pass vanga lo chhuak a ni miah lo, a tul an ti a an hriat vangin min pe mai a ni.

Tin, chutiang bawkin resolution pass a tul awmlo mange kan tih nachhan chu, Pu Suama khan kan Session hmasak khan District Headquarters 3 hi Hospital puitlingah hlankai ni rawh se, tih kha nikhat kan chai a, kan pass a, hmannah zawhna ka zawt a, kan Health Minister zahawm takin District Headquarter 3 chauh ni lovin 8 hi up-grade turin order kan chhuah leh tawh e min ti mai a, khata a nih si chuan, khata Central atangin hemi 3 kan pass kha lo ti rawh an tih chu ka ring chiah lo, 3 kan pass lova, 8 pawh kha ala ti thei a nia. Chuti a nih chuan a tul miah lo kan tih kan tih min lo pass pui a kha kan sawi kha a dik a ni tih hi kei ka pawm dan a ni.

Tin, Pu Zira'n a sawi a, Pu P.P. Thawla'n resolution pawimawh tak sawlama kan leilet zawl Phura zawl te, Sala zawl te, kan Agriculture Minister-ina a tuipei em em a te hi kawng pawimawh a nih thu kha resolution-in a pulut a, a pass tawh ani a, kum 3 a ni tawh a, hemi a nih tawh pawh hian khami kan pass tawh pawh kha kan umzui lo ani a, hman deuhva kan zawhna a rawn chhuahah khan PMGSY atangin tih kan tum mek a, New Latawh thlengin estimate submit a ni a, a piahlam chu compensation a harsat avangin kan dah rih a ni tih kha chhanna kan hmuh a ni. Chuti anih si chuan kan pass sa kha engemaw a tangkai le, pass tawh sa pawh kan umzui lova engnge kan pass zel a tul le. pass loh pawh hian a lo kal tur a lokal tho alawm le, tih hi kei chu ka ngaihdan hi a ni a. Tin, District Headquarters kan tih tum zawng zawng hi BRFT-in a paitlang deuh vek a ni a, kan District Headquarters hi Mamit chu BRFT a nilo mai thei, Pu Rina sawi kha a dik anga, BRFT hianin tunah hian hemi kawng zauhna tur pawh hian detail estimate siam tur pawh hian an ti mek a ni tih pawh kha a sawi a, khatiang an tih lai khan keinin kan zuk pass khan engemaw BRFT kan zu tichak dawn emawni le, kan tihsak thei tak tak a nih phei chuan le, a lawmawm khawp anga, eng anga chak nge ni ang, hemiah hian pass loh pawh a awm thei mai tur a hi engemaw kan pass kher ang le tih hi kei chu ka ngaihdan hi a ni a. Pass lo mah ila a lo kal tho tho dawn, a pawimawh zawng zawng hi an lokal zel dawn, nangni in



awm alawm mawle, in nawr zel ang chu mawle, nawr chak pawh kanti che u a. nangni pawhin intih bawk kha. Chuti a nih chuan Central Sorkar pawh in Pute in tih thin pawh an hnenah pawh kan zu sawi ve ang chu mawle, minrawn pe ve zel ang chu. Actual lova patlingpui 40 rual lai mai, nilenga hei hi pass ang tih hi chu kei chu a ho kati deuh a ni. Pu Deputy Speaker, ka lawm e.

**PU D. THANGLIANA**

: Pu Deputy Speaker, ka lawm e. Hei vawiinah Private Members' Resolution tha tak mai sawiho theia kan han awm hi a lawmawm hlein ka hria a.

Mizoram Sorkar ang deuh hian Central Sorkar pawh hian kawng hi an ngai pawimawh khawp mai a, a lawmawm pawh kati a. Hei special accredited road development programme in the North Eastern Region tihah hian tuna kan sawi lai ang chi ho kha a awm a. Ram hmasawna atana pawimawh hmasaber a chu kawng hi a ni a. Vawiinah hian keini District Capital atanga Sakawr nithum kal bial neite tan hi chuan sawi ve kher kha a ngai em aw tih kha ngaihtuahnaah a awm deuh a. Amaherawhchu heng kawng, "District Capital tin mai two line-a tlawhpawh tura Central-ah nawr ni tawh se" tih hi Mizoram hmasawna tur atan a ni a ka hriat avangin han sawi ve kha pawimawhin ka hria a. A lehpekah chuan District Capital atanga Civil SDO awmna chin tihte pawh kha la kal zel turah kan ngai a. Chuvang chuan Ram hmasawna a tahtawl te tea han inchhawp chhoah hian vawiin nia kan Resolution putlul a hi thil pawimawh tak a niin ka hria a. Hei, Resolution, he House meuhina passe a, kan han nawr hian Central Sorkar-te pawh hian min ngaihpawimawh sak deuh kan ring a. Engpawh nisela, Mizoram Sorkar ang maia Central Sorkarte pawhina North-East kan inkalpawhna kawng min ngaihpawimawh sak avang hian Central Sorkar hruaitute chungah pawh vawiinah hian lawmthu ka'n sawi duh a. Chak takin he Sorkar hian he Central-ina ruahmanna a siam hi tipuitling turin hma kan la mek a ni tih kha he House zahawm takah hian ka'n sawi tel duh a.

Tin, Sorkar hi mipui leh opposition lampang ngaihdan anga kal hi a har khawp mai a. Pu Deputy Speaker, Sorkar hi nawr ngaih chang hi a awm fo thin a. Zuk nawr kal ngaih changte pawh hi a awm ve thin a. Vawiinah pawh hian Central Sorkar pawh hi an chak a, engkim min tihsak a ni kan tih rual hian nawr ve hi an ngaiin ka hria a, nawr pawh kha a tha. Tin, a thuhriamah Central Sorkar hi kan hre vek a, Pu Deputy Speaker, an ek minute hi a rei thei lutuk thin a, kan ti ang an tih hi an ti lawk thin lova. Hei, kan hun kaltawhah pawh khan Remna leh Muanna neih tur atana Mizorama hma an lak mup mup lai pawh khan, kan kian thei ang minute 1 pawh a ngai lovang, chuti, khati an tih mek lai khan an minute 1 a rei lutuk avang khan Congress for Peace-te pawh kha a lo piang niin ka hria a. Khang hunlai khan Mizoramah ka awm lova, ka hre chiah lova, amaherawhchu, mi sawi danah. Chuvang chuan an ek minute hi a rei thin em avang hian kan Central Sorkar hruaitute pawh hi nawr deuh ila, an ek minute hi reilo deuh hlekinrawn ti sela, Mizoram tan hmasawna a nih dawn avangin heti zawng hian i nawr teh ang, tiin kan Hnahthial bialtu zahawm tak khanin resolution a

rawn pulut a ni a. hei hi a mawlnaah ka ngai hauh lova, finnaah ka ngai a. Mizoram hmasawna tur atana pawimawh District tin Capital-te 2-lane-a tlawhpawh tura resolution putluh hi Mizoram hmasawn duhtute thinlungah chuan a awm ngei ngei turah ka ngai a, vawiinah hian Central lamin min duhsakna a hlawhtlin ranna tura nawr chungchangah hian a tu a mah hian a kalh zawng emaw a engemaw zawnga kan sawi kha kei ka ring lem lova. Amaherawhchu, ruling lam tih a nih avang hrim hrima hnial ve a nih chuan thuhraan ni sela, opposition tan chuan awm pawh a awm ve thova. Amaherawhchu, ram hmangaihtu, ram hmasawna duhtute tan chuan he resolution hi sawibuai ngai miah lova, a va tha tehlu em, Central Sorkar hi kan ti ang an tih hi a rei thei em a, kan nawr chak hi a ngai a ni, lungruai taka kan tih tlan a kha vawiinah hian kan tih tur pawimawh tak niin ka hria a.

Resolution atana an putluh duh chungchangte kha Pu Deputy Speaker, an han sawi a, vawiinah pawh hian Mizoram.....kan thalaiten infiamna kan nei mumal lo hle a, kan Sports Minister thahnemngaihna Ramhlun Sports Complex-te tunah hian hman theihin an awm ta a. tin. kan LAD Minister zahawm tak hmalaknain Chite-ah Sports Complex tha tak buatsaih mek a ni a, chutihlai karah chuan Pu Deputy Speaker, vawiinah resolution atan han siam ve awm takah ka ngaih a chu, Mizorama kan thalaite infiamna tur hmun an neih loh laia Assam Rifles lammualte public kuta hlan hi kan duh mek laiin an pute hnena hlan lo tura lo ngen ang chi hi Mizoram hmasawna, kan thalaite infiamna kan mamawh em em laia infiamna tur kan neih loh pawiti lova lo tih thin a hi tih tawh loh ni rawh se, tih te pawh hi resolution-a putluh awm takah kha ka ngai deuh a. Chuvang chuan vawiinah hian kan zavaia kan inenchian a ngai a. Mizoram hmasawna tura kawng hrang hranga kan Sorkar hmalakna hi kan zavai hian he House-a mipui aiawha thute, ram hmangaihtute tan chuan kan tan tana hma kan lak tlan kha kan tih tur pawimawh tak niin ka hria a. Chutiang tur chuan kan MLA zahawm tak takte, kan zavaiin, Mizoram mipuite hian an hrechiang a, chutianga hmasawna tha tak kan neih theih zelna tur atana Central Sorkar, ek minute rei tak nei thinte nawr erawh hi chu kan zavaia kan tih tur a ni tih kha vawiinah kan sawi duh a. Chuvangin, Pu F. Lal Thanzuala Resolution, "District Headquarters tinte inkalpawhna kawng Double Lane-a laih tur hi chak zawka hmalak a nih theih nan Central nawr ni teh se" tih hi ka'n full support-a, kan pass tlan ka ngen e.

**DEPUTY SPEAKER**

: Minute 5 a tling tawh lova, engtingge pakhat chu kan khung hram dawn nge ? kan chawl rih ang ? A nih aw. kan chawl ang, tlai dar 2:00 ah kan lut leh dawn nia.

Sitting Adjourned. 12:55 P.M.

Afternoon 2:00 P.M.

**DEPUTY SPEAKER**

: Awle, kan rorelte kan tan leh hmáin, chawhma lama thahnemngai taka kan thusawi, kan Member thenkhatte chungchang thuah tlema un-parliamentary expression kan neih, entirnan, uire kan tih tawngkamte, mawl kan tih tawngkam te kha House decorum ati zahawim lovang tih ka hlauva. Chuvangin kan dan Bung 338-nain a phal angin expunged thain ka hria a, proceeding-ah pawh lang lo se. Kan Media lam pawhin lo hria sela tawngkam nalh lo kha chu tarlan loh nise.

Tin, kan Speaker hi a hritlang pik deuh a, chawhnu lam a rawn tel thei lova, leave a rawn dil a ni.

**PU LALTHLENGLIANA**

: Pu Deputy Speaker, ka lawm e. Kan rawt duh chu, he House-ah hian ka sawi tawh thin a, term sarih thlenga lo awm tawhte an awm a, an lakah zir tur ka ngah dawn hle mai a, an zinga awm pawh a nuam ka ti a. Kan Speaker-te hmingthatna leh nangmah avangin he House hi a zalen ta lutuk em aw ka ti a. Chawhma lama kan sawi tawhte han ngaihtuahin a rilru nat thlak hle mai a, Planning Vice Chairman, bial mipuiten duh taka an thlantlin, mawl lutuka han in ehhuahnte kha a Parliamentary tawngkam lo hle a ni. Khang tawngkam kha nawhreh (expunge) ka dil a. Ni e, a engapawh ni se, ka sawi ve hun a ni a, ka sawi duh hrim hrim, ka thlawp a ni, kan Speaker thusawi kha. Chutiangin Planning Board Vice Chairman-a awm, helaiiah thil tha tak District khawpui panna tur kawng 2 lane-in kal sela tiin Resolution a rawn pulut a, Zoram mipui mawina tur leh hmel lanna tur thil a ni a. Hmanhmawh thlak pawhin a hria a, a rawn pulut a ni. Chutih laia mawl lutuk intih tawngkam a kha he House-ah hian ri leh tawh ngailo sela ka duh a ni.

A pahnihnaah chuan, dan dik takin .. kha pawh kha nawhreh a ni a, delete a ni lova, keimahni tawngkamah kha kha ka sawi mai a ni. Hei hi kan hman fo loh nan kha kha tihreh ni sela. A dik takin khatiang tawngkam kan hmang chung pawha kan la zak chuanglo a nih chuan a pawh khawpin ka ring a.

Tin, a pathumnaah chuan, uire han tihte pawh kha a zualkai lutuk deuh hlek a ni. Kha kha ka sawi duh tlat. A ehan chu Anti-defection Law pawhin a phuar loh a right neih dan dik tak hmangin Pu Lal Thanzuala hian thil a ti a ni. Dan dik taka thil a tih, khatiang taka he House

zahawm tak chhunga han intih kha a fel lo ka ti a. A sawitu Saitual bialtu zahawm tak pawh khan a tawngkam kha nidangah ang chiam thin mahse, a hmang ngai reng reng lo, a tihpalh pawh niin ka hria a, nawhreh pawh a uiin ka ring lo. Amaherawhchu, hei hi ka sawi duh hrim hrim a ni, hei hi kan chin fo loh nan.

Tin, helaiah a relevant lo pui pui thui tak tak kan sawi a, resolution, district khawpui panna kawng two lane-in kal rawh se tih sawi laia Sawthing chungchanga kan han tlan vakte hetiang angte hi chu Pu Deputy Speaker, ka ngen duh che, kei pawhin. Speaker emaw ka inti lova, ka ngen duh a ni, helaiah hi chuan min khalh ngil deuh hlawm la. Chutilo chuan kan zalen dan hi kan naupang tuicheng hlim tal deuh hlek ni te pawhin a lang a. Hetiang lutuk deuh hian kan kal theihna turin Zoram mipuiin pawn lam atangin min thlir thup a ni. Helaiah hian kan tal dan te hi miin a puitlin leh tlin loh te pawh an lo thlir fo thin. Chuvangin he thil tha awmsa hi chu a lehlam pawhin hnial turah ka ngai lova.

A dik tak chuan resolution kan siam dawn lai pawhin kan rilruah a awm hman tawh a, a hnuah thil a lo awm lehngal a. Lo hal ni lemlote hi chu hal lampang chi reng reng hi chu tih lawk loh nise tih resolution han putlul te pawh kan chak viau. Mahse, lehlam tan a na ang tih kan hlau a, kan ti leh ta lem lo a ni. Tuna kan ram kawng laih hrim hrimte han en hian a ropui khawp mai a. Hmun hrang hrang, thingtlang khaw te tak te te panna, motor lian pawh hmu ngailo khing Chhawrtui khuate a tlang riah ruah mai a. khawchhak Saitual leh Khawzawl bialah te hmun tinrengah hian vung kan chhuah a. Mizoram hi a lang mawi tan em em a ni, kan kawngpui avangin. Kan sawi tawh ang khan kawngpui 59, sei tak tak he hun tawi te chhunga han laih zawh a ni mai te, laihbelh tur tam tak a awm te hi a ropui a. Chutih lai chuan khaw te tak te te, entirnan, helaiah khawdang kalzawmna awm miah lo Lengte - Nghalchawm kawngte, khaw te field tiat tiata an han laitlangte han en hian a kal turte tan pawh khawpui ropui taka lut tur hi kan ang viau a ni. Mahse, a lo ni lem lova, chutah chuan he Zoram Sorkar, Pu Deputy Speaker, i veilam ami an ni emaw, i dinglam ami an ni emaw, hetiang hnathawh a awm lian kan lang mawi vek a ni, kan zavaia kan mawina a ni, Zoram hmel timawitu a ni.

Tunah pawh Hmunpui kawng a dang va pawh tur awm reng reng lo, khaw te tak te panna kawngah vabelchhe tam tak sengin kawng Sorkarin a lai leh mek a, chutiang a nih lai chuan kan District khawpui panna te ta lutuk te, a dik takin kawngpui lian sa lo nei tawh Guwahati te, kan en chuan hetah emergency, Pu Sanjay hun laiin khatiang khawp khan mi bangte duhtawk lovin an kheng thla a, nasa takin khawpui an zauh a ni. New Delhi te, tunhmaa Old Delhi kan tih thinte khutiang khawpa a lo ropui tak dante. South India-ah hmankumah kan kal a, hetah Nilgiri Bangalore atanga kan han kalpheite chu a kawngpui han hmuh hian ram hmel a lo lang a ni. Zau pui puiin a dum tle hun mai a, chutiange chu thangharte hian an awt ve tawh a, vawiinah accident-a kan thih remrumna chhante pawh hi kawngpui lun lai a la zim lutuk vang a ni. Chumi avang chuan heng hi a hmanhmawh thlak e, tiin kan District khawpui panna hi two-lane angin han kalchhuak sela, a eng ut mai dawn a ni. Zoram hi a mawi dawn a, mipui

zawng zawngin kan chhawr tur a ni, thil tha reng vawiinah hian Pu Deputy Speaker, i veilam amite hian Kohhran Upa an ni emaw, nilo emaw a dik takin Lal Isua chhandamna min pek pawh hi a thalo e a, an ti talh ang tih hi ka hlau deuh a ni. Thil tha sa, hei hi chu Zoram mipui zawng zawngin an duh a ni. chuvangin, he two-lane-a District khawpui panna resolution Pu F. Lal Thanzuala'n a rawn pulut hi a lawmawm em em a ni. Lengpui thlengin kan han ti a, en mah teh u, a vanram kawtchhuah ruih tawh mai a ni. A ropui lutuk, khung khampanga kawng zau pui pui, a sirah a hungna thir rinawm tak tak an han phunte, khung ang khuan Mamit han tlangthla se chu Mamita zin tum lo tawp pawh hi in zin in zinin ka ring. Chutiang chuan, khutah Kawrthah thlengin a kalthla dawn, chutiang chuan hetah Champhai lampang an kuak chhoh lehphei chuan Khawzawl bialtute, Saitual bialtute chu hawp khaia lawmthu sawi tur hi in ni zawk a.

Awle, vawiinniah hian thil lawmawm tak lo thleng mai thei tur kan beisei, nawr chak tura kan duh bawk si hi, a taka a lo thlen theihna tur atan hetiang taka Sorkarin he House zahawm takin lungrual taka kan pass-na a lo awm bawk si chuan hetiang anga kan thil nawra hi chak takin a kal thei ang tih ka beisei tlat a ni. Diktak chuan helaiah thusawi diklo expunge kan dil a, hrut reh kan dil a, khatah kha chuanin Pu Deputy Speaker, kha kha chu subject dang deuh asin mawle, kan rawn tih tur zawk kha kan han sawi ri a, min puan khalh a, a pawl lova, kan inpui tlang vek a nia, a lawmawm a, aw..... ka lawm e.

**PU H. ROHLUNA**

: Pu Deputy Speaker, ka lawm e. Mamit bialtu zahawm takin he House thurawn leh zilhna te min han pe a. i thusawite han thlawp deuh hlek leh

House min han zilh hi a pawmawm viau pawh a ni ange, hun i pe tam deuh hlekin ka hria a, min han zilh deuh hlek chu a ni, a tawngkamah chuan, a ni zawng a patling deuha a awm viau e. Pu Deputy Speaker, vawiinnia kan thusawi, kan resolution hi District Headquarters tin inkalpawhna kawng double-lan-a laih tur hi chak zawka hmalak a nih theih nan Central Sorkarah hmalak ni rawh se, tih a ni a. Double-lane-a laih tur tih a ni. Laih tur hi vawiinah he House-ah hian Central Sorkarin a tih tur nisa hi kan resolution-ah i dinglam atanga thu ten an han pulut thin a, kan han sawiho leh vak thin hi kan tih tur leh a pawimawh hmasa ber a ni em ? tih hi kei ka ngaihtuahnaah hian a lut fova. Indo-Myanmar border fencing-te pawh kha Central-in Manipur lam atangin a rawn hung phei tawh a, tih tho tur helaiah kan lo buaipui vak a. Chutiang chuan vawiin ami pawh Central-in policy a neih sa, North East bik tana min duhsakna special excelerated road programme hnuaiah tih tur a nih laia helaiah hian kan lo buaipui leh vak mai thin hi tul dang tam tak karah resolution an han thelut hi thildang Zoram mipui nghawng zawk deuh leh ram tana tha zawk hi chu han ngaihtuah zawk deuh se, tih hi ka ngaihtuahnaah hian a lian khawp mai.

Tichuan hei vawiina kan kawng, District Headquarter kawng double-lane-a laih tur tih hi DPR (Detail Project Report)

pawh la siam loh a ni a. Chuvang chuan a resolution rawn puluttu Hnahthial bialtu zahawm takin Detail Project Report hi siam thuai thuai ni rawh se, tih ang zawng khan rawn ti hmasa se chuan step by step-in kan kal turah ka ngai a. Chutih laiah hetah a lerah kan han thuai leh ngawt mai thin hi chu Pu Deputy Speaker, a fuh zan lo deuh a ni. Ani phe chu Planning lamte pawh hrechiangtu, a hotu a ni a, chutihruah rual chuan hengte hi chu a kalphung chiang takah hre turah ka ngai a. Ani pawhin ama duhtusam ang resolution nilo tih tirtu an awm ta mai zawkem ni tih hi ka ngaihtuahnaah a awm a ni. Chuvang chuan a step-by-step-in kal ila, a detail project report-te pawh Central-ah kan thehtlakna a rei tawh a, vawiin thleng hian engmah thawm a la awm lova. Chuvang chuan hma hi lak thuai ni rawh se tih ang zawngte tal chuan a zia in ka hria. Chuti ni lova, detail project report pawh la peih hmaa a lera kan han thuai leh ngawt thin hi chu kan tihhmasak loh tur hi kan ti hmasa zawk deuh a ni em tih hi ka ngaihtuahnaah a awm a ni.

Tin, vawiinah Zoram chhunga chengte chu kan la inngaihnathiam viau e. Mizoram State pawna kan Mizo pui tam takte, hnamdang changkang tak tak kara awmte hian kan rorelna sang bera kan thil chai hi min lo nuihzat palh anga, an lo zak ngawih ngawih palh ang tih ka hlau. A step-by-step-a thil kan tih tur kan tilo hi a pawl khawpin ka hria a. Tichuan, resolution, he House-ah hian tam tak kan pass tawh, Member zahawm tak takte pawn an rawn sawi tawh thin a. Tuipang bialtu zahawm tak resolution-te pawh 2004, November thlaah kan lo passed tawh a, he House-ah ngei hian. Ani pawh a mangang tawh a, tun Session-ah Starred Question 80-naah hian engtia hmalak zui nge a nih tih hi he House-ah hian a changtu Minister-ah a rawn zawt leh ringawt mai a ni. Chutiang chu vawiina he rorelna sang bera kan resolution kalpui dan a nih chuan Pu Deputy Speaker, engtingge maw helaiah hian resolution tha tak tak pawh pass mah ila, a umzui lamah hian kan chak chuan si loh chuan, hnathawk theia kan insiam chuan si loh chuan enge maw awmzia awm ang le tih hi a ni ngaihtuah tur awm zawk chu. Helaiah pawh hian a zawhna chhannaah chuan eng anga hmalak nge a nih tawh a. enge a dinhmun tiin Tuipang bialtu zahawm takin a resolution umzui dan kha a zawt a ni. Chutah chuan Kawlchaw to New Latawh kawng hi PMGSY scheme-ah telh a ni a, Phura thleng pawh a la nilo zui lehngal. Phase 6-naah 2006-2007-ah telh a ni a. DPR submit tawh a ni a tih vel a ni. Phura kawng phe chu compensation chungchang avangin 2007-2008-ah telh theih a ni mai thei tih chhanna a ni ta a ni. Anih leh PMGSY-a telh tho tho turte he House-ah hian resolution pass a ngai em ni Pu Deputy Speaker? House-ah heti hian kan pass-a kan sawiho thin a. Central Sorkarah chak zawka nawr ni rawh se kan han ti leh ringawt thin. Mahse, a umzui dan kawngah hian kan Sorkar hian kal ngaihna a hrelo a nih chuan heng ang resolution hi sawiho sawiho a, pass pawh hi a tangkaina pawh ka hrelo. Chuvangin vawiina kan resolution sawiho pawh hi Pu Deputy Speaker, thui tak a kal leh chuang lovang tih ka ring a. A sawi pawh hi a phurawm vak pawh hian ka hre lo. Mahse, Member zahawm tak ten hetiang an han tih hi chuan sawi loh theih lohah ngai ta ila. Chuvang chuan kan rawn sawi hram turah pawh ka ngai a ni.

Tichuan kawng laih hi ropui tak tak a awm thute dinglama miten an sawi thin a. Khawpui tiat tiatin kawng a kal e tihte pawh kan ngaihtla zing khawp a. Mahse, vawiinah hian khatieng khawpa kawng lai

thei si hian hetiang resolution engangin nge a ngaih tak ? kawng tha ropui tak tak lai thei siin vawiinah hian engatinge House-ah hianin hetiang Central Sorkarin a laih tur tho tho te hi hetiang hmanhmawh taka nawr tura kan inphut leh thin hi tih hi ka ngaihtuahnaah a awm bawk a ni. Tichuan, Detailed Project Report-te han siam fel te te sela, chung hunahnte chuan Central Sorkarah chak zawka hma la tur pawhin kan la nawr zui turah ngai ila, a thain ka ring. Tichuan, hei vawiinah a puluttu Hnahthial bialtu zahawm takin Hnahthial District Headquarter chungchangte hi rawn pulut zawk nise chuan kan Sorkar lam leh i veilama thute pawhin kan support hle turah pawh ka ngai a. Mahse khatiang lam ni lovin, District Headquarter pawh an nih hmian District Headquarter kawng a ngaihpawimawh hi a bial mipui hian eng angin nge an ngaihpawimawh ang aw tih hi ka ngaihtuahnaah a awm thin. Chu chu District Headquarter nih chakin harsatna nikum lamah te pawh an siam a, an demand a nasat zia kan hria a. Chutih lai karah District Headquarter thuam thatna tur ang zawng hetiang kawng an han pulut hi chu a bial mipui hian eng angin nge amah hi an ngaih ang tih hi ka ngaihtuahna a zu thlang phak a ni.

Tin, vawiinah a resolution hi han support pawh ka chak hle mai, a tha a ni, kawng tha neihte hi chu. Amaherawhchu, a step-by-step-in kal chho ila, Aizawl South-II bialtu zahawm takin heng resolution hi support ve mai tura kan inggaih lai leh sawiho vak pawh ngai loa pass a, a danga kal chho zel tura kan lo inggaih laiin i veilama thu ten tullo an han ti lehngal dawn a tih ang zawnga, a tira sawi hmasa berin min han tih tak avang khan kan ngaihtuahna kha a letling ve leh ta thawk a, hetiang zawng hian kan han sawi ta a ni e. Pu Deputy Speaker, ka lawm e.

**PU P.P. THAWLA**

:

Pu Deputy Speaker, ka lawm e.  
Hnahthial bialtu Member zahawm tak  
Pu F. Lal Thanzuala'n Resolution  
ropui tak mai, "District Headquarter

tinte inkalpawhna kawng double-lane-a laih tur hi chak zawka hmalak a nih theih nan Central Sorkar nawr ni rawh se" tih, he House zahawm taka sawiho leh pass atana a rawn pulut ta hi a lawmawm hlein ka hria. Pu Deputy Speaker, he Zoram enkawlina House zahawm taka ngaihtuah he tur resolution hi Member zahawm tak tak tena an ngaihpawimawh zawng apiangte kan thawkhawm a, a zavai chu ngaihtuah sen pawh a ni lova, vanneih thilthuah ballot chhuah apiangte sawi leh pass a ni thin a. Chutiang zingah tun tumah hian, resolution engzatnge lut chiah ka hrelo a, chung zinga kan private member resolution pass tur vawihnihna atana he resolution hmel kan hmu ta hi a vanneih thlak hlein ka hria a. Member zahawm tak rawn puluttu tan pawh thil vanneih thlak tak a ni tih ka han tarlang hmasa duh a.

Awle, ka han tarlan tak zeuh ang khan Pu Deputy Speaker, tuna Fifth Mizoram Rorelna Sorkar term 5-naah hian Resolution kum 2004-ah khan Kawlchaw atanga Phura lama kal tur kawngpui sial resolution kan passed tawh bawk a. Tun hi kawngpui sial lam Resolution 2-na kan sawiho tur a ni nghe nghe a. Thil lawmawm tak a niin ka hria. Double-Lane kawng

neih hi phailama zin thangte chuan in hmu fo anga, kal a nuam bik em em a. Tin chubakah han hawi vel pawh a nuam a, kal pawh a hahtamthlak a ni. Keini phe chu tlangram a ni a, kawng zau tak kan neih chuan zin mi tan pawh a hahtamthlak hle dawnin ka hria. Chung vangte pawh chuan District Headquarter tin double-lane kawng pawh tir vek ni thei sela tih vawiina resolution kan pass tur hi sawi phur awm tak a ni. Veilama thu nih tak avanga a phur awm loh zawng emaw, a mawilo zawng emawa han sawisel vak chi ah pawh ka ngai lova, phal pawh ka phal lem lova. Dinglama thu nih tak avanga a sawitu, a resolution move-tu aia fiah zawka han sawia belhchhah tur pawh a awm vak pawh ka hrelo. Phur taka han pass ho nghal mai chi ah ka ngai mai a. Chutiang khawp chuan he kalkawng hi a pawimawh hlein ka hria a ni.

Kei hi Saiha District lam atanga lo kal ka ni bawk a, Saiha District lam phe chu Mizorama District kil ber, Myanmar Border-a awm kan ni a. Mioram State Sorkar, Government of Mizoram tih a nih hnu kum 35 lai kal tawh hnuah hian keini Saiha District chuan metal-road hi Km 89 vel chauh kan neiin ka hria. Kawlchaw - Saiha, Zero - Tuipang a ni mai a, belhkhawmin Km 89 vel chauh hi kum 34 chhunga kan neih a ni. Chuvangin kawng tha hi kan mamawh hlein ka hria a. District Headquarter tin double-lane-a pawh tir resolution han hmuh phe chuan a phurawm lehzualin ka hria, a chakawm hle a. Chuvangin hetiangka kawng tha Mizoram District Headquarter tin tena kan neih theih bun tur hi a nghahhlelhawm bawk a. Chuvang chuan kan House zahawm takah hian phur taka he resolution hi sawiho mur mur chi leh chak tak leh phur taka kan pass ho ngei hi a tha hlein ka hria a ni. Chuvangin Pu Deputy Speaker, chutia han sawichhuah takah chuan nichinah 2004-a Phura kawng kan pass tak thute pawh sawirik a ni ta sa sa, hmalakna chak zawk hei hian a hril tel ngei ang tih ka beisei tel bawk a. Chuvang chuan sawi a phurawm lehzualin ka hria. Heng kan pass-te atang pawh hian kawngpui tha, khilai District pakhatin a mamawh bik mai bak leh Zoram pum inkalpawhna neih belhchhah zel turte pawh hi a ropui hle dawnin ka hria a. Chuvangin, he resolution ropui leh tha tak mai District Headquarter tinte inkalpawhna kawng hi double-lane-a laih hi chak zawka hmalak a nih ngei theih nan he Resolution rawn move-tuin pass pui a rawn ngen ang hian House hian phur takin pass pui ang u tih ka thlawp thu ka rawn tarlang ve a ni e. Ka lawm e.

**DEPUTY SPEAKER**

: Pu Rina hi a pharna a rei tawh mai a, Pu Lalrinliana Sailo i lo sawm ve leh phawt ang.

**PU LALRINLIANA SAILO**

: Pu Deputy Speaker, ka lawm e. Hun ka hman reilo mai thei a. Vawiina kan resolution, Hnahtial bialtu zahawm takin a rawn putlul hi a tha

love ti ka ni lova, amaherawhchu, a puluttu a zahawm tehlu nen lehkhathiam a ni a, hei aia ngaihtuah chian zawk awm takah hian thain ka hria a. Han chhiar vang vang hianin tihfuh loh deuh hlek awmin ka hria a. District



Headquarters tinte inkalpawhna kawng double-lane-a laih tur hi chak zawka hmalak a nih theih nan Central Sorkarah nawr ni rawh se tih a ni a. La pawh lohte tih ni zawk sela, pawh tawh a awm tlat mai a. Nichina Kolasib bialtu zahawm takin a sawi ang khan. Aizawlte pawh a ni tho a, la pawh lohte tih nisela chuan a that ka ring a. Hmanhmawh taka ama han duan a nih ka ring bik lova. Resolution siam dawn reng hian party-in lungruah takin kan ngaihtuah tlangpui thin niin ka hria a chutiang chu a ni tlangpui a. Tahchuan, tunah hian kan pass tho anga, ban tam zawk na na na chu min pass sak ngei ang a. Amaherawhchu, a aia awm zawk hi party hian ngaihtuah sela chu a tha khawp mai. Hei hi a awm love tihna ni lovin, a aia pawimawh zawk a awm a ni.

Pu Deputy Speaker, C.P.A. a North East-a kan kal tum khan keipawhin thu ka sawi ve a, a copy pawh i hnenah ka pek tawh che kha. India Sorkarin Silchar – Porbandar double-lane corridor a buatsaih a. chu chu Mizoram hi thleng ve rawh se kan ti a ni. Keipawhin khutah ka sawi a, kan Member zahawm tak Pu Thaa pawh a awm a ni. tin, kan Secretary hluite nen kan kal a ni a. Hemi hi a pawimawh hlein ka hria, ram thil tak tak tan. Hei hi a pawimawh lo ka tihna ni lovin a pawimawh zawk a awm a ni. Kan ram in kan mamawh tak tak a awm a ni. Entiman, kan thlai tharte, kan engkim mai hi double-lane mai nilo, Four-lane corridor hian Mizoram a thleng ve lova, Silchar a tih kha NDA thil tih a ni a, a pawi kati a, ka'n sawi ve a ni. Amaherawhchu, engpawh nise, Resolution siam hi a chak vak thei lo ve hrim hrim a, chumi tum chuan North East pum puia thlawhna tha zawka a service theih nan leh kan hnufualna hi thawm that ni rawh se tih pawh a North East pumpui ang khan kan pass a ni a. Chung pawh chu eng teh ruai a ang bik thei lo mai thei a ni. Chutiang chuan Resolution kan siam dawn hian kan ram pumpui tan kan hnam zahawm nan kan ti tur a ni. Vawiina kan tih nghalte hi chu Delhi, Mumbai, Bangalore, phai lama zirlai thiam tak tak tawhte hi chuan ropui an tih ka ring lo a ni. A chhia e ka ti chuang lo, amaherawhchu, hei aia tha zawk hi hetiang Sorkar/member reng ruang hi chuan kan ngaihtuah chhuak thiam tur a ni ka ti a ni.

Tin, chumai ni lovin hei kan hriat angin kan sawi tawh a, Member zahawm tak ten tam nasa tak a tla dawn a, Mautam tihte, khang kha kan rilruah lianin ngaihtuahna nei ta zawk ila, khangte kha pulut ta zawk ila, kan pulut dawn rau rau a nih chuan, khatiang kha a that zawk ka ring. Chuvangin ram kan kaihhruaina tur kan ziarang a lang hlein ka hria a ni tah hian, haw hawin kan ngaihtuah mai mai niin ka hre deuh tlat a ni. Tunah hian kawng, kan mamawh phuhruk zual hi chu District tinah hian a lut tawh a, motor a lut a ni. Kan Sorkar pawhin tan a la tho mai, District capital tinte kawng a pawhna pawh hi a ngaihtuah thovin ka hria, hengte chu khawvel changkan dan a zira a rawn ken ve hrim hrim turte pawh a la ni a. Chuvang chuan kan thalai chungchang, tunah Employment Exchange-ah lehkha thiam 50000 chuang tunah hianin an in Register niin ka hria a. Chung ang hna nei lo harsatnate chu engtingge niang tia ngaihtuahna neih zawk pawh kha a that ka ring a. Chuvang chuan sawi vak ngaihna pawh hi ka hre lo. Lehlamah chuan, a ho han ti ila, a puluttu a zahawm a, a ho tihsak vak kha chu ka duh lem lova. Amaherawhchu hei aia tha hi a ngaihtuah theihin ka hria a ni. Tin, han pass tehreng pawh ni ila, a hrim hrimin a bawhzui kawngah hian, hei

kan passed tawh a, nichinah kan ngaithla tawh a, kei ka rilru tak tak hian Phura te pawh kha, Pu Deputy Speaker, motor thar min pek khan ka va thleng pheì ve a nia, helai M.L.A. kan nih anga motor kan nei ve khan, kawng a chhiat zia chu nasa tak a ni. A ram that zia leh Agriculturer Potential, Agriculture lam atan pawh a that zia saw, ka hmu a, a uiawm ka ti tak meuh meuh a, sawtia hlamchhiaha a awm saw chu, ka fiamthuin perek pawh vitphun ila, a to dur dur thei ang tih khawp kha, a ram that zia chu a ni a. Sawngte saw kan ngaihtuah lo tak meuh meuh hian ka hria a. Tin, kan Sorkar hrim hrim hianin hetia a rethei zawk leh a hnufual zawkte i ti mai ang, tawng mawi lo ni suh se ! a rethei zawk leh a hnufual zawkte hi a ngaihtuah lo niin ka hria a. tunah pawh hian a dang 10 lai a ni a, khalam hawi kha thlang fuh lo pawh ni ila, a dik lo hrim hrim a. Heng 6-na pheiah hi chuan Silchar - Aizawl National Highway 4 lane-a lai hi hma chak zawka la turin Central-ah nawr ni rawh se tihte a ni a. He mirethei leh kut hnathawktute hawi zawng hian ngaihtuahna a nei lo hrim hrim a ni.

Hmanni pawh khan border fencing-ah khan Resolution-a lut tur rau rau hi ram tana pawimawh em em hi a ngai a ni. Kan mamawh hi a awm a ni. Border fencing kan sawi tawh a, khawthlang lamah an rawn hung tawh a, chhak lamah Manipur atangin an hung tawh si a, a karawl chhe te hi hung ngei ngei tur tih kha kan passed leh tlat mai a ni.

Hman kuma khawthlang lama Serthlum tãm nasa lutuk kan zu hmu a, rilru a na, khangte kha tanpuina leh chhawmdawlina tur angin hei hi disaster angin ni rawh se kan ti a (term a dik lo deuh a nih pawhin) khangte kha a han tla hlawm leh tawp mai a, kan rilru put phung reng reng a hi a ram mipui chhawr tur tak tak ang hi ni se thain ka hria a. Border fencing pheì chu ngaihtuah let leh hian tha lo em em mai ka hria a. A chhan chu 1-naah hei, Mizo hnahtlak inpumkhatna kha a hawh phel mai thei a ni. Kan hria a, Korea an inthen tawh a, an intawkkhawm leh T.V. ah te kan hmu a, an hlim zia, chutiingin German Wall a han chim a, mihring hlim zia, kum 70 chuang tawhte, kum tam tak inhmaw tawh lo an inpawm lehte kha. Issaka ten an ram an ngai ang deuha Mizoram ngai ngawih ngawih tam tak an awm a, chung chu kan hreng phui tlat dawn a ni a; engemaw chen hi chu kan indaidang dawn hrim hrim a ni kan Zo hnahtlakte hi. Chubakah, nichinah kan ngaithla a, heng ramsa Mizorama vang tak tak ramsa lian pheì chu, Sai, Sele, Samak leh Sakei ang te hi kan hung phui vek dawn a ni a, inkalpawh a, intlat pawh thin an ni. Chuvangin kan Resolution putluh duh dan reng reng hi Sorkar rilru a lang a, sum leh pai Central atangin a lo kal a, engmah opposition bial leh bial lo thliar lovin an rawn pe a, keinin haw hawin kan lo hmuak a, Bawngruah chil angin kan nawr liam leh mai a, chu chu he Sorkar ka hmuh dan a ni.

Chuvangin hetiang Resolution hi tun hnua chuan..... hei Session pawh kan nei leh anga, ram hnuk tak tak khawih thei hi Resolution-ah hian rawn draft ve tawh se ka ti a ni. Mipui hnuk khawih tak tak leh thalaite tana hmakhua phuisuina tura ngaihtuahna sanga ti turin ka duh a. Mahse, he Resolution hi keini hian a chhia, i hnawl ang kan ti a ni chuang lova, mahse, nidangah chuan Sorkar hian fimkhur deuh tawh se, Sorkar zia a lang a ni.

Hetiang ang mai mai Resolution kan nei hi pawl ka ti a, chu chu ka rawn sawi ve duh a ni. Ka lawm e.

**PU SAIKAPTHIANGA**

: Pu Speaker, thil ka lo hre fuh lo nasa hle a, vawiin hian Private Resolution, hmannia No. 2, Pu Andrew Lalherliana Resolution.

Aizawl leh khawpui lian District Headquarters-ah te tui harsatna sukiang turin Rain Water Harvesting Scheme lian tham leh mimalin a theihna apiangah siam ni rawh se tih kha ka lo buaipui ve a, kan Dante ka lo bih a. A pahnhna kha kan sawi mai thin kha a ni si a, Amendment-te tih a, Zokhuaah pawh tih ve nise tih kha thun ka lo tum nasa mai a, mahse, an lo vawr tha a lo ni a, kan hlui deuh tawh a ni ange.

Mahse, hei vanneihthlak takin Pu F.

Lal Thanzuala, Planning Board Vice Chairman, keini aia thil hre daih tur private resolution sawihona tur remchang a lo awm a. Ka hma Member khan Private Resolution kha Sorkar tih ang deuhkhan a sawi, Private Resolution a ni a, khalai kha kan ngaihrawlh deuh em tih ka lo ngaihtuah mai mai a. Tin, kut hnathawktute lam hawi a sawi kha a chakawm hle mai a, ka bula Member Pu Suama ka zawt a, an thehlut em ? ka ti a, heta list-ah hian a awm lova, kut hnathawktute lam hawi Session lehah chuan sawiho turah inngai ila. Kan private resolution neitu hian keini aiin thil a hrechiangin ka ring a. Chuvang chuan Central Sorkarina an ruahmanna hi nawr a ngai a ni tih hi a hria a, chuvang chuan Central-ina an ruahmanna hi nawr lova nghah reng hi chu, tu Sorkar mahina a tih ngai a ni lova. State 28 leh U.T. engemaw zat kan awm a, North East-ah pawh Sikkim an lo telh hnuah chuan State pariat, Seven sister ni thin kha Eight sister kan lo ni ta a. North-East State tana ruahmanna Central Sorkarin a siam pawh hi nawr, ngen, sawi fo hi a ngai a ni. Chuvang chuan kan Vice Chairman, Member zahawm takina a rawn tih chhan niawm hi nawr a ngai hle a, khawvel hi inchuhna ram a ni a. Kan Chief Minister zahawm takte pawh hi Chief Minister theuh, State-ah thil tithei ber ni chungin Central-ah hian inchuh chang an ngah ve a. Chutiang atan chuan he resolution hi a pawimawh em em ang tih ka ring a. Tin, he Scheme hi kan han hriat ve mai mai dan chuan phase hnih tur atana buatsaih a ni a. Phase A leh B, Phase A hi thawh hmasak tur a ni a. Chuvang chuan Mizoram hi Phase A-ah a tel ngei em ? tel ngei lo em ? keinin kan hre ve pha lova, chutah chuan a lo tel lo a nih pheichuan he resolution hmang hian tel ngei ngei tura nawr a ngai a ni.

Tin, Phase A-ah pawh chuan, State tam tak a awm dawn avangin Central-ah thuneitute hnenah kan hotuten an nawr dawn chuan DPR te pawh chu State Sorkar mawh a nih chuan, rang taka an tih theih na tur atan khan thil kha inkamki vek a ni a. Member zahawm takte khan Central-ina a tih tur tho a ni a, helaiia lo tih ve hi, kan sawi uar viau a. Central hian tih tur a ngah mai a, State tinah rampum huapa rorel thin leh ruahmanna siam thin a ni a, chu chu nghak vek mai dawn ilang chuan keini ho hian tih tur kan nei tlem ngawt ang. Chuvang chuan vawiina kan Member zahawm takina he private resolution a

rawn pulut hi, a Sorkar lam leh helai Member lokal khawm zawng zawng hian lungruual taka kan pass mai hi a tha mange ka ti a. Thildang hla deuh han sawi dawn chuan sawi tur tam tak a awm thei a. Chuvang chuan, duhthusam phei chuan hei ai hian la ziah belh ila, Phase-I-ah hian tel ngei turin tih lo ziak ila tha tur. Phase A-ah hian tel ngei tura nawr ni rawh se la ti nghe nghe ila a tha mange ka ti a. Central-in District headquarter chu kawngin a thleng vek tawh tih a hria te kan ti a. a hre nameuh mai a. Chuvang chuan double-lane an rawn buatsaih a ni a, Central ngaihtuahna zawk a kha kan zu zir chian a ngai a, kawng tinrengah India ram hian nasa takin hma a sawn a, chu hmasawanna chu keini pawhina a zar kan lo zo ve theihna tur atana ruahmanna chu chak taka a kal theihna tur atan, chutianga chu Resolution-a kan bawhzui ngei kan tihmakmawh a niin ka hria a ni.

Tin, hengah pawh hian Aizawl - Lunglei, Sihar - Aizawl, hemi kan kawngpuite hi an pawimawh em em a ni. An rawn thawh hmasak tur atan hian Aizawl - Mamit, Aizawl - Champhai, hengte hi a pawimawh leh zualin ka hria a. Hengah hian rualban lohna a la nasa em em a. Chuvang chuan he Resolution behchhana a ruahmantute leh thuneitute Sorkarin a nawr dawn a nih pawhin, Mizoram, a dung zawnga hmalakna tam tak tawh bawhzui ringawt ai chuan Mizoram vang tan zawnga hmasawanna, tin. India Sorkar pawh hian tuna a tum lian nia lang chu Tripura atanga Bangladesh rel chawlhna hnai ber Akanra an tih atanga herah Tamu Section-ah, chutianga Truck lian englaipawha kal thei tur, foreign trades kan tih fo mai, international trade kan tih fo mai, helaiah hian kawngpui lian tak, kawng tha tak, eng hunah pawha Truck-in quintal 250 a phurh pawha gear nuam taka a tlan theihna tur hi India Sorkar policy lian tak a niin a hria a. Chung bawhzuiina atante pawh chuan he kawng hi, he scheme leh vawiina kan Resolution hi a pawimawh ngawt ang tih ka ring a. Chutianga ang zawngte pawh chu he Resolution bawhzuitu tur chu he House-a tih bakah kan Sorkar hotute an ni dawn a., chu ngaihtuahnate chu hmang tel thei se thain ka ring a. Hei India ram hmasawanna nasa zawk, insum dawn tawnnate pawh changkang zawk, India ram ropui zia puanchhuah hi India ramina tunlaia a ngaihtuah nasat em em a ni a.

Hmanniah kan sawi a, chhim lama Port lian tak lo awm turte chutianga ang chu a nih avangin he programme tel lo pawh hian hun lokal zelah ala rei deuh turah pawh ngai ila, hemi kan lamlian tlangdung hi chu a chei dawn hrim hrim a ni. Chumi rual chuan avang tan zawnga Mizoram chei ve hi a hun hle ni te pawhin a lang a, tin, India ram Sorkar ropui tak tuna a insingsak mek danah chuan Look East Policy te leh vawiina he House-a sawi atan a mawi em ka hre lova, Myanmar-a Sipai Sorkarna harsa tak mai pawlh dalna tur atan pawh hian Mizoram atanga hmasawanna India ram Sorkarin a ruahmanna atan hian tunhmaa India Sorkar a tui tehchiam loh Myanmar leh India ram inkara ramri hung tihthe pawh hi Manipur lam atangin a rawn tan ta niin a lang a. Hetia hawn huai ai chuan mumal zawka siama chuta tanga hmasawanna hi chak zawk leh Myanmar-a India influence pawh hi mumal zawka thun luh a tum ta niin a hria a ni. Chuvang chuan chung zawng zawng nena dah khawm chuan vawiina kan Member zahawm tak Planning Vice Chairman ni bawkin Private Resolution a rawn putluh hi a Sorkar lam leh a Opposition lam pawh sawi lovin kan zavaiin lungruual takin pass ila. tin, kan Sorkar thuneitute pawhin he Resolution hi chak taka bawhzui turin ka'n ngen duh a ni. Ka lawm e.

**PU SAILOTHANGA SAILO**

: Pu Deputy Speaker, kan thua kan kal hmam tawngkam hnih khat chauha thuhma han neih ka duh a. Pu Deputy Speaker, kan Resolution siam dan pawh hi chi hnih, ngaihtuah ngun deuh hleka chi hniha siam hi a tha awm mange aw ka ti a. Pakhatnaah chuan, National Level zawimuanga tih theih tur niah ngai ila. Pahnihnaah chuan hemi kan State Level vawiinni la la pawha Resolution kan pass-a, a tuka ei theih mai tur ang chite hi neih a tha awm mange tih ka rilruah a awm a. Entirnan, kuthnathawktute harsatna Sorkarin naktuk atang chuan thingtlangah in tinah pawisa chuti zat chu a pe ang tihte lo resolve ta ila, a tukah Sorkarin action a la nghal mai thei dawn a, a tha riauin ka hria a. Tin, chulo lelah chuan kan rilrua awm tur nia ka lo hriat ve mai mai chu ramdang daih han sawi ta ilang, America ram, khawvela ram ropui leh hausu ber, khawvelah remna leh muanna awm theihna tura ban phartu, khawvela mirethei zawng zawngte lainattu leh khawngaihtu, tanpuitu tam ber, khu ramah khuan India mi hi, a figure ka nei a, mahse ka keng lova, ka sawi sual palh takin rinthuin han sawi ila. India hi a nuai tel takmeuh kan awm a, millionaire engemaw zat an awm a, scientist engemaw zat an awm a ni.. Khungah khuan kan Mizote a tam thei ang ber awm dan tur ngaihtuahin leh tin, U.K. ah te pawh chutiangan India mi engemaw zat an awm a. Doctor thiam rual engemaw zat an awm a ni. Khangte kha kan resolution-ah hian Pu Deputy Speaker, tel thei thin se a tha mange aw ka ti a, ka rilruah a lo awm a, chu chu ka'n sawi hmasa duh a.

Tichuan Pu Deputy Speaker, vawiina kan resolution, Pu F. Lal Thanzuala, Hnahthial bialtuin a rawn putlul District Headquarters tinte inkalpawhna kawng double-lane-a laih tur hi chak zawka hmalak a nih theih nan Central Sorkarah nawr ni rawh se a ti a. District pariatte tiangin keipawn ka lo chhiar thova, District Headquarter a tih hi Mizoramah District pariat kan awm a, chungte chu a economic tawng takin hei hi a hmanhmawh deuh a, a rawn move-ah ka ngai mai a. Pu Deputy Speaker, kan resolution-a a lokal takah chuan heti zawnga han sawi ve hi ka duh a. Tichuan, rilrua lo lang chu han sawi ta daih ila. Tunhma, Brig. T. Sailo Chief Minister lai khan Silchar to Lunglei thlengin kawngchhia a ngaipawimawh a, theihtawp a chhuah a, a tawi zawngin sawi ila, National Highway-ah ni turin Central Sorkarah a nawr a, an rawn tihlawhtling a, tichuan, an rawn lai a, engemaw chen a kal hnuah vawiinah chuan an thawk chak ta lo hle a. Chutiang ang bawh chuan Mizoram chhungah North leh South, East leh West corridor kan han tih ang chite pawh hian hmuntinah kawng hi chhuak turin an lo hisap vek thin a. Mahse, kang zawng zawng kha vawinah chuan a lo fail ta teuh a, tun hi kan thleng taah ngai ilangin. Tichuan, economic tawng takin kalkawng tha hi nasa fein a man a tlawm zawk a ni an tih hi Pu Deputy Speaker, ka pawm chiah mai a. Tichuan, he District tinte tih zawng hian kan sawi anga Pu Deputy Speaker, sawinaah chuan. A double-lane laih a tulna leh pawimawhnate ka'n sawi ve thuak thuak anga. Tin, khumi U.P.A. Sorkar, National Common Minimum Programme-a an pledge-te zingah tuna kan sawi hi a telin ka ring bawh a ni. Tichuan, a point hi han sawi zawr zawr ila, kan hman leh kan sawi leh anga. Saptawngte han hmang ve hial ilangin, Central Sorkarin priority a pek. tuna kan resolution kaihhnawih zel hian min lo ngaihtlak sak ulangin. Central Sorkarin priority a pek infrastructure

physically-a awm tura a duh thute leh 2-naah chuan Comprehensive Programme of Rural Development tihte leh tunhma chuan Reasonal Development Centre leh State Relation chungchangte leh he kawngpui kan lo neih that chuan 4-na. Reasonal Imbalance tam tak hi a sukiang thei dawn a. 5-naah chuan, hemi Central Sorkarin a ngaih pawimawh em em Special Economic Package an tih zingah hian kei chuan tel thei turah ka ngai a. 6-naah chuan, kawng tha hi a pawimawh em em a. pawimawhna chhan tam tak a awm anga, chung zinga pawimawh berte zinga mithiamten an sawi thin chu kalkawng kan lo neih that chuan economic road nasa takin a pung dawn a ni, an ti a. 7-naah chuan, he kawng tha kan lo neih chuan farmers-te leh workers chi hrang hrangte section of the workers-te pawh ti ila, a dik ang chu. Heng hian nasa takin hlawkna an lo hmu thei dawn a ni a. Chutiang zel chuan Central-ah kan nawr dawn a nih rau rau chuan anmahniin an lo pledge tawh, an lo intiam angin special assistance to upgrade and expand infrastructure for North-Eastern, tih a ni a. Tichuan, Pu Deputy Speaker, he Hnahthial bialtu zahawm takin Resolution a rawn putlul hi sawi ang khan a support zawnga sawi ka duh flat a. A chhan chu a pawimawh a, District pakhat mai a ti lova, District-te a tih avang hian Mizoram chhunga District 8 ten vawiina kan sawi tak ang khan double-lane kan lo neih hunah chuan nasa takin kan economic hi a thang chho thei turah ka lo ngai ve a. Tichuan, mithiam ten kalkawng tha hi nasa takin a man a tlawm zawk a ni, tih kha practical-in a lo dik chho anga, kalkawng tha tak surface tha henhawn a kal chuan nasa takin Petrol consumption-te leh a Oil chi hrang hrangte leh Motor part chi hrang hrangte pawhin a him phah zawk a.

Chutih laiin, kalkawng chhia, han laiin mai a boulder phahna a han kal hi chuanin Motor hian a tuar em em mai a, a chhiat phah a, a tlo loh phah a ni. Tichuan, chutih laiin kawng tha kan neih chuan Motor-in kawng tam takin Oil consumption leh thildang dang kan lo sen tlem phah anga, chutih laiin an rawn sawi ang khan kan farmer-te leh worker ho zawng zawng hianin nasa takin an chhawr thei ang a. Thingtlang khaw hla tak atanga zan hnih/khat riaka an thar chhuah te te, an thlai tharte pawh a ni ang chu. chung ni hnih/khat, nikhat dawn dawn rawn kalpuia, an thang chhunga lo chhe vek thinte kha awm tawh lovin, darkar hnih/khat lek chhungin District Headquarters emaw Aizawl khawpui emaw an lo thlen theih phah tawh anga, chung hunah chuanin Pu Deputy Speaker, nasa takin kan economic a rawn thang chho tawh ang. Tichuan, infrastructure a lo awm chho zel anga, Regional Development, Central leh State nasa takin a lo pung bawk ang a. Tin, Regional imbalance kawng hrang hranga awm thin kha hei hian nasa takin a rawn khuh bawk ang a. Tin, pawimawh ber pakhat chuan, regional imbalance tam tak lo awm thin, min pe ve love, min ngaihsak love kan tih thin tam tak kha he double-lane, District tinte a lo chhun hunah chuan khang vui leh vaina te kha a awm lo sawt ang.

Tichuan, Pu Deputy Speaker, Hnahthial bialtu zahawm tak Pu F. Lal Thanzuala resolution hi a tha ka ti khawp mai tih ka rawn sawi ve a ni. Ka lawm e.

**DEPUTY SPEAKER** : Ngawi rawh, hei Member dang kha. a Minister lam kha chu lo la hai thei ula, ka'n ngen duh deuh che u a. Pu Vanlalthaliana kha i ko leh phawt ang.

**PU H. VANLALTHALIANA** : Pu Deputy Speaker, ka lawm e. Hei vawiinah resolution pawimawh tak mai District Headquarters tinte inkalpawhna kawng double-lane-a lai

tur hi chak zawka hmalak a nih theih nan Central Sorkarah nawr ni rawh se tih Member zahawm tak Pu F. Lal Thanzuala rawn putluh hi ka support thu rawn dipui ve ka duh a. M.L.A., Pathian khawngaihna a zara ka nih ve atang khan Mizoram development-a ka ngaihpawimawh, kalkawng chungchang a ni a. Keini bial lam phei chuan kan mamawh ngawih ngawih a nih avangin sawi tur hre tam lo mahila ka support thu tlem tal han tarlan ve hi a tulin ka hria a. Hun min pek avangin lawmthu ka'n sawi zui bawk a ni.

India ramah phaizawl leh ram tha pui pui a nih laiin kawng tha tak takte an nei a, chuti chung chuan India Sorkar hian a ngaihpawimawh a nih ka ring a. NDA hunlai atang khan a ni in ka hria, ka hresual palh mai thei a, India ram khawpui lian pui pui metropolitan cities ho tlawh tura Golden Quadrilateral Road te, West corridor te, North-South corridor te an han ruahman atang hian kalkawng pawimawh zia leh India Sorkarin a ngaihpawimawh zia a langin ka hria a, Member tam tak khanin programme awmsa tih tho tho tur ngaihpawimawh a ngai hleinem, a kal mai dawn alawm tihte leh guide-line chhungah lo chuan a nawr theih hleinem tih te an han sawi zawng zawng khan he, vawiinnia resolution hian a nihna tur dik tak, a kalkawng tur dik tak a zawh niin ka hria a, khalai kha han tarlan kha thain ka hria a. India sorkarah State hrang hrang kan awm a, U.T. engemaw zat an awm bawk a, State tam zawk hi mahni kutkea ding mumal theilo Central puihna ngai kan nih avangin India Sorkar laipui nasa taka nawr ngai kan ni hlawm a. Chutih lai chuan India Sorkarin ka sawi tak ang khan kalkawng a ngaihpawimawh em em mai a, Delhi atanga Kolkata, Chenai, Mumbai, Delhi, a kara khawpui lian zawng zawng kawngpui lian a tlawh tel vek a, kawngpui duan ang te, North-South corridor, Kanya Kumari atanga Srinagar tlawh a, a inkar kawngpui leh khawpui lian zawng zawng kawng thain a tlawh a, four-lane-in a tlawh vek tur te, tin, East-West corridor, Porbandor atanga Silchar bul Boha thleng maia an ruahman te atang hian India ram mipui mamawh, India Sorkar ngaihpawimawh a nih zia kha a langin ka hria a. Chutih lai chuan nichina kan sawi tak ang khan Special Accelerated Road Development Programme, India hmarchhakte tan buatsaih a lo ni zui ta bawk a. Hemi behchhana Mizoram District tinte inkalpawhna tur kawng Central sorkara bawhzui chu kan tih tur dik tak niin ka hria a. Kan District, Mizoram chhunga District hrang hrangte hi kawngpuiin pawh ve bawk mahsela kan kawngpuite hi a te em em mai a, a dik chauh chuan, kawngthlanga tlanliam ai maha hlauhawm chu kawng kawia insut pawh hi niin ka hria, kan kalkawngte hi. Chutiang khawpa kawng zim nei kan nih avang chuan, he resolution rawn lut a hi Member ten lungual taka

kan thlawpa kan hotute a nawr tute kut tichak zawnga ro kan rel kha fuhin ka hria a. Nikumah khan Public Accounts Committee (PAC) hmingin Sikkim kan tlawh a, kan Chairman zahawm tak Pu Lalduhoma hovin kan kal a, an kalkawng kha tlangram kawng chhe ve tak a ni a, kawng kawi chhe tak, motor insut hlauhawm tur awm hi a awm miah lovin ka hria. Luikawr a zawh chhuak tluan parh a ni a. Chutianga Luipui zawh chho kawngpui anih chuan kawngpui a sei dan tur chu kan hriat ka ring a. Chutiangah pawh chuan kawng tha tak mai double-lane-a kal chhuak parh a, kan ram kawng Silchar leh Kolasib tih loh hi chu insut hlauhawm deuh vek a ni. Helai pawh hi en ta ila, a kawi, blind curve tak tak a tam mai a ni. Chutiang ka ngaihtuah chuan tuna kawngpui, he resolution lokal ta hi kan Mizoram District tin inpawhna lam mai pialhama kan ram chhunga kawng awmsate siamthatna leh thuam thatu, a siamtha zawnga hmalak tirtu a nih ka ring a, chutiang hawi zawnga Member zawng zawng tena rilru kan put kha thain ka hria a ni.

A tulna leh a pawimawhna tam tak chu sawi tulin ka hre lova. Amaherawhchu, he kalkawng, Zoramina kan mamawhna hi sang hlein ka hria a, hmundang aiin, State dang aiin. Tlang ram vek a ni a. Rel kawngte emaw, Thlawhna tumhmun kan neih pawh kan hre theuh mai a. Instrumental Landing System vuahte pawh harsa khawpin kan ramin a zir lo a ni. Chutih lai chuan kalkawngpui kan mamawh ngawih ngawih cheithatna tur atana a ho em mai, a tul love tih ang zawnga ngaihtuahna kha chu kan ram dinhmun en hian a dik dawn emaw ni le. ka ti deuh a ni.

Chuvang chuan, Member zawng zawng ten ngaihtuahna thar kan sen a thain ka hria. Hemi kawng, kalkawng lo hi kawng tha tihtlak tak tak nei tur chuan Mizoram dinhmun hian a zir thlawt lova. tihfe, nasa taka bawhzui ngai vek a ni zawk dawn a ni. Amaherawhchu, kalkawng chu, hei a ruangam kan nei tluan deuh vek tawh a, District tin pawh phei chuan, a bik takin Aizawl atanga Mamit, sawmi Dapchhuah atanga a piah lam phei chu Truck tana kalna chi pawh niin ka hre lo a ni. Chutianga kawng chhia a la nih laia, double-lane ni tura India sorkarina a lo ruahman han bawhzuite chu khawthlang lama awm zawng zawng tan chuan chakawm lutuk, mipui pawhin an duh ngawih ngawih a nih hi ka ring a ni. A hming chuan keini hi Lawngtlai District-a awm kan ni a. Lawngtlai te chu min pawh ve a, BRTF road, National Highway No. 54 hian. A tha viau nachungin nikhata zing dar 6:00 A.M. a kan chhuah hian, tlan chak phei chuan tlai dar 4:00 P.M. ah kan thleng thei a, chu chuan kan kawng that tawk loh zia leh siamthat a ngaih zia arawn tarlangin ka hria. Km 300 pawh a tling chiah lo deuh a, Aizawl atanga Lawngtlai hi. Hman kum khan, 2005 khan Guwahati atangin Dhubri-ah Aizawl atanga Lawngtlai chen deuh chiah vel niin ka hria a, motor ka khalth a keiman, darkar 5 pawh kan kal lo a ni. Double-lane a ni a. chutiang dinhmun atanga en chuan kan rama kan kalkawng mamawh siamthat theih zawk ngei, improvement theih, a tul ta lo anga kan ngai hi kan thutna danglam vang em ni? ka ti deuh a ni. Chuvang chuan, ngaihtuahna kan sen a, kan ram mamawh ang taka helaia thukhawm zawng zawng tena ngaihtuahna kan sen a, he Resolution hi kan thlawp tulin ka hria a ni.

Kan duhtusam ang thlapa thil a kal lo a nih pawhin, kan sawina kan neih theih tawk, kan neih that theih ber hi kan



ngaihtuahnaah awm hram se thain ka hria. Chutih rualin kan hotuten an sawi tak ang khan, a guide-line chhunga awm, a Norms ang thlapa nawr theih a. India Sorkarina a chhawp chhuah sa a lo ni baw k a, chuvang chuan, he programme hi theihtawpa kan nawr chuan kan ram hmasawna ropui tak a ni dawn a ni tih a tarlangin ka hria. Hemi piahlamah hian duhthusam thei pheii ilang chuan, Sub-Division zawng zawng, thingtlang hmun zawng zawng hi double-lane-in chhuak vek sela, tuna Mizoram dinhmun hi tun ang ngawt ai chuan a danglam ka ring. A dik chiah chuan, Kawlchaw - Tawngkawlawng Road kan sawi pawh kha, nichinah pawh khan ka sawi tawh a, Mizorama Mizo hnahtlak chi hrang hrang kan inpumkhat loh lutukna pawh hi kan kalkawng chhiat lutuk vang hi niin ka hria. Motor kawng kal thatnaah chuan Mizotawng kan thiam vek, Mizotawng thiam lohna tak tak hmun Zo hnahtlak awmna hi chhut ta ila, kawngin a pawh lohna leh kan intlawhpawh phak loh lutukna a ni. Chutiang dinhmun atang pawh chuan kan Mizo Integration atan pawh kalkawng hi chu tulin ka hria. Chuvang chuan, he Resolution hi duhthu a sam lo deuh a nih pawhin, a kalkawnga kan mit a tlung lo deuh a nih pawhin Mizoram mamawh a ni tih hi he House zahawm tak hian kan pawm tlan a, kan thlawp hi a tulin ka hria a, karawn dipui a ni. Kan duh dan ang ringawt a, kan ngaihpawimawh lai ringawt kan kalpui chuan engmah kha tihpuitlin tak tak theih a ni lova, a mamawhna leh a tulna atanga bul kan tan tawp hi kan ram chuan a mamawh niin ka hria. Chuvang chuan Pu Deputy Speaker, he resolution hi he House-ina kan mamawhnate ngaihtuah a, kan dinhmunte ngaihtuah a, kan pass hi a tulin ka hria. Ka lawm e.

**DEPUTY SPEAKER** : Kal lehzel hmian Member-te kan inrawn tlan zel tulin ka ring a. Hei kan hun pangaiah chuan dar 4 kha ban hun chu a ni a. Sawi lo kha in la awm nual mai a. Hei kan House Leader-te, Oppotition group Leader-te pawh kha la sawi turah ngai ta ila. Tin, hei kan Minister-te pawh an phar ve zauh zauh baw k si a, MLA te pawh an la phar zel baw k si a. Engtinng e ni ? kan sawi zel mai dawn em ni ?

**PU ANDREW LALHERLIANA** : Pu Deputy Speaker, Speaker khan a puang tawh a, "dar 4 pel lo ila" a ti a, kan aw thlap tawh mai si a. Chuvangin sawi tur kha kan House Leader-in a sawi duh pheii chuan. Wind-up Resolution puluttuin a sawi a ngai leh baw k si a, mi pahnih khat bak an leng tawh lo a ni.

**PU LIANSUAMA** : .....ang chu mawle. Pu Deputy Speaker.

**DEPUTY SPEAKER**

: Pu Liansuama, i ding ul mai si a.  
Pu Zama, Dr. Lalzama hi a phar rei  
riau mai a, koh ka'n lo tum a sin.

**PU LIANSUAMA**

: Pu Deputy Speaker, vawiina kan  
resolution hi a tha khawp mai a, ka  
hmaa mite sawi kha ka thlawp a.  
sawi nawn vek lo mai ila. Resolution  
a lo luh a, tha ti si, tha lo deuha sawi hi a hrehawm khawp a. Ruling nih laia  
opposition atanga resolution tha deuh mai pawhfuh ni si han dan thlakte hi a  
hrehawm khawp a. Chutiang chiah chuanin Ruling lam atanga lo chhuak opposition  
atanga tha tihruk si han sawi hnawm vel hi a hrehawm ang reng khawp a, a tawn  
tawn hian ka lo awm zauh zauh tawh a. Chuvang chuanin opposition lama kan  
thiante hi ngaihthiam tur an ni tih hi ka thuhma a ni.

Kalkawng hianin kan ram hi  
tunhmate nena ngaihtuah chuanin kan hmasawna atan a contribution hi a sang  
khawp a. chuvang chuan District Headquarters tinte double-lane-a han pawh ruih mai  
tur han ngaihtuah hian han duh loh phal chi a ni lova, a lo luh dan hi a famkim lo  
deuh hret a nih pawhin a siamthat theih mai a. Keini khawthlang lam bial tan phei  
chuan a pawimawh lehzuai a. Lawngtlai bialtu zahawm takin a sawi ang khan  
Dapchhuah atanga Mamit panna kawngte angte khu vawiinah chuanin Petrol phur  
Motor a ni emaw, Gas phur motor-ten a full-load-in an kal hlei thei lova. Chuvang  
chuan he Resolution hi kan mamawh ngawih ngawih a ni. Champhaiah January thla  
tir khan kan han kal a, kawngtluan khian a bikin Khawzawlah te, Saitual velah te,  
hmuntinah khian zauh tumna hnuhma a lo lang a, a lawmawm khawp mai.  
Chutiang bawkin Saihaah thla hmasa chawhnu lam khan kan va zin a, Tuipang bialtu  
zahawm takin a sawi ang khan an mamawh ngawih ngawih a ni. Pathian thuah chuan  
kan mamawh zawng zawng chunglama miin min hriat sak vek a ni, tih a awm a.  
Chutih rual chuanin bang lovin tawngtai rawh u tih a awm bawk a, kan mamawh  
min hriat sak vek chuan tawngtai loh mai awm, mahse, bang lova tawngtai a ngaih  
avang hian nawr a ngai a ni tih kha a lang a ni. Chuvang chuan nawr ngailova han  
sawite hi chu helama kan thut vang mai mai emaw, sawlama kan thut vang mai mai  
emaw a ni mai a. Chuvang chuanin Central Sorkar hotute nawr atan hian kan tang  
ho anga, he House-a kan Resolution pass hi Mama ten an kengthla anga, khulamah  
an han nawr bawk anga, tahchuanin Buarpui atanga Lunglei kalkawngte, Phaileng  
atanga Mamit kalkawngte kha kan han nawr dawn a ni a. Chumi hun a thlen meuh  
chuanin inthlan leh pawh a hnip zaih mai ang tih hi ka ring tlat mai a ni.

Chuvangin Pu Deputy Speaker, he  
Resolution tha deuh mai, tha tih rilruk tak, Ruling party nih loh mai avanga min  
tiikhaih ang, kan Khuai hual miin min lak khaih ang tih hlahu vang mai mai a. han  
sawihnawm velte hi chu, a ho mai mai. Chuvangin tha takin i pass tlang ang tih  
kha ka'n rawt a ni.

Pu Deputy Speaker, Lawngtlai bialtuin point a rawn sawi kha han thlawp ve leh ka duh a. Kawichaw atanga Phura kalkawng Resolution kan sawi lai khan kan thlawp tlang vek a. Hnam inpumkhatna atan kalkawng tha hi a pawimawh a. Mizoram chhunga hnam chi hrang hrang integration atan a pawimawh a. tin, hmasawna ruhrelah hian kalkawngte. Electric-te leh thildang dang khaikhin ta ila, khawi nge pawimawh ber ang aw ? an pawimawh vek nachungin kalkawng hi a pawimawh em em a ni. A ber ti ta ila, kan sawisual tampui lovang. Keini, khawthlang lam tan phei chuan Mamitah full-load, TMB kan tih mai 200 Qtls., 250 Qtls. phura han kal theih hunah chuan Bairabi Rail-head nena inpawh thla anga. Mizoram ten hian economic road a ni dawn a. Nichina Kawrthah bialtuin a sawi ang khan khawchhak lam bungrua kawngpuiah a lo chhukthla anga. economics tan hian a that tur zia hi tun atang pawh hian a han thlir phak a ni. Hmasawna ruhrel atan a pawimawh a, chutihruah chuan hnam inpumkhat nan leh hnam hrang hrangte Mizoram chhung leh rampawna chengte integration atan a pawimawh a, chubakah chuan tourism tan a pawimawh a, engkim engkim a ni mai a ni tih hi a chiang a. Chuvang chuan kan resolution putlul hi a mawl lova, a athlak lo em em a, a finthlakin a thahnem ngaihthlakin ka hria a. Chuvang chuan nichina Ngopa bialtu zahawm takin Pu Khawpuia tawngkam veia han lehawi kha chu a tih chi lovin ka hria a, kan zavai hian pass tlang mai ila a, tha zawkin ka hria.

Tin, Pu Deputy Speaker, hetilaiah hian han tihdanglam phei chu a rem chiah lovanga, kan riluin a ken chu Aizawl khawpui leh Silchar lam atanga District Capital tihte Headquarter tinte double-lane-a tlawh a ni a, hei ai maha pawimawh zawk District Headquarter-te. Zokhaw lam bialtuten kan panna kawng hi a pawimawh hle mai a, Pu Deputy Speaker, i bial pawh a ni tho ang, Lunglei tlawhna tur atana kan kawng la tha lo te, chutiang bawkin khawthlangah Kanhmun, Lokicherra, Kawrthah atanga Mamit pannate, kan bial atanga Mamit kan panna te, chutiang ang zelin, Ngopa atang te. Khawhai atanga Champhai panna. heng road network zawng zawng hi double lane-a a awm hi a pawimawh hle a. Amaherawhchu, a hmasa a awm anga, a dawttu a awm anga, a dawttu leh a awm anga, kawng pawimawh zia ka'n sawi uarna ni sela. Hemi kan sawi rual hian kan zeh tel zawk duh chu mamit District khawpui panna tur atan kan bial lam atang khuan kawng ruahman mek a awm a, kan hotute hian hengte pawh hi min lo hriat sak sela. Phaileng atanga Dampuih. Dampui atanga Mamit panna tur kawng laih mekte hi a remchang bawka kan sawilang a ni. Kawng pawimawh zia hi hetilaia House-a Member ni zawng zawng hian kan hre vek a, amaherawhchu, kan sawi tawh ang khan politics thilah tlawmngaihthlaka la lova, kan zavaia pass mai hi thain ka hria a. ka rawn thlawp a.

Tin, chubakah chuan Pu Deputy Speaker, kawng a that loh hi chuan hmasawna economics-ah nichina kan sawi tawh ang khan ramdangin min rawn tlawhna atan a mawia a tha a, kawng engkima mi ram kan rualawhte hi hetiang taka kawng hi kan lo nei a, kan nawr bawka chuan a tha ang tih ka ring.

Pu Deputy Speaker, kan thiante tam tak khan nawr a ngai hleinem, tih tur sa reng alawm tih hi thudik ve angreng tak

a nia. Kan ram chu kan hre vek a, Central-ah pheih chuan M.P. rual chawei khawmte khu kan hmu ve tawh a, a chuha inchuh ngai ti tih a ni. Tin, M.L.A. te pawh phaiiah kan han zin a, Committee leh thil pawimawhah te chawei nikhua pawh hian kan inchuh deuh hulh hulh mai, keini Mizoram atanga palaite tana zahthlak tih chang a awm a. Mahse, ram pianzia a nih miau avangin inchuh ngai vek a ni a. Hmarchhaka State 8 zinga District Headquarters 85 tlawh tura ruahman awm mek hi kan chuh chak loh chuan a hnuhnungah kan awm thei mai dawn a. He House-ina Resolution lungruah taka a pass, kan Sorkarina theihtawp a chhuah bawh chuan he District Headquarters 85 zinga a hmasa lam kan nih theih ngat chuan kan ram tan a tha khawp ang. He House-a vawiina pass-tute hi thangthar zelah chuan mellung pawimawh tak kan ni ang ka ring. Resolution hi pass turin ka rawn thlawp a ni.

**PU LALDUHOMA**

: Pu Deputy Speaker, he Resolution kan ngaihtuah laia a changtu Minister, he House Leader ni bawh, darkar 2 zet kan hnena a awm lo leh tuna

Member zahawm tak ka hmaa sawituin vai ho chawei inchuhte entwahn tur ang lek leka min han hrilh kha a pawh viauin ka hria a. Mizoramah hian keimahni Budget atanga kawng kan laih hi chu sawitham a awm lova, Central leh NEC lam atanga sum min tumsak atanga kan laih erawh hi chuan kan hmel a tilang mawi ve a ni mai a. Ka hriatsual loh chuan, NEC hnuaiiah hian laih mekte nen kawng 12 kan nei a, NLCPR hnuaiiah hian tender mekte nen kawng 11 a awm mek a, MSRD hi Mizoram State Road Project, kan Budget bik chu a ni a. Chutah pawh World Bank hi kan la thun leh ta zel a, kan State budget tak tak chu sawi tham a awm lo. PMGSY-ah phase-III – IV thleng 2003 – 2006 ah hian kawng 79 laih mekte, zawh tawhte an ni a. Economic importance and Inter-state road (EI) leh National Highways kan han tih hi a pahnihin Ministry of Transport atanga min rawn finance a ni. Hemi tak hi vawiina kan resolution-in a khawih hi chu niin ka hria a. E & I hnuaiiah hian kawng pali laih tura buatsaih mek a ni. Hmanni lawkah P.W.D. Consultative Committee kan Chief Minister office-a kan neih tumin Ministry of Transport atang hian Mizoram District Headquarter two-lane-a pawh tir vek tura an rawn tih thu sawilan a ni a. Vawiina resolution hi ram kan hmangaih avanga kan zuk dil emaw a ni miah lo. India ramin ram ropui nih tuma a hmalaknaah keini mai ni lovin, State dangte huapin, scheme-te rawn siam ula, sum in mamawhte rawn thehluh ula, kan lo pe ang che u an ti zawk a ni, kan tih tur chu an thu anga thawh vat vat kha a ni mai. Chutiang a nih laia Central-ah ngen ni rawh se, tih kha a tul lo a ni. Thil tul zawk tam tak a awm a ni.

Kan Relief & Rehabilitation Minister-in “Silpouline rawn lam theuh rawh u” tiin lehkha min pe a, resolution pass kher a ngai em ni? kawngpui kan mamawh lo tih lam a ni lova, pek sa thawk turin min ti mek a ni. Central an muang a nih chuan kan nawr tur alawm, a puluttu zahawm ka ti, a bengvar vang a nih ka ring lo, party-in resolution tur kan ngaihtuah thin a. party-in a ngaih pawimawh kha kan thehluh thin a ni. Chuvangin, amah mimalin a tih ni lovin, kan ruling party-in a ngaipawimawh a. a thehluh tir a ni mai.

"Mawl" tih kha kan haw viau si a, thil finthlak loh tak a ni kan ti mai ange, a finthlak loh a ni. Amaherawhchu, hmannah kan kan Home Minister zahawm takin Central-a thil dil leh Pathian hnena tawngtai kha a rawn tehkhin mai kha a ni a, kei ka lo ip zawk zawk a. Khatiang khawpa Central-a thil dil leh Pathian hnena tawngtai nena kan ngaithuhmun tawh a nih erawh chuan, chuti khawpa kan hotute rilru hi assimilate a nih tawh erawh chuan, awm kan tihpui zel mai ang chu.

Hei aia pawimawh zawk erawh chu kawng la laih siloh laih zawh tawh anga lang tam tak a awm a, P.W.D. hian lehkhahu pakhat "Roads taken up under PMGSY" tih bu an chhuah a, chu chu South Sabual leh Darlung Student Union-ten an lo chhiar ve a, Press Release an rawn tichhuak a, Black-top-a tlang tawh angin he lehkhahuah hian an chhuah a ni chek a ni ang chu. A tlang loh zia chu Tlawng Lei hi a foundation an zo chauh a ni tih leh Tlawng atanga Darlung inkar phehi hi chu Boulder takngial pawh an la phah lova, phahna turin an nawr mam chauh a ni tih he kan zirlai khaw hnih amite hian an rawn chhuah ta a ni a. chuvangin, kawng zawh si loh, zawh anga a bute siama mipui hnena thu dik tawh lo hrilh thin hi tawp tawh rawh se tih resolution-te hi a ni pawimawh tawh zawk chu. Dik takin NRRDA ina PMGSY hnuah kawng "connected" a tih chu stage-I leh stage-II complete hi a ni. Stage-I ah chuan formation cutting, culvert leh retaining wall a ni a, state-II chu chu pavement a ni tih kan hria a, black-top thlenga zawh chauh kha NRRDA-ina connected a tih chu a ni a. Chutianga zawh tawh chu a tlem viau si laia kawng laih zawh tawh ngah em em a kan han insawi thinte, kan han inziak thinte hi chin tawh loh ni rawh se tih Resolution te hi putluh a ngai ngawih ngawih tawh zawkin ka hria a. Chhawrtui atanga Rullam te hi black-top angin hei consultative committee meeting-a kan kal tuma document min pekah chuan a lang a, a ni teuh lo a ni Pu Deputy Speaker. Chutiang chu a ni a, Chhawrtui pawh a la thleng mumal lo a ni.

Ka bial chhung ami Sakawrdai leh Zohmun inkar te pawh hi PMGSY phase-III ah khan khung a ni tawh a, kan zo tawh an ti chamchi a, phase-IV ah kan lang lova, an zo lo a ni ang tunah phase-V ah kan lo lang leh a, khatiang kha a ni a. Heng document-te pawh hi an rintlak lem loh a ni tih hi Chiang khawpin ka hria a.

Tin, tul leh deuh mai pakhat chu maintenance hi a ni. Kan ramah kawng maintain tur a tam a, kan khawpui kawngte, thingtlang kawngte, khawchhung apiang hi a chhe zual ringawt mai. Heng maintain-na tur zawk resolution-te hi pass ila, kan budget-ah pawh reflect ila, a hranpaa scheme siama dil tlak niin ka hria a. Hei PMGSY hi a black-top-na thlengin 100% Central Funding a ni tih kan hrechiang khawp mai a. Tichuan, black-top an zo anga, Central-in a tih tur a tih zawh hnuah a lo chhia a nih chuan maintain chu State Sorkarin a tum ang tih chauh a ni. Chuti ni si formation cutting atana contract hna thar pek atangte hian, contractor-in a bill a lak a, a hawn tur atang khan 20% te, 30% te maintenance-na tur hi kan Sorkar hian an cut tlat a ni Pu Deputy Speaker. 100% funding chhung ami a maintain-na tur atana lo cut hi a thianga lo hrim hrim a. an maintain zui kan hre bawh si lova, khata tana sum an lo lakhawm zozai kha

engzat tak ni ang maw ? engtingge an hman tak tihte hian kan ngaih a titha lo hle a nia. Pu Deputy Speaker, hun kha min pe tam deuh thin a, i hmet hma riau mai a. Tichuan, hei hi a maintain-na tur chu State Sorkar sum a ni a, Central sum a lainha tur leh black-top-na tur atana min pek maintain nana lo cut hi a thiang lo hrim hrim, chubakah he sum hi khawiah nge a kal, maintain nan an hmang ta em ? kan va hmu lo ve, heng ang zawkte hi tih ching tawh suh se tih resolution hi pass a ngai zawk daih. Party fund atana 4% an lak thin thu helaiah Zero Hour-ah ka pulut tawh a. kan House Leader hian a admit thlap a, a pha miah lo a nih kha.

Kan kawng lainha tur hi MNF party-in a source atangin percentage engemaw zat an lo cut bawk si, an hralh a 20% velin, a leituin 15% vel hlep a lo duh si, maintain-na an han cut leh bawk si, a lainha tak tak tur hi a tlem tawh em mai. Development hi kal chi a ni hlei nem, heng tihtawpna resolution-te, thil tul ngawih ngawih a ni. Tin, kan quality-te a chhe em em a, quality control division kan neih rengte hi hman tangkai a ngai em em a. Tin, nichina an sawi tawh ang khan kan kawngte hi a kual a, hmun tam takah kan kawng kualte hi a tihngil theih a ni. Zorama kawng kual tihngil theih zawng zawngte hi project-ah siam ta ila, a tawi sawt ang, chung angte chu thil tul tak a ni.

Tin, kan ramah hian Oil-te pawh lai chhuah tur lo awm se, a bungrua (machine) phur tur motor-in a zawh tlak leilawnte kan nei lova, kan rama leilawnte hi engvangin nge project-a kan neih a, resolution pawimawh zawkah kan thun zawk loh aw ka ti a. Aizawl-Silchar chauh four-lane ni lo hian, Silchar-Champhai, Silchar-Saiha tihte hi hengte thleng hianin heng kawngte hi tihzawm zel ni rawh se tih hi kan hnam tan hian a tul zawk daih a ni, min pek sa reng kan thawh hun nghaka min lo thlir reng laia resolution pass-te chu a tul lo lutuk, chu ai chuan a hmabak kan mamawh tur atana Resolution siamte hi a tul ngawih ngawih zawk a ni a. Tin, hmannah kan ngaithla, bamboo road atana sanction min pek theih loh avangin Switzerland of the East-te kan nih theih loh phah a, kum 5 chhungah India ram State hausu ber kan nih theih loh phah a nih si kha chuan khang Resolution-te kha pulut ila, bamboo road a hun taka min sanction loh avanga Sapthei pum 3 cheng 1-a kan hralh thei ta lo ngawt te, Sawhthing Kg.-a cheng 10-a kan hralh ta lo ngawt kha a pawimawh zawk daih a ni lawm ni ? Tin, tunhnaiah hian Pu Deputy Speaker, Sorkar hian Dan pakhat a siam thar a, contractor-ten Earnest Money an deposit kha lakchhuah tir veka tender apianga deposit thar tir an tum niin ka hria a. A tender amount a zirin a sing tel leh a nuai bi a lo ngai a. kha kha an tan a harsa a, hetiang a nih dawn chuan MUCO Bank-a an sum dahte hi an lakchhuah a ngai nual anga, he Bank ngei pawh hian a tuar dawn a ni. Hengte pawh hi hemi hnamhnawihah hian Sorkarin a lo bawhzui atan ka duh a.

A tawp berah chuan, Pu Deputy Speaker, kan khawchhung kawngpui laitute hian mipui min zah lo lutuk, keini khawthlang lama kal thinte khu chhun pachangah te rei tak tak min tiding a, helaiah tawite an lai a, a chanve, a lehlam laih lohte leh, a inzawmna lai ko bur tein an dah a, a kuma kum tikhan an kalsan leh daih a. Hei hi, kan Sorkar hian hre teh se, khawpui dangahte chuan ti se an duhin ka ring lo. Chuvang chuan, kan khawpui

chhung a ni emaw, khaw dang reng reng a ni emaw, kawng an laih hi an thawk a nih chuan thawk zo law law rawh se, thawh zawm awm si lova thla tam tak an kalsan thin hian harsatna a siam a, hengte hi a tawp tawhna turin kan Sorkar hian enzui se a thain ka hre bawk a ni. Ka lawm e.

**DEPUTY SPEAKER**

: Awle, tikhan, kan House Leader kan sawm anga, tawp lam kan zairel mai turah ka ngai a, engnge ni kan Minister ho pawh hi pakhatmah sawi

an la awm lova; a lehlamah chuan vawiin ang hunah hian zalenna kan nei vek a. Dar 4 hi restrict bur pawh a ni hian lova, Member-te thu thu a ni a, engpawh ni sela, hei kan Home Minister hi in sawm veleh phawt teh ang.

**PU TAWNLUIA  
MINISTER**

: Pu Deputy Speaker, ka lawm e. A hmasa berin chawhma lama kan Member thenkhat tena an tawngkam hman engemaw han expunge ngaite

helam atanga rawt ngai hauh lova, bengvar thua khatianga i rawn ti kha lawmawm ka ti a. Amaherawhchu, thil pakhat hmaih awmin ka hria. I sawiah khan Pu Deputy Speaker, uire tih leh mawl tih kha niin ka hria a, pakhat 'atthlak' tih pawh kha a awm a, kha pawh kha expunge theih ni se, a speech kha enchian ni se. Tin, vawiina kan resolution neituin 'District Headquarter tinte kawng double-lane-a laih tur hi chak zawka hmalak a nih theih nan Central Sorkarah nawr ni rawh se' tih hi ka thlawp a, tha ka ti a. Hei private resolution hi kan Member zahawm tak Pu F. Lal Thanzuala'n a rawn pulut a ni a, a ni hi kan Planning Vice Chairman a ni a, tianga ngaihtuahna thui tak hmanga a rawn pulut hi a lawmawm ka ti a, thlawp pawh ka chak em em a ni.

Tin, heta a wording han chhiar hian thil ruahman tawh sa kha a awm lo a ti lova, a awm a, chak zawka hmalak a nih theih nan tih a ni a. Zau zawka Mizoram tana kawngpui siam hi tha kan ti theuhin ka hria. Chuvang chuan chak zawka tih a kha i veilam amite khanin Pu Deputy Speaker, an lo chhiar kan deuh em maw ni aw ka ti a. Han chhiar ngun se chuan chak zawka hmalak theih a nihna tura nawr kha chu an duh ve ngei ka'n ring tlat a ni. Tin, District Capital tinte pawn kawng hetiang double lane-a siam hi a pawimawh tak zet zet a, Central Sorkarah programme awm mahselangin tunah hian chak zawkin i nawr teh ang kan ti a. Hei Information, kan hriat danah phei chuan Phase-I leh II ah an dah a, Mizoram hi B-ah an dah a, nakumah pawh an la tan dawn lo a ni. Chuvang chuan Pu Deputy Speaker, tunah House-in heta kan private resolution sawiho lai kan pass hi Zoram tan a tha ngei ngei ang tih ka ring tlat a ni. A chak zawk theih ngei ngeina tura hmanruaah resolution hi i pass ang tih kha ka han sawi duh a ni.

Tichuan, tunah hian kan hriat danin National Highway development programme pakhatah chuan North East State-a State Capital-te hi four lane-a zawm vek tur tih a ni a. Tunah hian four lane-a zauh chu a la hla em em a ni. Aizawl leh Silchar inkar pawh a chanve zet chauh hi double lane-in an la siam a, a dang an la hmabak a ni a. Chuvangin heta tanga Champhai te, heta tanga Saiha te, Lawngtlai, Lunglei, Serchhip, Mamit te phei chu double lane-a siam chu a la hla lutuk a ni. Chuvang chuan a enkawltu BRO te hian heng hi chak taka an thawh theihna turin vawiinah House-ah mipui aiawh ten kan resolve chuan nghawng a nei ngei ngei ang tih ka ring a ni.

Tin, Pu Deputy Speaker, khawthlang lam bialtute hian kan nghakhlel zual a ni. Kan District Capital Mamit khu kan kal theuh tawhin ka ring a. Nichinah khan kan Member zahawm tak Mamit bialtu khan a sawi tawh kha. Chuvangin kan ngaipawimawh em em a, tunah hian kan Sorkarin hma an lakna chinah pawh kumdang leh nidang aite chuan kal a nuam em em chungin Mamit District hian double lane-a siam hi kan nghakhlel leh zual a ni. Chubakah chuan Pu Deputy Speaker, Bairabi leh Mamit khawpui inkar hi tunah hian NEC fund atangin kawng laih zawh tawhah pavement tih mek a ni a. Tichuan, Railhead, Bairabi atanga District Capital Mamit, khutianga black top vek maia an siam zawh hunah phei chuan Mamit atanga Aizawl rawn panna double lane-a a awm kha a inhmeh leh zual dawn a ni. Mamit, kan District Capital khu khawthlang tan chuan kan chakkhai lamna hmunpui a ni dawn a. Mamit leh Phaileng inkarte pawh khu tuna Aichalkawn atanga Rural Development-in kawng an han sial tante khu P.W.D. hian han chhunzawm sela, thui pawh a ni tawh lova, lei dawh pawh a ngai lova, tlangdung mar hlir a ni a, khawthlang chuan kan tangkaipui hle ang tih pawh kha vawiinah hian Pu Deputy Speaker, ka'n sawi duh a. Tin, kan Sorkar chak tak hian khawthlang hi min ngaihsak em em a, keini Zawlnuam bial, bial kilkhawrte pawh Bairabi atanga Zamuang Km 35 tunah khuan NEC fund-in black top turin an bei mup mup a. Tin, Kawrthah atanga Kanhmun, Tripura - Cachar border thlengin tunah hian economic important road tiin an tender a, tunah hian double lane-a siam turin hma an la bawk a ni. Tichuan, kan bial khaw tawp ber mai Thinghlu, (Lusheichera kan tih thin) Km 13 pawh khu tunah khuan a mam pur tawh a ni, Pu Deputy Speaker. Tin, Hriphaw pawh khu khaw tawp a ni a, Cachar border thlengin 20 Kms chuang black top vek a ni a, Zamuang atang khuan a mam pur tawh mai a ni. Kan Sorkar hian miretheite awlsam zawka khawpui kan pan theihna tur leh kan thlai tharte khawpuia kan hrala awlsam theihna turin khatiang khan kawngpui a siam tha em em a ni. Chutiang chuan kan District Headquarter-te phei chu tha leh zuala hetiang siam chhohna tur ruahmanna awm mek hi chak zawka nawr hi vawiinah hian keipawh tha ka ti a, lawmawm ka ti a, ka thlawp thu ka han sawi ve a ni e. Ka lawm e.

**DEPUTY SPEAKER**

: Awle, tikhan, kan House Leader kan ko tawh mai ang a. A nin a tul a tih ang angte rawn sawi sela, i lo sawm ang u.



**PU ZORAMTHANGA  
CHIEF MINISTER**

: Pu Deputy Speaker, ka lawm e. Hei kan Member zahawm tak Pu Zuala resolution, District Headquarter tinte inkalpawhna kawng double lane-a laih

tur hi chak zawka hmalak a nih theih nan Central Sorkarah nawr ni rawh se tih kan Private Member's Resolution, vawiina kan sawikhawm hi kawng chitinrengah a bengvar thlak viauin ka ring a. Kan hriat lohte pawh thil tam tak min hriattir turte pawh a awmin ka ring a. Kan Member zahawm tak tena an han sawi ang khan, heng resolution-te hi a tul kher em mawni le, Sorkarin in nawr anga, in nawrna tur chu tihian kal mai sela, House-a pass kher a tul em mawni le tih han sawite pawh a awm a. Khangte pawh kha chuti zawnga ngaihtuah chuan a awmna laite pawh a awm a. Tin, hemi a tak taka ka zuk luh hma hian P.W.D. lamin kan term hman thenkhat hi midang, heta awm velo tan chuan term mak leh a va remlo ve mawle tih turte a nih hlawm deuh hlek avangin khami kan lehkhahu siam chhuah leh kan Member leh hmundanga kan tihchhuah pawh 'kan kawng hnathawh' tihah khan kan financial sanction kan hmuh kim tawh a kha completed hnuaiah khan dah a ni a. Black top thlenga hetia kan cover vek hi chu fully covered tiha record a ni a. Khalai kha tlemin midang tan chuan completed tihte chu a vai khan zawh vek tawh tihna a ni lawm ni tih kha ngaihtuah awm tak pawh ani a, a dik viauin ka hria. Amaherawhchu, kan hriat angin financial sanction-te kan nei a, kan tih tawhte kha completed hnuaiah khan an lo dah mai a, a term a hi a tha ber em aw tih a chu keipawh ka ngaihtuahnaah a awm a. Khalai a kha chu fully covered tih nena han siamrem dan tawngkamte pawh kha mipui hriatthiam theih zawnga kan tih kha chu a black top-in a la thlen loh na na na completed tih kha chu a diklo hrim hrim mai a. Chuvangin khangte pawh kha a term a pawh kha kan lo in enchiang ang e. tin, hemi kawng chungchang thuah hian chuan a pawimawhna sawi ngai lovin kan han sawitlan atang khan kan hre vek a.

Kan ngaihtlak tawh ang khan Phase-ah khan A leh B in kal a ni a. A-ah khan tuna kan kawng laih accelerated programme-ah hian special accelerated road development programme North-East bik hnuaia pawisa hmu kan ni a. Hemi programme hnuaiah hian phase A leh B-ah then a ni a, phase A kha engemaw chance neia nawr thiamte kha an lo lut ve leh thei mai bawh si a. Prime Minister Assam rama a lo kal khan an nawr vak a, khawilai emaw kha chu hemi kawng hi chu a tul bik a ni tia an lo nawr khan lolut ve leh zawkte an awm a, a hmaa A a tel lo kha, chuvangin, Arunachal kawng pakhat chu phase A-ah khan an tel a, Nagaland-a kawng thenkhatte nen Assam nena dang zawng zawng kha khang State pathum phase A-a telte pawh khan phase B kha a tam ber zawk an nei a ni a. Phase A kha chuan thui vak pawh a cover lo zawk a, tin, 1310 tih vel chauh a cover a, B khan 6300 chuang a cover si a, khalaiah khan kan awm thup mai a, chu tak chu vawinawh pawh Resolution a tul kan tihna chhan chu a ni a. DPR siam a ni a, a then lai kha DRO in DPR siam mek a nia. A then kha Mizoram sawi ta ila, P.W.D. ina DPR an siam mek a ni a, kha kha chu an zo thei mai dawn a. Amaherawhchu, phase A hi 2008 atanga 2009 inkara zawh tura target a ni a, tuna thawk chur chur tawh an ni si a, phase B kha thawh tan hun tur pawh min la hrilh si lova. Chuvangin zu nawr loh chuan a thlaphan thlak tawh tihna a ni.

Chuvangin phase A kan zo phawt anga, phase B chu kan lo kal ang ti a zia k chiah chuan min pe lova, mahse, phase A kha an thawk char char tawh si a, B kha a thawh hun tur min la pe baw k si lova. State tam ber leh kan District Headquarters tam ber kha a inthlung mup mai si a. Chuvangin, kan hmanhmawh a, hetah hian kan rinna zawng zawng nen, kan weight zawng zawng nen i zuk nawr tlang teh ang u kan ti a ni. Tunah hian Resolution pawh pass ngei tha ka ti a, hemi kan resolution pass hi ka lo tum dan chuan kan pass theih chuan kan pass ang a, khami hmang khan Central Sorkarah pawh lehkhah kan resolution copy-te nen kan pe thla ang a, A.C.M. ang pawhin kan thiam ang tawkin P-a luh nghal kha a tul zia kha DPR peih a nih apiang kha chuan phase B hi lo tan ve char char rawh se tiin kan zuk nawr baw k ang a. Mizoram maiin kan nawr kha a taw k lo em em a, ka rilruk dan chuan vawiinah hian kan pass theih chuan hetiang hian Mizoram State chuan phase B pawh hi a chak thei ang berin hmalak nghal ni rawh se tiin kan passed a. Nangni pawhin in House-ah remchang angin lo pass ve ula, Chief Minister zawng zawngin kan vaiin i nawr tlang teh ang u, North-East a miin chuti lo chu phase B lo chhuah hun tur engmah indication kan la nei si lova, chuvangin, kan vaiin i tang tlang teh ang u tia sawma zuk nawr pawh ka tum nghe nghe a, keima mimal pawhin. Keimahni, Mizoram, kei Chief Minister chakna mai ni lo, kan House-ina kan resolution mai pawh ni lo, North-East-a State dangte House resolution leh Chief Minister-te chakna nen kan vaia kan nawr loh chuan kawng siamna hi pawisa a tam si a, senso tur a tam thin si a, kan pawisa tlingkhawmin a la daih lo ti a, kan PMGSY te pawh cess atang leh thildanga tlingkhawmin hma an la a, mahse, India rama a vaibelchhe tel a tam tehlul nen kha pawh khan rampum huapa hma han laknaah chuan a lo daih ta lova, World Bank leh hmundang atangtein India ram pawh khan an dap chawp ve leh a ni si a, India ram programme puiah. Helaiyah phase B tura keini min dah pawh hi pawisa hi in zawh theih chuan a awm mai alawm tiin in duh zat zat a awm e an ti bik dawn hauh lova, an ni pawh an indaih bik hauh lovang tih ka ring a, India ram pum programme a nih avangin. North-East kha phase A in a cover kha tlem te te State pathumah khan a kal chauh a ni si a. Chuvangin phase B ami kan District Headquarters tam berte connect tur a kha a hma lama min tih sak loh chuan North-East phei chu kan working season-te a limit si a. Chuvangin House-in ti hian kan passed a, Chief Minister-in ti hian kan signed theuh a, ti hian kan pawimawhna kan rawn thlen a ni e, ti a India Sorkarah, Prime Minister-ah pawh Surface Transport lam emaw, National Highway Authority lam emaw, khami a khawih theih leh min pui thei chi hrang hrangah khan a thlen pawh zuk thlen tlan a, kan Planning Commission-te pawh an aw te pawh kha a pawimawh theih dawn avangin an ni hnen lamte pawh thlen a, zuk tih chu thain ka hria a.

Chuvangin, vawiinah hian hetah hian pass ngei ila, he kan pass-na hmang hian kan thenawm State-te, keini pawhin hetiang hian kan ti e, hawh u, i vawm thla char char ang u, kan M.P. neih theuh ten hma lo la sela. Chief Minister-in hma la theuh baw k ila, aw khatin, phase B-ah kan District Headquarters panna kawng kan siam thuai theih nan tan i la ang u tia kal pawh kha a tuln ka hria a, tum pawh kan tum a ni. Chuvangin vawiinah hian kan House hian lungruual takin hei hi chu pass tlang ila, lungruual takin kan passed tih theih kha ka duh khawp a.

**PU LALDUHOMA** : Pu Deputy Speaker, 'covered' tih leh 'fully covered' tih vel kha chu hei kan hriat vawikhatna a ni a. NRRDA in a term hman hi chu 'connected' tih hi ni maiin ka hria. Amaherawhchu, hei kan House Leader Office chhung ngeia min pek a ni a, hei hi Consultative Member-te hnenah, tah hian PMGSY Phse-III hnuaiah hian kawng 31 January 2007-a 'completed' tih a awm a, chung zingah chuan Chiang deuh maia pavement tih ziah hi engemaw zat a awm bawk a, pavement tih kha fully pavement a ni lo nge ni tih lai kha a ni a. Tin, phase -IV-ah pawh hian pavement tiha ziah kalh mai hi kawng engemaw zat a awm leh a, hei hi kumin March thlaa zawh tur tih a ni. Khatiang kha keini chuan Black top fel tawhah kan ngai lo thei lova, pavement tia a inziah miao avangin. Hengte hi a zia ang hian kan pawm dawn nge, awmze dang a nei leh zawk em tih min hrihfhiah se ka duh a.

**PU ANDREW LALHERLIANA** : Pu Deputy Speaker, kan House Leader sawi hi chu information tam tak kan neih phah thin avang khan chance min pe thin hi lawmawm ka ti a, hetiang Point of Order ka han zawh duh chu, DP ah khan kan awm tih kha niin ka hria a, District Headquarters connect tur ho kha DPR ah khan a project cost tur kha a awm si a, a cost of project a kha rawn thehthla rawh u tituten an thehthlak hma chu tihngaihna awm lo turah ka ngai a. A chhan chu engzatnge sanction a, engzatnge thawk rawh u tih kha a awm dawn lova, kha kha kan buaina chu a ni.

A dang lehah chuan, kha kha lo thehthla zuiin nawr tur ni se, helala Sorkarin pawimawh a tih kan neih reng reng hi chu Official Resolution nei tur ang hian Sorkar hian a rawn pulut thin a, chutiang chu nise chuanin keini tan sawisel tur awm lo tur awm tak a ni a. Kan House Leader-in a move tur a ni a, tun ami erawh chu random-ah pawh tar zingah a tel ve a, kan ngaipawimawh chawp ta a, after-thought a ni deuh lo maw i sawi dan kha tih, kan House Leader ka zawt duh a, ngaipawimawh, i ken tur ni se chuan engatinge official resolution-ah i rawn move loh ? ka ti deuh a ni.

**PU ZORAMTHANGA** : Pu Deputy Speaker, a dik a, mahse, Budget Session kan nei a. Official Resolution khatianga nawr tura kan duh a kha chu a awm nual a, a dang pawimawh tak tak chu a ni vek a, chung lo, hemi ka rilrua ka neih phe chu kan instrument kan Landing System, Airport-a kan tihna turte pawh khu kan kut min tihehak sak kan ngai a, kan nei teuh mai a, kha kha Official Resolution-a hetia han kalpui vek kha, hun hi a awm bik si loh avangin Private Member Resolution-ah hian telh phawt ila kan han ti ve a nia. Kan Member-te sawi kha a dik a.

Chuvangin vawinah hian kan Private Member Resolution-ah kha chuan. Ruling leh Opposition-te chu kan han inep a, kan tih laih laih te pawh kha a tul khawp mai a. Mahse, kha lo pawh kha  $\frac{3}{4}$  in nawr pui kan duh pawh a awm tak tak a, tun hi chu North-East pumpua kan nawr loh chuan a pawimawh lai ber kha a ni si a. Kan Member Pu Andrew sawi kha a dik a, hun hi kan ren thin avangin a ni hrana resolution, kan bill ngah tawh nak alaia, a thil dang eng eng emaw kan neih teuh nena, a thla deuhthaw kan tih bawh karah hian a hranpaa han tih a hi kan inthlahrung ve deuh bawh thin a tin a nia. Kha kha chu, engpawhnise, kan member zahawm tak, Pu Duhoma sawi kha, kan official ho pawh ka lo en tir anga, heti hian ka hrekim mai bik tawh lova, hetia ka zuk tihnaah khan, midangina ngaihsual theih tak khan fully cover ka tiha chu, chu chu a ni a, completed tih hi khami atana a pavement atana sanction kan hmuh tawh kha; an thawh lai la zo chiah lo mahse, sanction kan hmuha thawh tura kan pek tawh a chu, a complete tawh a ni, tiin kan dah a ni, te an lo ti thin a. Mahse, tak taka an thawh khan a lo la complete hman si lova, chulai a chu, a technical nomenclature-a kha chu, keini pawh kan lo enfel ang a, mite nena an hriat theih turin sanction hmuh tawh a nih kha chuan, sanction for pavement, receipt emaw, completed emaw tih khan chuan a fel mai a. Amaherawhchu, an terminology a kha a fel chiah lo lai chu, keipawh a awmin ka ring a, kha kha chu kan lo enfel ang e, kan la hriih zel dawn che u a nia.

Chuvangin tunah hian Pu Deputy Speaker, tuna ka sawi ang khan, tun hi chu hemi kan sawi ang khan a theih phawt chuan, Chief Minister dangte pawh telephone vea lo pass ve rawh u, tiin kan vawin aw pakhatin, i ti ang, kan thawn turah pawh hian Prime Minister pe ila, transport leh highway authority-te copy pein a tul a nih leh Planning Commission-ahte pawh pe bawkin, hawh u, i nawr tlang ang u, phase-D-ah hian kan DRP kan zawh veleha tih theih nghal tur tala min pek loh chuan, tunah engtikah nge min pek ang ? tih DPR kan zawh tep tawh pawh, hei, ti hian a awm sep sep a ni si a. I nawr tlang teh ang u, tih kha ka tum ve a ni a. Chuvangin kan Member zahawm tak ten khalai kha chu lungrual taka pass angin kal thei sela, kan thenawm State-te hnena han sawiah pawh khan a tha khawpin ka hria. Chu chu ka'n ngen a ni e. Pu Deputy Speaker, ka lawm e.

**DEPUTY SPEAKER** : Awle, tunah chuan Resolution neitu sawm ila, wine-up pahin adopt kha rawn dil nghal se a tha ang e. I lo sawm ang.

**PU F. LAL THANZUALA** : Pu Deputy Speaker, ka lawm e. Hun lak rei loh ka lo tum ang. Kan Chief Minister berin a sawi tawh a, chuvangin keiin thil tam tak sawi pawh a tul tawh lova. (Dy.Speaker : I tan thui hmain ngawi rawh lawk, Minute 5 emaw chauh a awm a, dar 4 kan thleng a nih pawhin i hrethiam mai ang aw)

Amaherawhchu, hemi Resolution-te pass tura ngenna ka siam hmain thil thenkhatte sawi a awm avangin nangman un-parliamentary i tih avang khan tihrik theih a ni ta lova, amaherawhchu, Aizawl khawpui chhungahte leh hmun tam takah kha thu kha tam tak bengah a lo lut tawh si a. Chuvang chuan un-parliamentary word crawh kha chu ka hmang ve lo ang a. Amaherawhchu, tlema sawifiahna ka neih ve loh chuan ka right kha min denied ni dawnin ka hria a, he thil hi sawi a ni thin a, ka awmna party hmasa ber atanga ka chhuaha, heta Ruling Party-a ka'n luh ve chungchang thu hi rilru inpeih veka ti ka ni a. kan thiantena khatia an sawi khan min tina lova, tin, bad feeling pawh ka nei bawh hek lova, patling kan ni a, kan tih dawn khan mi min sawi theih dan tur hi ngaihtuah lawk vek tawh a ni. Tin, khatiang khan rawn ti lo ni la chu a lang a pauva thui deuh zawk han sawi kha ka chak zawk mah a, Pathian hnathawh a nih hi maw, ka ti deuh hial a. A chhan chu thil awmzia dik tak sawifiahna hun a inhawng ta a niin ka ngai a. Amaherawhchu, ka sawi tam vak lo ang a. Engpawhnise, helai thila kan kai chhohnaah hian Hnahthial bial, bial pahnihte Pastor ka rawn a, bial Committee hotute ka rawn a. Party 98% velte nena lungrual taka India dan ang thlapa ti kha ka ni a. Chuvang chuan han sawichhiatna tur hi awmin ka hre lova, rilruah hian quilty conscience pawh ka nei hek lova. Tin, 1998-a kan inthlan dawn khan thu min sawitirnaah chuan, point pakhata ka pek chu, Pathian khawngaihna a zara ka lo tlin chuan Pa-in a inchhung khur enkawl a tum angin ka bial hi enkawl ka tum ang tiin ka tiam a ni. Kei chuan ka ngaihpawimawh ber a chu, ka bial thatna hi a ni. Tichuan, ka buk a, khata awm reng kha nge ka bial tana tha nge hetia ka insawn hi nge ka bial thatna ni dawn ka ti a. Tichuan, ka buk a, khata awm reng kha nge ka bial tana tha a, hetia awm hi tih ka buk khan Estheri pawh khan Dan lo in ka lut ange a ti a, a ni pheih kha chu Dan lo kha a ni a, kei chu Constitution dik tak kha a ni a. Khatiang khan ka kal ta a ni tih kha ka'n sawi duh a.

Chuan Pu Deputy Speaker, ka Private Resolution hi sawitu kan tam a, a ngaihnam khawp mai a, kan debate pawh a ngaihnam khawp mai. Tin, kan House Leader berin thil pawimawh hrang hrangte a rawn sawi a, tin, kan han sawi khan double lane-a a kal kha duh lo kan awm lem lova. Amaherawhchu, tianga lo tihte chu a tul hlei nem, tiang thil kha ni maiin ka hria a, tin, Central Sorkar han nawr kha a DPR siam lai atang pawh khan kei chuan tul thovin ka hria a. DPR pawh kha rei lutuk pawh a siam theih a, kawng tha neih hi a hmanhmawhthlak a, chuvang chuan eng stage atan pawh kan Resolution hi a dik reng reng maiin ka hria a. Chuvangin kan Ram thatna atan District Headquarter-te inkalpawhna kawng double lane-a lai tur hi chak zawka hmalak a nih theih nan Central Sorkar-ah nawr ni rawh se, tia Resolution ka thehluh hi House Member zawng zawng hian lungrual takin pass turin ka ngen e. Ka lawm e.

**DEPUTY SPEAKER**

: Hun i hmang thiam hle mai, dar 4:00 chiah chiah a ni e. Le. Resolution neitun han sawifiahin adopt a rawn dil a, kan buk mai ang a. Adopt remti apiangin remti ti rawh ule. Remti lo kan awm em? remti lo kan

awm a nih chuan remti lo tiru le. Aw, remti lo kan awm lova, Pu F. Lal Thanzuala Resolution "District Headquarters tinte inkalpawhna kawng double lane-a laih tur hi chak zawka hmalak a nih theih nan Central Sorkarah nawr ni rawh se" tih chu House-in lungrual takin a adopt ta a ni. ( Pu F. Lal Thanzuala : Pu Deputy Speaker, ka lawm e.) Le, vawiina kan business chu kan zo leh ta, kan chawl rih ang a, karleh Thawhtan, ni 26 zing dar 10:30-ah kan thukhawm leh dawn nia.

Sitting is adjourned at 4:00 P.M.